

চিনিবাস-চরিতামৃত ।

শ্রীশ্রীরাজলক্ষ্মী, মডেলভগিনী, কালাচাঁপু, বাঙ্গালী-
চরিত, নেজা হরিদাস, কোঁতুককণা প্রভৃতি
গ্রন্থ প্রণেতা কর্তৃক বিরচিত ।

ষষ্ঠ সংস্করণ ।

কলিকাতা,

৩৮/২ ভবানীচরণ দত্তের ষ্ট্রীট, বঙ্গবাণী-প্রীত-মেলিন-প্রেসে
শ্রীঅরুণোদয় রায় দ্বারা
মুদ্রিত ও প্রকাশিত ।

১৩০১ সাল ।

মূল্য ১/ এক টাকা ।

ডাকমাণ্ডল ৯/০ আনা. ভিঃ পিঃ ৭২ আনা ।

মুখবন্ধ ।



কেবল হাসির জন্য যদি কেহ চিনিবাস চরিতামৃত পাঠ করিতে চাহেন, তবে তাঁহাকে আমি গ্রন্থ-পাঠে নিষেধ করি । গোড়া হইতে শেষ পর্য্যন্ত গ্রন্থে ছত্রে ছত্রে চোখের জল আছে । শ্মশানময় দেশের বর্ণনায় হাসি কি ? সেই শ্মশান-ছবিতে রঙ্ দিবসর সময় কেবল “এক-পৌছ” হাসির বাগিস মাখান হইয়াছে । তাই বলি, যিনি কেবল হাসির জন্য গ্রন্থ পড়িবেন, তিনিই ঠকিবেন ।

এদেশে বিক্রপাত্মক কাব্য লিখিবর এখনও উপযুক্ত সময় আসে নাই । শাদাকে ঈষৎ গোলাপী আমেজ করাই বিক্রপ । কিন্তু যাহা স্বভাবতই ঘোর গোলাপী, তাহার উপর আবার গোলাপী রঙ্ চড়াইয়া, গোলাপিতম করা বিড়ম্বনামাত্র । একটা মোটামানুষকে ঠাট্টা করিতে হইলে, লোকে বলে, ঠিক “এটা যেন হাতী ।” হাতী, অতিরঞ্জিত হইয়া, পর্ব্বতের সহিত তুলনীয় হয় । করিগণ, পর্ব্বতকে মেঘের সহিত তুলনা করেন । বল দেখি ভাই ! সেই আকাশ-ভরা, ঘোর-গভীর ঘন-ঘটাকে কাহার সহিত তুলনা করিবে ? তখন নিধু বাবুর সহিত বলিতে হয়,—

“তোমারই তুলন্য প্রাণ তুমি এ মহীমণ্ডলে !”

গাছা চরম, তাহাতে বিক্রপ বা অতিরঞ্জন খাটে না। বঙ্গভূমির এখন অবস্থা চরম, সুতরাং চিনিবাসে বিক্রপ বা অতিরঞ্জন স্থান পাইতে পারে না। চিনিবাস, স্বভাব-উক্তি অলঙ্কারে পূর্ণ।

“স্বভাবোক্তি-রলঙ্কারো যথাবদ্বস্তুবর্ণনম্।

লোকে যেন নয়ন-জলে ভাসিতে ভাসিতে চিনিবাস-চরিতামৃত পাঠ করেন, ইহাই গ্রন্থকারের আশা।”

১২৯২ সাল। }
কলিকাতা। }

শ্রী—

চিনিবাস চরিতামৃত।

প্রথম পরিচ্ছেদ।

রাজনীতি-নদী অতি তরঙ্গ ভূক্ষণ।

ভাঙ্গা তরী ভাসে তায় মাঝি জাম্বুবান।

শ্রীচিনিবাসের প্রেম অমৃত সমান।

যেই শুনে সেই লভে, পুরা দিব্যজ্ঞান ॥

গ্রামে আজ মহাপ্রলয়। লোক সব, ছুটাছুটি দৌড়াদৌড়ি করিয়া বেড়াইতেছে। কোথাও আগুন লেগেছে নাকি? পাড়ার চৌকিদার, এক প্রকাণ্ড লাঠি ঘাড়ে করিয়া, বিকট রবে চৈচাইতে চৈচাইতে চলিয়াছে,—“সকলে বাঁড়ুযো মহা-শয়ের বাড়ী শীঘ্র যাও,—আর বিলম্ব নাই।” কারু গঙ্গায়াত্রা হবে নাকি? মহেশমণ্ডল, চটীজুতা পায়ে দিয়া, মুড়িশেলাই চাদর কাঁধে ফেলিয়া, হুহুন্ আসিতেছেন। চৌকিদার তাঁহাকে দেখিয়া বলিল,—“আরে বড়-মোড়ল! আপনাব এত দেবী কেন? এদিকে যে সব ফুরিয়ে গেল। বারু ভাণ্ডারি বাস্তব হয়েছেন।” মণ্ডল বলিলেন,—“এই আমি মাঝের পাড়ায়

খবর দিয়ে, তাঁতিপাড়া য্যক্তি—আড়াই প্রহরের এ দিকেত আর কৰ্ম্ম হবে না,—আমি কি আর নিশ্চিত হুয়ে বসে আছি,—আমি তাঁতিপাড়ার নিমন্ত্ৰণটা সেরে শীঘ্র বাবুর বাড়ী য্যক্তি—তুই দক্ষিণপাড়া ডেকে আর ।” কি এঁ, বাবুর বাড়ী পিতৃ-শ্রাদ্ধ নয় ত ?

দশ মিনিটের মধ্যে রাস্তা দিয়া, দলে দলে লোক দৌড়িতে লাগিল । তাঁতি, জোলা, কলু, বাগদী, কামার, কুমার, জেলে, আগুরি, কৈবৰ্ত্ত, সৎগাপ—সকলেই বেগে বাবুর বাড়ীর দিকে ধাবমান । বেলা তখন প্রায় দুটা । পৌষ মাস । কেহ ধান কাটিতে কাটিতে উঠিয়া আসিয়াছে, কান্তখানা কাহারও কোমরে গোঁজা আছে । কাহারও বা হাতে আট আট ধান আছে । কোন জেলের জাল-ঘাড়ে; কেহ বা নুতন জাল বুনিতে বুনিতে পথ চলিতেছে । হুগুর কৈবৰ্ত্ত, হাতে আলু-পটল বেচিয়া ঘরে আসিতেছিল,—মাথায় তারতালি বাজরা ; তাকে আর ঘরে ঢুকিতে হইল না ; সে সেই বাজরা মাথায় করিয়াই চলিল । গ্রাম্যপথে এক অপূৰ্ব্ব দৃশ্য দেখা দিল ।

দেখিতে দেখিতে বাবুর বাড়ী লোকারণ্য হইল । বাড়ী-খানি অতি চমৎকার । বাহিরে একটা ভজন-কুঠারি—ছটে-রোডার দেওয়াল । মেজে মাটির । তথাচ সেই ক্ষুদ্র জরাজীর্ণ, যুক্তিকা-বাঁশ-খড়-কঙ্কিমগম্বিত গৃহমধ্যে একটা টেবিল এবং একখানি চেয়ার বর্ত্তমান । টেবিলের উপর দোয়াত, কলম ও কামজ্ঞা প্রায় চারিশত লোক একত্র ; তাহারা কৌতুহল

দাঁড়ায়, কোথায় বসে, তাহার কিছুই ঠিক হইল না। তখাচ
বারু, গ্রামের সুমন্ত লোক এখনও আসিয়া পৌঁছিল না বলিয়া,
মহা ক্রুদ্ধ হইয়া উঠিলেন।

বারুর গড়ন পাঁকুসিটে ; লম্বা ঢং ; রংটা খাঁড়ি মস্তুরির
ডেলের মত ; চুলগুলি কৌকড়া-কৌকড়া, চোখে চসমা।
নাসিকার নিম্ন দিয়া গৌফের রেখা ঈষৎ সমুদিত। দেহখানি
বনাতের কোটে আবৃত। পায়ে ডবল-এষ্টাকিন, হাতে রুমাল।
শীতকালে অবশ্যই ঘাম নাই, তবু রুমাল লইয়া বারু অনবরত
মুখ মুছিতেছেন, চোখের কোল ঘসিতেছেন।

এতক্ষণে বুঝিলাম, ঘরে আগুনও নয়, গঙ্গাযাত্রাও নয়,
শ্রাদ্ধও নয় ;—কেবল ছিটেবেড়া, বারু এবং লোকপাল। এই
ত্রৈরাশিতে কি ফল উৎপন্ন হইবে, জানি না।

বারু একলা-ঘরের যাদুমণি। বাঁপ নাই, দাদা নাই, খুড়া
জ্যেষ্ঠা কেহই নাই। আছে কেবল এক বুড়ী-মা—ত্যা, সে হত-
ভাগীর বেটী না থাকারই মধ্যে। ফোকলা দাঁতে তার কথা
ভাল বেরায় না, চালুমেধরা চোখে সে ভাল দেখতে পায় না,
পায়ে বাত ধরায় সে ভাল চলতে পারে না। এমত স্থলে
মাতার কর্তৃত্ব পুত্রের উপর একেবারে নাই বলিলে অত্যাক্তি
হয় না। সুতরাং বলা বাহুল্য, বারু সর্বতোভাবে স্বাধীন ;—
পারিবারিক প্রথার কঠোর শাসনে প্রসিদ্ধিত নহেন।
পিতা মাতা, খুড়া জ্যেষ্ঠা . প্রভৃতি অকর্মণ্য জীবগণকে
সামাজিক রূপে সম্মান দেখাইয়া, তাঁহাকে আর অনর্থক

সময় নষ্ট করিতে হয় না । ইহাই সংসারের খাঁটি স্মৃতি,
অক্ষত শাস্তি !

বাবুর বাপের কৃষ্ণনগরে কাপড়ের দোকান ছিল । এই
দোকানে বিলক্ষণ দশ টাকা লাভ থাকায়, তিনি কিছু সঞ্চয়
করেন । প্রায় ষাট বিঘা* নাখরাজ জমী খরিদ করেন এবং
মৃত্যুর কিছুদিন পূর্বে নিজ গ্রামখানি পত্তনি লয়েন । তিনি
নিতান্ত মিতব্যয়ী ছিলেন ;—লোকে বলে, এখনও বাবুর মায়ের
হাতে নগদ দশ হাজার টাকা আছে । বুড়ী মা, কিন্তু কাট-
কবুল, বলে—‘হাতে আমার এক কড়া কড়িও নাই ।’ বাপ,
বাড়ী ঘর কিছুই করিয়া যান নাই—সেই সাবেক সেকেলে
থড়ো বাড়ী ।

বাবু বহুকাল হইতে কৃষ্ণনগর কলেজে পড়িতেছেন । এবার
এন্ট্রেন্স পাস দিবার নিশ্চয় কথা ছিল । কিন্তু হঠাৎ বেন
পাস না দিয়াই বাবু বাটী আসিলেন, এ কথা অনেকে তাঁহাকে
জিজ্ঞাসা করিতে লাগিলেন । বাবু একটু মুচকি হাসিয়া,
সকলকে এইরূপ উত্তর দানে প্রবৃত্ত হইলেন, “তোমরা এন্ট্রেন্স
পাসের মর্মে কি বুঝিবে ? কৃষ্ণনগর সহর শুদ্ধ সকল লোকেই
এবার একবাক্যে বলিয়াছিলেন, আমি এন্ট্রেন্স পরীক্ষা দিলে
সর্বপ্রথম হইব ; কিন্তু বয়সের অল্পতা নিবন্ধন কলেজের অধ্যক্ষ
আমাকে পরীক্ষায় উপস্থিত হইতে দিলেন না । তোমরা বোধ
হয় কেহুই জান না, ষোল বৎসরের কম বয়স হইলে এন্ট্রেন্স
দিতে নাই । আমি কি করি—কাজেই বাটী আসিলাম ।”

এই গ্রামে এ পর্য্যন্ত ইংরেজী পড়া প্রবেশ করে নাই ;
 বাবুই এ বিদ্যার প্রথম ব্রতী । এত অল্প বয়সে, এত অধিক
 বিদ্যা উপার্জনের কথা শুনিয়া লোকে চমকিত হইল ।

এই কথা শুনিয়া, দু একটা দুষ্ট লোকে কাণাকাণি করিতে
 লাগিল,—ওর বয়স বোলর কম কিসে ? উনি ত অনেক দিনের
 ছোকরা—আজও কি বোল পূর্ণ হইল না ?

বাবুর এই বয়সের গোলযোগ লইয়া কৃষ্ণনগরে একবার
 দাঙ্গা হইয়াছিল । বাবু যে বাসায় থাকে, সে বাসায় আরও
 পাঁচটা ছেলে থাকে । বাহাদুরদির পর রাত্রে তর্ক উঠিল,—
 “কার কত বয়স ?” বাবু বলিলেন,—“আমার বয়স ১৪ ।” এই
 কথা শুনিয়া সকলে হো হো রবে হাসিয়া উঠিল । একটা
 বালক বলিল,—“আমার বয়স ৫ । আমি এখনও কাপড় পরি
 মা ।” আর একজন বলিল,—“সে কিহে, তোমার এত অধিক
 বয়স ? আমার যে এখনও অল্পপ্রাশন হয় নাই ! এই একটা
 ভাল দিন দেখে শীঘ্রই সকলকে আগার ভাতের নিমন্ত্রণ
 করবো ।” বাবু তখন ক্রোধে কম্পিতকলেবর হইয়া সেই
 বালকের গালে, সেই পাকুসিটে হাতের চড় বসাইয়া
 দিলেন । ক্রমে মহাগোলযোগ উঠিল—বিলক্ষণ মারামারি
 আরম্ভ হইল, লোক জড় হইল, পুলিশ আসিল । এই বিবাত
 দাঙ্গার পর অদ্য বাবুর কোষ্ঠী দেখিয়া বয়স বলিতে গ্রন্থকার
 সাহসী হইলেন না ।

এই বাবুই আমাদের নায়ক—চিনিবাস বন্দ্যোপাধ্যায় ।

হঠাৎ চিনিবাস বাবুর ছিটেবেড়ার গৃহাভ্যন্তর হইতে, টং টং টং টং পেটা-ঘড়ি বাজিয়া উঠিল। সেই সঙ্গে সঙ্গে “চুপ্ চুপ্ চুপ্।” এইরূপ একটা সাড়া পড়িয়া গেল। সকলে নিস্তব্ধ চিনিবাস দাঁড়াইয়া বন্ধুতা আরম্ভ করিলেন, “তোমাদের জন্যই অদ্য আমার এ শ্রমস্বীকার। আমি গ্রাম্যপথের তুর্দশা দর্শনে নিতান্ত ব্যথিত হইয়া পড়িয়াছি; রাত্রে চোকের জলে বুক ভাসিয়া যায়। গবর্ণমেট নিতান্ত নির্ভর, এ পর্য্যন্ত একটা পয়সাও দেন নাই। অথচ প্রতি বৎসর আমরা সকলে গবর্ণ-মেটকে পথকর দিয়া আসিতেছি। তোমরা নিতান্ত কাপুরুষ, তাই অাজ এ টাকা আদায় করিতে পার নাই। অমি ৫০০ টাকা জন্ম রোডশেশ-কমিটিতে ইংরেজীতে এই দরখাস্ত লিখিতেছি। আপনারা ইহাতে সহি করিলেই টাকা পাইবেন।

“আর এক কথা। আপাতত এই পঁচশত টাকা আদায়ের জন্য কৃষ্ণনগর যাইয়া আমাকে তদ্বির করিতে হইবে—এবং কলিকাতার প্রধান প্রধান সংবাদপত্রে এ বিষয়ে সুদীর্ঘ প্রবন্ধ লেখাইতে হইবে, অতএব প্রথম তদ্বির জন্য অন্তত ১০০ টাকা আবশ্যক। তোমরা অদ্য টাকা করিয়া এই টাকাটী তুলিয়া দিলেই কল্যাণ আমি কৃষ্ণনগর যাত্রা করিব। এ টাকা দিলে তোমাদের লাভ ভিন্ন লোকসান নাই; ৫০০ টাকা আদায় হইলে, অতঃপর তোমাদের টাকা ফেরত দিব। বাকি ৩৭৫ টাকা গ্রামে স্থানীয় রাস্তা ঘাট হইবে। আর ঐ একশত টাকা পাইলে, আমি দেশে একরূপ রাজনৈতিক আন্দোলন ছাণিব,

যাহা কখনই নিবিবে না। কল্যা প্রাতেই আমাকে যাত্রা করিতে হইবে—অতএব আজ নাগাইদ সন্ধ্যা টাকা চাই।

“শেষ, তোমরা শ্রবণ কর ইংরেজী দরখাস্ত।” এই বলিয়া ইংরেজীভাষা-অনভিজ্ঞ, গ্রামবাসীর নিকট চিনিবাস বাবু সেই দরখাস্ত উচ্চৈঃস্বরে পড়িলেন। মহেশমণ্ডল বলিল,—অতি উত্তম লেখা হইয়াছে; ক্রমে সভাস্থ সকলেই বলাবলি করিল, বাবু যেরূপ তেজ কলমে লিখিয়াছেন, তাহাতে অচিরেই শুভফল ফলিবে। তারপর সেই দরখাস্তে নাম সহি করিবার ধুম পড়িয়া গেল। মহেশমণ্ডল প্রভৃতি দুই একটা লোক ছাড়া পনর আনা উনিশ গণ্ডা লোক চেরা সহি করিল। বেলা চারিটার সময় সভা ভঙ্গ হইল।

বাবুর পাড়ার ব্রাহ্মণবংশীয়া কুল-ললনাগণ এমন সময় কলসী-কাঁখে নদীতে চলিল। মালতী, মোক্ষদা, মোহিনী, বৃন্দা, বিমলা, বগলা প্রভৃতি যুবতীগণ ধীরে ধীর তালে তালে পা ফেলিয়া, গজেন্দ্রগমনকে লজ্জা দিয়া, পরস্পর মধুরালাপে বৈকালিক বায়ুকে আন্দোলিত করিয়া, নদী সৈকতে উপনীত-প্রায় হইলেন। মালতী বলিলেন, “আহা, বেশ ছেলেটী! সে দিনকার চিনিবাস, আজ ইংরেজীতে কথা কয়ে, লিখে, গ্রামের পথঘাট সব বাঁধিয়ে দিচ্ছে,—এমনি ছেলে হলেই মায়ের সুখ।”

বৃন্দা। তা, বৈ কি দিদি—চিনিবাসের মা ত রত্নগর্ভা; ওবাড়ীর পরেশ চিনিবাসের বয়সী—সে যদি আজ লেখাপড়া শিখতো—তাহলে আর ভাবনা কি?

মোহিনী । আহা, হোক্ হোক্,—বুড়ীর আর কেউ নাই—
ঐ শিবরাত্রির সন্তেটুকু ভরসা, শত্রুর মুখে ছাই দিয়ে, এক-শ
বছরের হ'য়ে চিনিবাস বেঁচে থাকুক—

বিমলা । হ্যাঁ গা, সেদিন একটা কি কথা শুনলেম ।
কোম্পানী নাকি চিনিবাসকে কয়েদ দেব বলেছে—সে কি
কথা গা ?

মালতী । আঃ পাগল,—তা আর তুই জানিসনে ? চিনি-
বাস কেঁটনগরে, কোম্পানীর মূলুক উল্টে দিতে চেয়েছিলো—
দারোগাকে, মেজেষ্টার সাহেবকে ইংরেজীতে কথা কয়ে মাতে
গিয়েছিলো । চিনিবাস বলেছিলো,—আমি কোম্পানীর মূলুক
মানি না—

মোক্ষদা । চিনিবাস, দৈত্যকুলে পেছলাদ—

বগলা । চিনিবাসের সবই ভাল, তবে মেয়ে-ছেলে, বউঝীর
উপর একটু খর নজর আছে—

মালতী । না, না, না,—সে কথা বলোনা, দুধের ছেলে,—
সে দিন হ'তে দেখলুম— ওর যে সব কোন দোষ নাই—

বুলা । হ্যাঁ বয়েস কচি বটে ;—তবে কি না জান, ওরা
সহরের ছেলে, পাঁচটা দেখেচে, শুনেচে,—

বিমলা । ঠিক বলেছ, বুন ! এখন কি আর দিন কাল
সে রকম আছে ? ইংরেজী পড়লে ছেলে পিলের চোখ মুখ
শিংগির ষোঁটে—চিনিবাসের মাথায় চেরা-সিঁধি দেখ নাই ?

বগলা । তোমরা কি ভাই কিছুই শোন নাই ? তাঁতিদের

রামমণির জন্য এবার সে সোণার চিক গড়িয়ে এনেছে :—
সাবান, তাস, পমেটম,—সব দিয়েছে—

মালতী । রামমণি আধবয়সী মাগী, কালপেঁটী—সেদিন
বিধবা হলো,—তাকে কি ও-সব দেওয়া সম্ভব ?

বগলা । তা জানিনে ভাই !—আমিত ওসব কথা, কঠোর
মুখে কাল শুনেছি—

এই কথা কহিতে কহিতে রমণীগণ নদীজলে অবতরণ
করিলেন ।

রামমণি গ্রামের রাজনৈতিক এবং সমাজনৈতিক রমণী কি
না, জানি না ; তবে এটা ঠিক, চিনিবাস প্রত্যহ সন্ধ্যার পর
রামমণির বাটীর দিকে চাহিয়া ব্রহ্ম-সঙ্গীত আলাপ করিতেন ।
এবার একখানি ব্রহ্মসঙ্গীত পুস্তকও তিনি লইয়া আসিয়াছেন ।

সেই দিন বৈকালে ওদিকে ১০০ টাকা চাঁদা আদায়রূপ
রাজনৈতিক কাণ্ড চলিতে লাগিল,—এদিকে ঠিক সন্ধ্যার পরই
চিনিবাস, ভাবমগ্ন মহাযোগীর ন্যায়, সামাজিক-মহাসাগরে ডুব
দিলেন । সেই ভজন-কুঠারির দ্বারে খিল দিয়া, জানালার কাছে
চেয়ারে বসিয়া, ঠিক রামমণির বাটীর দিকে চাহিয়া, বাবু
আড়খেমটায় ব্রহ্ম-সঙ্গীত আরম্ভ করিলেন,—

রাগিণী পিলু খান্সাজ—তাল আড়খেমটা ।

সযতনে বিছায়েছি হৃদয় অঁসন ;
বড় আশা তুমি এসে বসবে আজি প্রাণধন ।

প্রীতির কুসুম গুলি, রেখেছি যতনে তুলি,
বড় সাধ প্রাণ তুমি এসে কর হে গ্রহণ।

তব রূপ অতুলন, দেখা ও হে হৃদয়-মন,
হেরি রূপ মনসাথে ভরি দুনয়ন ॥

ভূষিত চাতক সম, হয়ে আছে, প্রাণ মম,
মিটাও পিয়াস করি কৃপাবারি বরিষণ ;

সংসারের যাতনার মন প্রাণ দক্ষ প্রায়,
(এসে) ঢাল ঢাল প্রেম-সুখা ছুড়াক আজি প্রাণ মন।

এস তবে প্রাণ-সখা, প্রাণ অকুল পেতে দেখা,
সুখ-তরঙ্গ তোল প্রাণ দিয়া দরশন ;

সুখের তরঙ্গে সেই, প্রাণেরে ভাসিয়ে দেই,
ভুলে যাই দুঃখ শোক, এই মনে আকিঞ্চন ॥

এই গানটি শেষ হইলে, বাবু আর একটা ব্রজ গান আড়-
খেমটায় ধরিলেন,—

কবে হয় সে দিন হবে ?

তব প্রেম-পতাকা ভুলে কুতূহলে,

(যত নরে) কুতূহলে মিলবে সবে—

এমন সময় গৃহদ্বারে ছপদাপ ধাক্কা পড়িতে লাগিল ;—

“খোল ব্যাটা বাবুন দোয়ার, তোর মুখাটা আমি আজ
লোঠিয়ে ভেঙ্গে ফেলবো ? আজ তোর রাশনাই কেমন
থাকে দখ্বে ?

চিনিবাস । ডাকাত পড়েছে, ঘরে ডাকাত পড়েছে । ওঁহে

রামধন, শীগ্গীর এসো (খাকা দাতার প্রতি) কে হে তুমি, কি চাও ?

খাকাকারী । আরে মশাই রেখে দিন বিট্লেমী—ভদ্রর লোক হ'য়ে, পেরস্তর মেয়েছেলের উপর জুলুম ; আজ সন্ধ্যাবেলা থেকে ঘরে বসে, আমার বাড়ীর দিকে চেয়ে, কেবল কাঁচা খেঁউড় হ'চ্ছে—

চিনিবাস । কেহে, তুমি নিতাই তাঁতি—ওসব ভাই কিছু মনে করো না, আমি কেবল ঈশ্বরের নাম ক'টি—

পুনরায় দ্বারে আঘাত সজোরে ।

চিনিবাস তখন ক্রুদ্ধ হইয়া বলিলেন,—“দেখ নিতাই, আমি ভীরা, কাপুরুষ নহি—আমি তোমার লাঠিতে ভয় করি না । আজ যদি আমার দ্বারে ইংরেজের লক্ষ রাজনৈতিক লাঠি একত্রিত হইত, তাহা হইলে আমি এখনি দ্বার খুলিয়া অকাতরে মাথা পাতিয়া দিতাম । কিন্তু তোমার ঐ সমাজনৈতিক একটা লাঠিতেই আমি সঙ্কুচিত হই । কারণ ভ্রাতার সহিত ভ্রাতা বিবাদ করে না—”

দেখিতে দেখিতে বহু লোক জড় হইল । গ্রাম মহা আন্দোলনে আন্দোলিত হইল ।



দ্বিতীয় পরিচ্ছেদ ।

পর দিন অতি প্রত্যুষে, কাক ডাকিবার পূর্বে, অরুণোদয়ের পূর্বে, বোধ হয় শুকুতারা উঠিবার পূর্বেই, গ্রাম-নিবাসিগণ চিনিবাসের কথা লইয়া গল্পের আলাপ আরম্ভ করিল। প্রভাতে ঠাকুরদেবতার কথা গেল, বৈষয়িক চিন্তা গেল—লোকের কেবল একমাত্র ভাবনা, চিনিবাস আর রামমণি। লোকের দোষ কি? চিনিবাস ত সহজ জীব নহেন। রাজনীতি এবং সমাজনীতি একাধানে মিলিত হইয়া চিনিবাস-দেহ গঠিত হইয়াছে;—যেন গঙ্গাযমুনা-সঙ্গম, যেন হরগৌরী-সম্মিলন, যেন মণিকাঞ্চনের মহাযোগ। এক রাজনীতির আন্দোলনেই লোক অস্থির হয়,—তাহাতে আবার সমাজনীতির যোগ; আর কি রক্ষা আছে? প্রবলবায়ুর সাহায্যে প্রলয় আশ্রয় ধু ধু ফুলিয়া উঠিয়াছে। মেয়ে, ছেলে, বুড়ো, বুড়ী, বো, বারু সকলেই যেন মেতে উঠিয়াছে। দক্ষিণপাড়ায় কেহ বলিতেছে, চিনিবাসের দোষ; কেহ বলিতেছে, রামমণির দোষ; কেহ বলিতেছে নিতাই তাঁতির দোষ। কাহার মতে, কাল রাত্রে চিনিবাস খুব মার খেয়েছিল; কেহ প্রতিবাদ করিলেন, চিনিবাসের কেশাগ্রভাগও কেহ স্পর্শ করিতে পারে নাই। কেহ বা ঐ কথা অনুমোদন করিয়া বলিলেন—“তাঁত ঠিক; চিনিবাসের গায় আঁচড়টা লাগে নাই—কিন্তু নিতাই তাঁতিই আচ্ছা মার খেয়েছে।” যখন নিতাই তাঁতিরই মার

খাওয়া সাবাস্ত হইল, তখন একজন বলিল, “নিতাই পিঠে, ষাড়ে, চুণ-হলুদ দিয়ে শুয়ে আছে।”

কিন্তু পূর্বপাড়ার কথা অন্যবিধ । মোড়লবাড়ী সৎগোপদের মহামজলিস বসিয়াছে । একজন বলিল, “যদি বদ্-মোড়ল দৌড়ে যেয়ে নিতাইকে না ধরিত, তাহ’লে নিতাই দরজা ভেঙ্গে চিনিবাসের মাথাটা ফাটাইয়া ফেলিত।”

দ্বিতীয় ব্যক্তি । আঃ তুমি কিছু জাননা নাকি ? ঘরের দরজাটা গুড়ানাড়া ক’রে, নিতাই চিনিবাসের মাথায় এক লাঠি বসিয়ে দিয়েছিল । লাঠির আঘাতে চিনিবাস খড়াস্ করে, পড়ে গেল ।

তৃতীয় ব্যক্তি । তা, নয় ; তুমিও ঠিক জান না ; চুলের খুঁটি ধরে চিনিবাসের ষাড়ে নিতাই দুই কীল মেরেছিল ।

চতুর্থ ব্যক্তি । বড় মোড়ল চাঁদা সেধে ফিরে না এলে, এর ঠিক খবর পাওয়া যাবে না—আমি শুনেছি, চিনিবাস মার খায় নাই ।

পঞ্চম ব্যক্তি । চিনিবাস নিশ্চয় মার খেয়েছে—যন্ত্রণায় সমস্ত রাত্রি ছটকট করেছে—সকাল বেলা, তার মা ডাক্তার আস্তে লোক পাঠিয়ে দিলে ;—নিতাই তার গাঁটে গাঁটে লাঠি মেরেছিলো,—সর্ব্বদা চুণ-হলুদ মেখে চিনিবাস বসে আছে ।

ব্রাহ্মপাড়ায় গভীর বিচার আরম্ভ হয়েছে । হৃদয় স্থতি ভূষণ বলিলেন,—“আমি কি সাধ করে ইংরেজী পড়িতে নিষেধ

করি? ছেলেপিলে, সহরে যেয়ে ইংরেজী পড়লেনই খারাপ হয়ে যায়। চিনিবাস দিব্য ছেলেটী ছিল, আর দুমাস যদি আমার কাছে মুক্‌বোধ পড়িত, তা হলে ব্যাকরণ একেবারে কঠিন হতো। ছোড়ার বুদ্ধি খুব তীক্ষ্ণ—যা একবার বলিতাম, তা আর কখন ভুলিত না—হুঁ! আজ্‌ কি না একটা তাঁতির মেয়ের সঙ্গে তার অপবাদ হলো?

নীলান্বর তর্করহ বলিলেন,—ঘটনা কি যথার্থ? চিনিবাসকে অতি সুবোধ শাস্ত ছেলে বলেই ত আমনা জানি; এই ছেলে-বসে তার পেটে এত কুবুদ্ধি ঢুকবে কি? আমার বোধ হয় ইহা রটানে কথা।”

এই কথা শুনিয়া সভাস্থ অপরাপর ব্যক্তিগণ ঈষৎ বিম্ব হইলেন। যে কাণ্ড লইয়া তাঁহারা অন্য প্রভাত হইতে এত আমোদ করিতেছিলেন,—তাহা যদি মিছে হয়, তাহা হলে ত তাঁহারা একেবারে দাঁড়িয়ে মাটি! কি নিয়ে তাঁরা দিন কাটান এবং কোন্‌ স্থখেই বা তাঁরা ঘরে ফিরে যান? রামমণি যদি সত্য হয়, আর চিনিবাস যদি সৎ হয়,—তাহা হইলে প্রত্যেক গ্রামবাসীর দুর্ভাবনায় অন্য অন্তরোচে কি না সন্দেহ! তর্করহ মহাশয় গ্রামবাসীর সুখে কটক এবং অগ্নে হস্তারক হইলেন বলিয়া সভাস্থ সকলেই তাঁহার উপর চটয়া উঠিলেন। এক জন ক্রোধে কাঁপিতে কাঁপিতে, চোখ দুটা কপালে তুলে, তর্ক-রহকে ক্রুদ্ধ সম্বোধনে বলিল, ‘চাটুষ্যে মোশাই! তোমার একি খারাপ স্বভাব? না জেনে, না শুনে, দুম করে একটা কথা

ক'ওয়া ভালো কি ? চিনিবাসের সঙ্গে রামমণির ঘটনা কার না জানা আছে ?—ছি !”

দ্বিতীয় ব্যক্তি । ঠিক কথাইত ! যা রটে, তা বটে—

তৃতীয় ব্যক্তি । পূর্বের চাঁদ যদি পশ্চিমে উদয় হয়, তা হলে ও চিনিবাসের ঘটনা অবিশ্বাস করিবার ঘো নাই—

চতুর্থ ব্যক্তি ঈষৎ মুচকি হাসিয়া বলিলেন,—“চিনিবাস, চাটুষ্যকে এবার শীতকালে কুম্ভনগর থেকে একখানি রাধা বনাত গ্রামে দিবে বলেছে—”

নীলাশ্বর তর্করত্ন বলিলেন,—“আপনারা হঠাৎ রাগ করেন কেন ? কোন বিষয় বলিতে হলে, তার আগে পিছে ভেবে বলিতে হয়, হঠাৎ লোকের অপবাদ দেওয়া ভাল কি ?—”

এই কথা তাঁহার মুখোচ্চারিত হইতে না হইতেই, সভায় একটা গোল উঠিল,—“তুমি কোথাকার পাগল ? কোথাকার পাগল ?” এমন সময় বিধুভূষণ বন্দ্যোপাধ্যায় আসিয়া তথায় উপনীত হইলেন । তিনি চিনিবাসের—প্রাণের বন্ধু ; বয়স ত্রিশের কম নহে ; গ্রামনয়, চিনিবাস কাণ্ডের প্রতিবাদ করিয়া বেড়ানই তাঁহার অন্যকার কার্য্য । তিনি গম্ভীর স্বরে জিজ্ঞাসিলেন, “কিসের গোল ?—এত রাগের লক্ষণ কেন ?”

তর্করত্ন বলিলেন, “এই দেখ, বাঁড়ুয্যে, সবলেই আমার উপর মারমুখী—আমি বল্ছি, বিচার করে, চিনিবাসকে ফাঁসি দেও—”

বিধু । ঠিক কথা !—চিনিবাসের দোষ কি ? গ্রামে আর

একটা এমন ছোকরা জন্মালে গ্রামে আজ্ মিউনিসিপালিটী হতো !—তঁার অতি সাধু অন্তঃকরণ, অতি নিষ্পাপ শরীর ; ধাঁরা চিনিবাসের চরিত্রে মিথ্যা কলঙ্ক আরোপ করিতেছেন, তাঁহাদিগকেই আমি জিজ্ঞাসা করি, তাঁরা কি স্বচক্ষে কিছু দেখেছেন ? (সন্মুখস্থ ব্যক্তির গায়ে হাত দিয়া) আচ্ছা দাদা, তুমি ঠিক বলো, উপরে চন্দ্রসূর্য্য, নীচে অগ্নি, নিজের চোখে তুমি কিছু দেখেচো কি না ?” সন্মুখস্থ ব্যক্তি একটু আমতা আমতা করিয়া বলিলেন, “হ্যাঁ ঠিক নিজের চোখে দেখি নাই বটে, কিন্তু যা শুনেছি, তাতে ঠিক বলেই বোধ হয়—”

বিধু । শোনা-কথা বিশ্বাসযোগ্য হতে পারে না, আদালতে প্রমাণ বলিয়া গণ্য হয় না । বিশেষ, একটী ভদ্রলোকের ছেলের নামে এমন কলঙ্ক কি শোনা-কথায় রটাতে আছে ? চোখে দেখ,—ধর, তার পর পাঁচিশ পয়জার মার, ঘাড় পেতে লইব !” —বলা বাছল্য, সভাস্থ সকলেই শোনা কথার উপর নির্ভর করিয়াই এত খানি আন্দোলন উপস্থিত করিয়াছিলেন । বিধু বাবুর সতেজ, স-সার কথা শুনিয়া সকলেই একটু নীরব হইলেন । সভাস্থ সকলের হার হয়-হয় দেখিয়া, একজন বলিলেন,—‘বাঁড়ুয্যো . যা . বলুক,—আয়রা যা শুনেছি, তা দেখার চেয়ে বাড়ি ;—রামমুণি ‘অমন ১৬ টাকা যোড়া শান্তিপুন্নে সাদী পেল কোথা ? পেড়েরই বাহার কি ?—”

বিধু বাবু ক্রুদ্ধ হইয়া বলিলেন,—‘আপনি বড় মুর্থ দেখিতেছি । কেন মিছা আপনারা পরের ছেলের উপর দোষ

দেন ? আপনি কি দোকানদারের খাতা দেখে এসেছেন, শান্তিপু্রে কাপড় খানির দাম ঠিক ১৬ টাকা ! আর যদি ১৬ টাকাই হয়, তা হলে কি রামমণি চিনিবাসের ঘটনা অবশ্য সম্ভব ? আপনি কি রামমণির হস্তে চিনিবাসকে ঐ কাপড় অর্পণ করিতে দেখিয়াছেন ? যদিই দেখিয়া থাকেন, তা হইলেই কি স্তম্ভপ্রমাণ হইল, উভয়ের মধ্যে কোন অসৎ সম্বন্ধ আছে ? তর্কের খাতিরে মনে করুন, আপনি স্বচক্ষে, স্পষ্ট অবস্থায় দেখিয়াছেন, চিনিবাস, রামমণির কোমল করপদ্য ধরিয়া ঐ বস্ত্র অর্পণ করিয়াছেন । তাহা হইলেই কি বুঝিতে হইবে, চিনিবাসের অভিসন্ধি মন্দ ? আপনি ত এমনও মনে করিতে পারেন, অনাথা বিধবা ভগিনীর দুঃখে দুঃখিত হইয়া দরিদ্রের দারিদ্র্যদুঃখ লাঘবের জন্য, উদারহৃদয় দানশৌণ্ডীকৃত চিনিবাস বাবু বহুমূল্যের শান্তিপু্রে বস্ত্র রামমণিকে অর্পণ করিয়াছেন ?”—তকলে হোহো হাসিয়া বলিয়া উঠিলেন,—“তাঁতির মেয়ে বামুনের ভগিনী কিহে ?” সভা হইতে হঠাৎ শব্দ উখিত হইল,—“দূরদূর—বেরো, বেরো—ধর বাঁড়ুযোকে—বাঁড়ুযো তাঁতি ।”—বাঁড়ুযো একদিক দিয়া পলাইয়া গেল । গোলমালে সভাভঙ্গ হইল ।

এদিকে চিনিবাস, ধীর, গভীর নিশ্চিন্ত, স্থস্থির,—কিছুতেই দৃকপাত নাই,—বুদ্ধিমানের ন্যায় কেবল আপনার কার্য্যোদ্ধারের জন্যই ব্যস্ত । যেন কল্য রাত্রে কিছু ঘটে নাই,—যেন মেঘ ডাকে নাই, ঝড় বহে নাই, বিদ্যুৎ চমকে

নাই। চিনিবাস 'আপন' মনে কেবল চাঁদা আদায় কার্যে
বিত্রত রহিয়াছেন। মহেশমণ্ডল এবং চৌকীদারের তাড়নায়
যারা বাবুর কাছে পথকরের চাঁদা দিতে আসিতেছে,
তাহাদিগকে বাবু অদ্য সুমাদরপূর্বক কাছে বসাইয়া বলিতে-
ছেন, “এ গ্রামে মাতালের বড়ই প্রাদুর্ভাব হইয়াছে,—
মদে মদে দেশ উৎসন্ন গেল; কাল রাত্রে নিতাই তাঁতি
মদখেয়ে এসে এখানে মাতলামি করেছিল। এ বিষয়ে
আমি খোদ মাজিষ্ট্রের সাহেবকে চিঠি লিখিব। দেশের একরূপ
দুর্গতি দেখিয়া কে, না কান্দিয়া থাকিতে পারে? স্বদেশ-
হিতৈষীদের উচিত, রাজনৈতিক আন্দোলন করিয়া মাদক-
দ্রব্যের টেক্স বৃদ্ধি করানো।”

এমন সময় ভিখারী, খঞ্জনী কুজাইয়া গান করিতে আসিল।
সে গান ধরিল;—

ললিত—তিওট ।

ও কার-রমণী সমরে নাচিছে ।

দিগম্বরী দিগম্বরোপরি শোভিছে ॥

নানা ধারা-ধর, রুধির-ধারা নিকর,

কালিন্দীর জলে কিংতুক ভাসিছে ॥

বদন বিমল শশী, কঁত সুধা করে হাসি,

কালরূপে ভয় রাশি রাশি নাশিছে ।

কহে কবি রামপ্রসাদে, কালিকা কমল-পদে,

সুস্তিপদ হেতু হোগী কদে ভাবিছে ॥

গান শুনিয়া বাবু, ভিখারীকে জিজ্ঞাসিলেন,—“ভিখারী তোমার নাম কি ?” ভিখারী বাবুর মধুর সন্তোষে গলিয়া গিয়া বলিল,—“আজ্ঞে আমার নাম গৌরদাস । আপনার বাপ-পিতেমোর খেয়ে আমরা মানুষ । এখন বয়স হ'য়েছে, সব দিন বেরিয়ে মায়ের নাম কর্তে পাই না—আপনি বার মাস কেও-নগরে থাকেন, কাজেই আপনার সাক্ষাৎ পাই না ; তা মা-ঠাকুরুণ আমায় ছেলের মত ভাল বাসেন—”

চিনিবাস । বেশ, বেশ, তোমার শাছে আমার এবটু আবশ্যক আছে—

গৌরদাস । যা আজ্ঞে করবেন, তাই কব্বো,—আপনাদেব খেয়ে আমরা মানুষ ।

চিনিবাস । দেখ, এ বড় শক্ত রাজনৈতিক কথা,—অতি গোপন কথা—এ কথা কাহাকেও ব্যক্ত করিও না ।

গৌরদাস, বাবুর কথা কিছুই ভাল বুঝিতে না পারিয়া, ক্যান্ ক্যান্ চাহিয়া রহিল । চিনিবাস পুনরায় আরম্ভ কবিলেন,—“আমার প্রথম কথা এই তুমি ঐ কুরুচিপূর্ণ গান ত্যাগ কর—গানে রমণী, দিগম্বরী, এলোকেশী, এ সব কি ? দেখ, তুমি প্রত্যহ প্রভাতে গৃহস্থের দ্বারে ঐ সকল নারীবিষয়িণী গান কর,—ইহাতে স্ত্রীলোকের মন খারাপ হইতে পারে । বিশেষতঃ রমণীহৃদয়ে কুরুচিবিষ একবার প্রবেশ করিলে, তাহা সহজে বাহির হয় না । অতএব ওরূপ গান সর্বাতোভাবে দূষণীয় । নোপ হয়, এ জ্ঞান ছোঁয়ার অবশ্যই আছে যে, রাষ্ট্র

ঘাটে অল্লীল গান গাইয়া বেড়াইলে, তোমাকে পুলিশে ধরিতে পারে।” গৌরদাস ভয়ে শিহরিয়া উঠিয়া বলিল—“আজ্ঞে—আজ্ঞে,—আমি ত কিছু করি নাই—”

চিনিবাস! না, এখন তোমার কিছু ভয় নাই। এক্ষণে তোমার কাছে আমার একটী বিশেষ কার্য আছে। তোমার সাহায্য ব্যতীত, আমি সে দায় হইতে উদ্ধার পাইব না।—

গৌরদাস। আজ্ঞে, আমা হ'তে যা হবে, তাই তথনি করবো।

চিনিবাস। তোমার মত বার জন ভিখারী আমার আবশ্যক! সেই ভিখারীদের বেশ সতেজ স্মিট সুর হইবে।—

গৌর। ভিখারীর অভাব কি? দেশময়ই ভিখারী—১২ জন কেন, আপনি হুকুম করিলে, আমি কালই ৫০ জন ভিখারী এনে দিতে পারি।

চিনিবাস। তা নয়; ১২ জন ব'হাই করে, উপযুক্ত ভিখারী এনে দিতে হবে—

গৌর। ভিখারীর আবার উপযুক্ত অনুপযুক্ত কি? যাত্রা খুব খোঁড়া কাণা বুড়ো, তাদিগে চাই কি?

চিনিবাস। না, না, না,—তুমি আমার উদ্দেশ্য বুঝিতে পারিতেছ না—যারা খুব ভাল গান করিতে পারে এবং যারা খুব অমসহিষ্ণু এবং বহিষ্ঠ এমন ভিখারী আমার আবশ্যক।

গৌর। (হাসিয়া) আজ্ঞে, ও রকম লোক, ভিক্ষে করবে কেন?

চিনিবাস । তুমি আমার উদ্দেশ্য বুঝিতেছ না ;—খোঁজ, খোঁজ, খুঁজলেই মিলিবে—

গৌর । আজ্ঞে, তাদিগে কি করতে হ'বে ?

চিনিবাস । সে এড় বিষয় কথা । এস, আমার খুব কাছে এসে বোস ! কাণে কাণে বলিব ।

গৌরদাস অগত্যা, সভয়ে চিনিবাসের কাছে গেল । চিনিবাস বলিতে আরম্ভ করিলেন ;—

“আমার উদ্দেশ্য ভারত-উদ্ধার ;—রাজনৈতিক শিক্ষাদানে ভারতকে মাতোয়ারা করা । ভারত মাতাইতে ভিখারী যেমন উপযুক্ত হইবে, তেমন আর কেহই নহে । এখন তোমরা অগ্নীল গান গাহিয়া, মেয়ে ছেলে তুলাইয়া, পয়সা রোজগার কর । তখন আর তাহা করিতে হইবে না । আমি প্রত্যেক ভিখারীকে ১০ টাকা হিসাবে মাহিনা দিব । তাহার সহরে গিয়া প্রত্যহ এাতে লোকের দ্বারে দ্বারে রাজ-নৈতিক গান করিয়া বেড়াইবে । সেই রাজনৈতিক গানের তেজে পুলিশ শঙ্কিত হইবে, মাজিষ্ট্র ভয়ে কাঁপিবে, গবর্ণমেন্ট বিপদে শ্রীমধুসূদন ডাক ছাড়িবে ।”

গৌরদাস । আজ্ঞে, আমি আপনার কথা ভাল বুঝিতে পারিতেছি না । ভিখারীরা মোশাই ! কি গান করে বেড়াবে ?

চিনিবাস । আ মুখ ! বুঝিতেছ না, দেশের হিতার্থে আত্ম-প্রাণ বলি দিব । দেশের ঘুমন্ত লোককে জাগাইয়া তুলিব ।

গৌরদাস । আজ্ঞে, কারা ঘুমাচ্ছে, মোশাই ?

চিনিবাস । এমন পাগলকে লইয়া আমি কি করিব পা ? এই শোন, ভারতবাসীকে উত্তেজিত করিতে হইবে—হৃদয়ে রাজনৈতিক বলপ্রয়োগ করিতে হইবে ; বুঝিতেছ ত ?

গৌরদাস বড়ই বিপদে পড়িল । ক্ষীণবরে মাথা চুলকাইতে চুলকাইতে বলিল, আজ্ঞে হাঁ,—আপনি বলুন কি গান গাইতে হবে ?

চিনিবাস । প্রত্যেক ভিখারীকে এইরূপ রাজনৈতিক গান করিতে হইবে ;—

“বাজ্রে শিঙ্গে বাজ এই রবে,
সবাই স্বাধীন এ বিপুল ভবে,
সবাই জাগ্রৎ মানের গৌরবে,
ভারত শুধুই ঘুমায়ে রয় ।
আরব্য মিশর পারস্য তুরকী,
তাতার তিব্বত অন্ত কব । ক
চীন ব্রহ্মদেশ অসভ্য জাপান,
তারাও স্বাধীন, তারাও প্রধান,
দাসত্ব করিতে করে হেয়জ্ঞান,
ভারত শুধুই ঘুমায়ে রয় !”

প্রকৃতই গৌরদাস গানের বিন্দুবিসর্গও বুঝিল না,—জিজ্ঞাসিল, “শুধুই ভারত ঘুমায়ে—ও-কথাটা কি ? আর শিঙ্গে বাজার কথাটাই বা কি ? আমি মোশাই ও-গান করিতে পারিব না । মারের নামের চেয়ে আর কিছু গান আছে কি ?”

চিনিবাস । দেখ, তুমি বড় অশিক্ষিত ; তুমি যদি আমার কথা না শুন, তা হ'লে, অল্লীল গান কর বলিয়া তোমাকে পুলিশে ধরিয়ে দিব—তোমার ছয় মাস মেয়াদ হ'বে । তোমাকে কলা আমার সঙ্গে অবশুই পঁচিশ জন ভিখারী লইয়া কৃষ্ণনগরে যেতেই হবে । সেখানে গিয়ে তোমাকে “বাজুরে শিঙ্গে” গান গাহিয়া ঘরে ঘরে ভিক্ষা করিতে হইবে ।

গৌরদাস । (বোড় হাতে) আমার ক্ষমা করুন, হুজুর, এ বয়সে আমি কারো মন্দ করি নাই,—আমি মোশাই ঐ শিঙ্গে বাজিয়ে গান করতে পারব না—আপনার পায়ে পড়ছি আপনি ক্ষমা করুন ।

চিনিবাস । দেখ, তুমি বড়ই বাড়াবাড়ি করিতেছ—তুমি যদি কাল আমার সঙ্গে না যাও, পুলিশ এসে তোমাকে ধরে নিয়ে যাবে—

গৌরদাস কাঁপিতে কাঁপিতে বোড়হাতে বলিল,—“হা ঈশ্বর ! হে মা শুভচণ্ডি !—আমি ত কারো দু'পণ ধান চুরি করে খাই নাই,—আজ আমার এ দণ্ড কেন ?—বাবু আমাকে এ যাত্রা রক্ষা করুন,—আমি ছেলে পিলে কেলে কেটনগরে যেতে পারিবো না—”

ক্রমে গৌরদাসের ক্রন্দনের রোল উচ্চে উঠিতে লাগিল । এমন সময় দূর হইতে দেখা গেল, রামমণি চোঁচাইতে চোঁচাইতে দৌড়িয়া আসিতেছে ;—“হেঁপা, ভাল-মাসুকের ছেলে, এই কি

তোমাদের কাজ ?—তুমি কাল অবধি আমার নামে দোষ দিয়ে বেড়াচ্ছ।”

রামমণির সঙ্গে একটি পুরুষ এবং দুইটা বৃদ্ধা স্ত্রীলোকও আদিতেছে। চিনিবাস ব্যাপার দেখিয়া, অতি উৎকর্ষিতচিত্তে যেন ভয়ব্যাকুল হইয়া, ভিখারীকে বলিল,—“তুমি এখন শীঘ্র যাও,—শীঘ্র যাও,—কাল এসে দেখা করো।” ভিখারী এই কথা শুনিয়া তাড়াতাড়িতে ভিক্ষার ঝুলি ভুলিয়া ফেলিয়া বেগে পলাইল। চিনিবাস ঘরে গিয়া, লেপ ঝুড়ি দিয়া, শুইয়া নাক ডাকাইতে লাগিলেন।

তৃতীয় পরিচ্ছেদ।

বসন্ত কাল। কান্তন মাস। স্বকনগরীয় কোকিলকুল কললগ্ধে অগ্নীস গান করিতেছে। ঐ কুরুচিময় কুহুধ্বনিতে শিকিত স্তম্ভ নর-নারীর অঙ্গ শিহরিয়া উঠিতেছে। স্মরণ্য পুলিন নাই কি, যে কোকিলগুলাকে এ সময় হাজত দেয়। মিউনিসিপালিটী বা কোথায়?—গোলন্দাজ আনাইয়া কোকিলগুলাকে ত গুলি করিয়া কেলিলেই হয়! ও দিকে ভ্রমর-ভ্রমরী ঠিক যেন গোপালে উড়ের টগা আরম্ভ করিয়াছে; সরোবরে কমল মল কুটিয়া উঠিয়া প্রকুরমুখে হাসি-হাসি ছড়াইতেছে—উদ্যানে আশ্রমকুল, কুটিল বকুল, হৃগন্ধে ঘন মাঝাইয়া ফুলিয়াছে—তার উপর আবার মলয় অনিল

ঝুঁঝুঁ বহিতেছে—এঃ—হলো বি ? আর যে বাঁচি না ।
দেশ যে রসাতলে গেল ! লান্ধাট সাহেব কোথায় ?

চিনিবাস এ ঘোর দুর্দিনে, কৃষ্ণনগরে আসিয়া কেবল
শাস্তিবারি ছড়াইতে আগ্রস্ত করিলেম । চিনিবাস আর বালক
নাই ; প্রকৃত সংসারী, বিষয়ী । ছাত্রদের সহিত একবাস
ছাড়িয়া, নিজে এক বড় বাড়ী ভাড়া করিয়াছেন । দ্বিতল গৃহ ।
উপরে একটা বড় হল, আর চারিটা কুঠারি । হলে বসিয়া
রাজনীতি হয় ; কুঠারিতে সমাজনীতি হয় । একটা কুঠারির
ঘারে লেখা আছে,—“গোপনীয়-গৃহ প্রবেশ নিষেধ ।” বাড়ী-
ভাড়া ৭২ টাকা ! ভাড়া শুনিয়াই সকলে অবাক । চিরকাল
যার ৪২ টাকা ভাড়া ছিল, হঠাৎ ৭২ টাকা হইল কেন ?
পাড়ার লোক আশ্চর্য হইল । ঐ বাটীর ঠিক পাশে একঘর
হাল-আইনমত উন্নতিশীল “গৃহস্থের” বাটী । ঐ দুটা বাড়ী
পরস্পর মাথামাথি । একটু শ্রম স্বীকার করিলেই ছাদে ছাদে
পরস্পরের বাড়ী বেশ আসা-যাওয়া যায় । সভ্যতার নিয়মমত,
পাশের বাড়ীর রমণীগণ প্রভাতে, দ্বিপ্রহরে, বৈকালে, নিশীথে,
ছাদে উঠিয়া স্বাধীনভাবে বিচরণ করেন । ঘোমটারূপ জেল-
খানায় মহিলাগণের মুখমণ্ডল কখন আবদ্ধ থাকে না । কোন
নবীনার নব-নীল-নীরদ তুল্য আলুলায়িত কেশপাশ বসন্ত-
বাতাসে ঝরু ঝরু উড়িতেছে ; কাহারও কুণ্ডলীকৃত কুন্তলোপরি
সুবর্ণগোলাপ ঝকু ঝকু ঝকিতেছে ; কাহারও অধবপ্রান্তের
মধুর-হাসি মলয়ানিলের সঙ্গে মিশ্রিত প্রতিবেশী যুবকের

অঙ্গে মিলাইতেছে ; কাহারও বা কুরঙ্গ-নয়নের কুটিল-কটাক্ষে কোটি কোটি কাম বিমোহিত হইতেছে । সুতরাং চিনিবাসের বাটীর যে ভাড়া হঠাৎ বৃদ্ধি হইবে, তৎপক্ষে আর সন্দেহ কি ?

বাটীর পরিবর্তনের সঙ্গে সঙ্গে চিনিবাস নিজ পোষাকেরও পরিবর্তন করিলেন । ধূতি চাদর ছাড়িয়া চোগা, চাপকান, চসমা, ধরিলেন । শীঘ্র দাড়ীতে চুল উঠিবার জন্য প্রত্যহ প্রাতে দাড়ী কামাইতে লাগিলেন । কিন্তু খোসা-বুখে পোড়া দাড়ী উঠিতে চাহে না । কেবল ধূতিতে কয়েকগাছি চুল খোঁচখোঁচ ভাবে “যথাপূর্ব্বং তথাপরং” হইয়া রহিল ।

রামমণির পর্কষাধায় কিরূপে শেষ হইল, তাহা লোক-সাধারণ মধ্যে তাদৃশ প্রকাশ পাইল না । দুই লোকে কাণাকাণি করিতে লাগিল, চিনিবাস, নিতাই তাঁতিকে নগদ ১০০ টাকা দিয়া বিবাদ আপোষে নিষ্পত্তি করিয়াছেন । কেহ বলিল, “তা নয়, চিনিবাস রামমণিকে মাসিক ১০ টাকা করিয়া দিতে স্বীকৃত হওয়ায়, রামমণি বিবাদে ক্ষান্ত দিয়াছে ।” তৃতীয় ব্যক্তি বলিল,—“তোমাদের কোন কথাই ঠিক নহে, নিতাই তাঁতি রামমণিকে ঘর থেকে তাড়িয়ে দিয়েছে ; রামমণি চিনিবাসের সঙ্গে কৃষ্ণনগরে এসে আছে ।” কল কথা, গ্রামের লোক, রামমণিকে ঘরের বাহির হইতে আর দেখিল না । ইহাতেই কেহ বলিল, “রামমণি দেশে নাই ;” কেহ বলিল, “তাহাকে আর নিতাই তাঁতি বাড়ীর বাঁর হইতে দেয় না ।” রামা বাহুল্য, নিতাই রামমণির দাদা ।

আচ্ছা, চিনিবাসের চলে কিসে ? এত বাবুগিরি ।—৭৫ টাকার ভাড়াটে বাড়ী, নিয়তই ঘণ্টা হিসাবে সেকেন-ক্লাস গাড়ী, ২৪ ঘণ্টা রুকের পকেটে সোণার চেন-ঘড়ী, বাসায় চাকর-চাকুরাণীর ছড়াছড়ি—চিনিবাসের খরচপত্র সঙ্কুলান হয় কিসে ? আবার তিনি আজকাল বোল খরিয়াছেন “নিজে, একখানা জুড়ী না করিলে, আর চলে না ; ভাড়াটে গাড়ীতে বড়ই সময় নষ্ট হয়—সময় অতি মূল্যবান—আমার সময়ের মূল্য, এক এক মিনিটে এক এক গিনি ।” চিনিবাসের পৈতৃক বিষয়ের হৃদয়ুদ্ধ বার্ষিক আয় ৫০০ টাকার অধিক নহে । আজকাল তাহারও বে-বন্দোবস্ত, ভাল আদায় পত্র হয় না । সেই বিষয়ের আয়ের উপর একটা পৈতৃক অতিথিশালা আছে । অতিথিশালাটি আজ শ্রীহীন,—চিনিবাসের চক্ষুঃশূল,—লোক আসিয়া আর বড় আদর অভ্যর্থনা যত্ন পায় না । চিনিবাস যখন বাড়ী আসেন, তখনই মাকে বলেন, “অতিথিশালা মিছে রাখিবার আবশ্যক কি ? আমি কালই উঠিয়ে দিব ।” মা কঁাদে, পাড়াপড়শীরা বুঝায়—কাজেই হঠাৎ চিনিবাস অতিথিশালা উঠাইতে পারেন না । তাই লোকে ভাবে, একরূপ বস্ত্র-মামুঘী করিবার চিনিবাস টাকা পায় কোথা ?

আঃ পাগল !—এটা আর বুঝনা,—বাঁর দেহ-রাজনীতি সমাজনীতি, তাঁর শ্বার অকিকিংকর, পার্থিব অর্থের ভাবনা কি ? বিধবাবিবাহ, স্ত্রীস্বাধীনতা, স্ত্রীশিক্ষা, পতিপন্থিত্যাগ, স্ত্রীব্যায়াম, মাদক-নিবারণ, প্রজা, সিভিল-সার্ভিস, খোলাভাটী,

পথকর, কোজদারী-বিচার, পুলিশ-অত্যাচার, ভারত-ভাণ্ডার—
এতগুলি মহামহা বিষয় ঘাঁহার। কীরতলগত, রোপ্যযুজ্য, তাঁর
কি কখন এক তিলের জন্য ভাবনার কারণ হইতে পারি ?
ইহা দ্যতীত মায়ের কাছ-থেকে বার্ষিক অনেক টাকা উপরি
রোজগার করাও আছে। চিনিবাসের বিশ্বাস,—মায়ের কাছে
যদি কিছু না থাকে, তবু অন্তত দশ হাজার টাকা আছে। তিনি
সময়ে সময়ে মাতাকে ভয় দেখান, “মা রাজনীতির আন্দোলন
জন্য আমি শীঘ্রই বিলাত যাইব, আপনি অনুমতি দিন।” হাবা
কাল বুড়ী মা-মাগী, একথা শুনে কেঁদেই আকুল হয়—“না
বাছা, তোমার বিলাত যেয়ে কাজ নেই, তুমি আমার এক-শ
বছরের হায়ে ঘরে বসে থাক—তোমার অভাব কিসের ?”

পুত্র। জননি ! আপনি আমার বাক্যের অনুসরণ
করিতে পারিতেছেন না ; আমি বিলাত গমন করিয়া ভারতের
রাজ-নৈতিক উন্নতির সাধন করিব।

মা। (কাঁদিতে কাঁদিতে) বাছা, বিলাত যেয়ে তোর রাজা
হায়ে কাজ নাই,—

পুত্র। ছি ছি ! রাজা হইবার কথা আমি বলি নাই
—আমরা সাধারণতন্ত্র-প্রয়াসী স্বাধীনতাভিধারী। সেই
স্বাধীনতার খনি বিলাত যাইবার জন্য সকলেই আমাকে
অনুরোধ করিতেছেন। আপনি অনুমতি দিলেই হয়।

মা, এই কথা শুনিয়া চোখের জলে বুক ভাসাইয়া কেলিতে
লাগিলেন। “বাপ ! তোর বিলাত যেয়ে কাজ নাই—মাকে

আর মারিস না—বাপু ! তুই বল তোর কিসের অভাব—
তোর কত টাকা চাই ?—তুই বার মাস ঘরে বসে পায়ের
উপর পা দিয়ে থাক,—আমি তোকে রাজার হালে রাখবো ।

পুত্র । এই আজ আমার ৫০০ টাকা চাই—আপনি
কোথা পাবেন ?

মা । তা, আমি যেখানে পাই তোকে টাকা দিব ; তোর
বিলাত মেয়ে কাজ নাই !

এইরূপ নানা উপায়ে, নানা কৌশলে চ্রীচিনিবাস, বৃদ্ধা
মায়ের নিকট হইতে টাকা আদায় করিয়া থাকেন ।

এবার বাটী হইতে বৃক্ষনগর আসিবার সময় চিনিবাসের
হাতে প্রায় হাজার টাকা মজুত ছিল । মাতার নিকট হইতে
৫২৫ ; পথকরের টাকা আদায়ের তদ্বির জন্য চাঁদাসংগ্রহ
৮৫ ; একজন দোকানদার চিনিবাসের নিকট গচ্ছিত রাখে
২৫০ ; একজন বৃদ্ধা ব্রাহ্মণী বৃক্ষনগর হইতে শাখা কিনিয়া
পাঠাইবার জন্য দেয় ১৬ ; দীনু হালদার দ্বিতীয় পক্ষের স্ত্রীর
জন্য গোঁফহার গড়াইতে লুকাইয়া দেয় ১০০ টাকা । এই
টাকাগুলি পাইয়া, প্রকল্পমনে চিনিবাস বৃক্ষনগরে অবতীর্ণ
হইলেন । অচিরে তিনি মাদকনিবারিণী সতীর সম্পাদকীয়
পদ পাইলেন । নিজ বাসার নিম্নতলে স্ত্রী-বিদ্যালয় বসিল ।
দ্বিতলের হলে সিবিলসার্ভিস পরীক্ষার বয়স বাড়াইবার জন্য
এক স্বাভাবিক সভা খুলিলেন । দ্বিতলের সেই “গোপনীয়
গৃহে” বিধবা-বিবাহের মন্তলিঙ্গ লোভা করিল । কাল্পনিক মাস—

শীত মিটে-কড়া বিলম্ব আছে—তখাচ সমস্ত ঘরে টানাপাখা চালতেছে ! বরফ লেমোনেডের অভাব নাই ।

চিনিবাস কৃষ্ণনগরে আসিয়াই প্রায় ৬০ খানি রেজিষ্টরি পত্র এক সপ্তাহ মধ্যে পাঠাইয়া দিলেন । মহারানী স্বর্ণময়ী, শরৎসুন্দরী, শ্রামমোহিনী, ধনপৎ, সছমিশৎ, বিদ্যাসাগর, যতীন্দ্রমোহন, ইন্দ্রচন্দ্র, শ্রামশঙ্কর, রামতনু লাহিড়ী ইত্যাদি মহোদয়গণের নামীয় সেই পত্ৰনিচয় যথাসময়ে পৌছিল । মহারানী স্বর্ণময়ীর পত্রে এইরূপভাবে লেখা ছিল ;—

“আপনার মত দানশীলা রমণী এ পৃথিবীতে আর নাই । বঙ্গদেশে এমন সদনুষ্ঠান নাই, যাহাতে আপনার দান নাই । আমরা বঙ্গীয় ভগিনীগণের উন্নতির জন্য যে মহাত্মত ধারণ করিয়াছি, তাহা অনুষ্ঠানপত্রে দ্রষ্টব্য । দরিদ্র রমণীকুলকে আপনি সাহায্য না করিলে আর কে করিবে ? স্ত্রী-বিদ্যালয় গৃহীতি শীঘ্র নির্মাণ হইবে । আপনার নিকট আমরা পাঁচ শত টাকার ভিক্ষারী । কৃতজ্ঞলিপিতে প্রার্থনা—৫০০ টাকা দিয়া, বঙ্গীয় মহিলামণ্ডলীর উন্নতি বিধান করুন । এ সম্বন্ধে স্থানীয় ডেপুটী বাবুর ও অধ্যাপকের পত্র এই সঙ্গে পাঠাইলাম । ইতি

‘ স্রীচিনিবাস বন্দ্যোপাধ্যায়, সম্পাদক ।’

কিন্তু সর্বাপেক্ষা চিনিবাসের অধিক চিন্তার বিষয় হইল—নিজ গ্রামের রাস্তা-ঘাট । ১৫ দিন মধ্যে রোডশেল কমিটিতে তিনখানি দরখাস্ত করিলেন,—কিন্তু তখাচ টাকা পাইলেন না । রোডশেল কমিটির সহকারিসভাপতির ঘৃহে খটখাড়া খাড়ি

করিয়া প্রত্যহ যাতায়াত আরম্ভ করিলেন । সহঃ-সভাপতি বলিলেন, “কণ্ঠে, এবৎসর টাকা নাই । আমি কোথা হইতে দিব ? বিশেষ, আপনি অসময়ে দরখাস্ত করিয়াছেন ।”

চিনিবাস । সে কি কথা ? আপনি জানেন, আজ আমরা পাঁচ বৎসর কাল ক্রমাগত পথকর দিয়া আসিতেছি, এক কপর্দকও পাই নাই । আপনি অবিচারে আমাদিগকে বঞ্চিত করিবেন না ।

সহঃসভাপতি । আপনার, সময়ে দরখাস্ত করা উচিত ছিল । যাহোক, আমি চেষ্টা করিয়া একবার এক শত টাকা দেওয়াইব ।

চিনিবাস । ৫০০ টাকা পাই-পয়সা কম আমি ছাড়িব না । ও-টাকা ত আপনার ঘরের খন নয় যে, আপনি দিতে কুণ্ঠিত হবেন ?

সহঃ-সভাপতি । আপনি কি মনে করেন যে, আমি রোড-পেসের টাকা লইয়া স্ত্রীর গহনা গড়াই ? আজ্ঞা, আমি কিছু জানি না,—সভাপতি, মাজিষ্ট্রেটের কাছে আপনি দরখাস্ত করিয়াছেন, তিনি যা হুকুম দিবেন, তাই হবে,—

চিনিবাস । দেখুন, আমরা স্থনীতির ও স্মৃতিচিহ্ন পক্ষপাতী । দেখিতেছি, আপনার নীতিজ্ঞান কম । আর আপনাকে কমা করিতে পারি না । আমি এজন্য কল্যা হইতে বৃক্ষনগরে একপ রাজনৈতিক আশ্রম জ্বালাইব, যাহা সমুদায় খড়িয়া নদীর জলে নির্বাপিত হইবে না ।”

এই বলিয়া, চাকু রক্তবর্ণ করিয়া চিনিবাস, ক্রতপদে তথা হইতে প্রস্থান করিলেন । বাসায় আসিয়াই কালী, কলম, কাগজ সংগ্রহ করিয়া মনঃসংযোগপূর্ব্বক সংবাদপত্রে প্রবন্ধ লিখিতে আরম্ভ করিলেন । তখন কাঁহার হৃদয় যেন দীপক রাগে জ্বলিয়া উঠিল । 'শাদ্দুল-বিক্রীড়িতচ্ছন্দে' চিনিবাস প্রবন্ধ ধরিলেন ;—

“আর নিশ্চিন্ত থাকিতে পারি না । কতকাল এ কাল-নিদ্রায় অভিভূত থাকিব ? রাজনৈতিক-গগন যেরূপ ভয়ঙ্করী ঘনঘটায় সমাচ্ছন্ন হইয়াছে, তাহা ভাবিলে কাঁহার না অন্তরাঙ্গা বিগুপ্ত হইয়া যায় ? ঐ দেখুন, ঘোরা, বিকটদশনা, লহলহ-রসনা, রাজনৈতিকী অমা-নিশা, যেন ভারতমাতাকে গ্রাস করিতে আসিতেছে ; যেরূপ মুহূৰ্হু কণপ্রভার আলোক বিকশিত হইতেছে, প্রলয়-পবনের প্রবল বায়ু বোঁ বোঁ শব্দে বহিতেছে, ঝঞ্জাবাতের ঝন্ ঝন্ শব্দে কণ বধির করিতেছে, তাহাতে আমার হৃদয়ে এই ধ্রুববিশ্বাস বন্ধমূল হইয়াছে যে, ভারতজননীর গগনের রাজনৈতিক দুর্দ্দিন সহজে নিবৃত্ত হইবে না । যে দিকে দেখি, সেই দিকেই আঁধার, আঁধার, আঁধার—আরও আঁধার—ধূ ধূ ধূ—ফু ফু ফু ! : এ বিপদের কাণ্ডারী কে ? ম্যাটামিনি কে ?

“এ কি কম দুঃখের কথা—এ কি বলিবার কথা—এ কি লিখিবার কথা—এ কি শুনিবার কথা যে, প্রতি বৎসর যথা-নিয়মে,—শীত নাই, বর্ষা নাই—গ্রীষ্ম নাই—কড়ায় গুণ্ডায়

সুন্দ-সুন্দ পথকর দিয়া আসিলেও, আজ আমরা গ্রাম্য-রথ্যা সংস্কারের জন্য উপযুক্ত, পারমিত, ন্যায়ানুগত, রজতমুদ্রা পাইলাম না। গবর্ণমেণ্টের যে কিরূপ নির্ভরতা, অবিস্মৃধা-কারিতা, নির্বুদ্ধিতা, তাহা এক মুখে বর্ণনা করা যায় না। সেই জঙ্গলময় পাহাড়ময়, নদীময় রথ্যাসমূহের ঐকান্তিকী দুর্দশা দর্শনে কোন্ পাষণপ্রাণ পুরুষের হৃদয় গলিয়া দ্রব হইয়া না যায় ? পথিপার্শ্বে এরূপ স্তব্ধ অরণ্যানী প্রস্তুত হইয়াছে যে, তথায় সহজে হতী, গভার, উষ্ট্র, ব্যাঘ্র, সিংহ প্রভৃতি হিংস্র-জন্তুগণ স্বচ্ছন্দে লুকায়িত থাকিতে পারে। বড় বড় অঙ্গুর সন্ন্যাস কাল-ভৈরব কেউটে সর্প, মহাচক্রধারী গোঁধুরা সর্প—সেই গ্রাম্য পথে নিয়ত পরিভ্রমণ কবিতোছে। এই শোচনীয় অবস্থা কেহ দেখে না, কেহ শুনে না, কেহ ভাবে না, কেহ মনোবোগ দেয় না ! রাহুর করাল-কবলে কবলিত হইতে পূর্ণ-চন্দ্রকে দেখিয়াছি, ভীমগিরি কাঞ্চন-গঙ্গাশৃঙ্গ বজ্রপাতে বিচূর্ণিত হইতে দেখিয়াছি, উত্তালতরঙ্গমালা-বিভূষিত আটলান্টিক মহাসাগরে অর্গবপোত নিমজ্জিত হইতে দেখিয়াছি,—কিন্তু গ্রাম্যপথের এরূপ দুর্দশা কোথাও দেখি নাই। রামচন্দ্র এক বাণে সপ্ততাল ভেদ করিয়াছিলেন, অর্জুন একবাণে লক্ষ্যভেদ করিয়াছিলেন, শ্রীকৃষ্ণ এক চপেটাঘাতে চাণুর ৭৪ করিয়া-ছিলেন,—কিন্তু আমাদের কি এমন বল নাই যে, এক বকুতায় গ্রাম্যপথের জীর্ণ সংস্কার করি। বিশেষতঃ আমি নিজ গ্রামে স্ত্রী-স্বাধীনতা দিব্যর দৃঢ়সঙ্কল্প করিয়াছি ; এমন কি ইতিমধ্যে

এক আধটি গ্রাম্য-রমণী স্বাধীনতা পাইবার উপক্রম করিতে-
 ছেন । সেই উচ্চ-নীচ বন্ধুর পথে রমণীগণ যখন স্বাধীনভাবে
 পদচালন করিয়া বেড়াইবেন, তখন তাঁহাদের কোমল পদযুগলে
 যে মর্শ্ব-ব্যথা জন্মাইবে,—তাঁহার ড্যামেজ দিবে কে ? যখন
 সেই পথি পার্শ্ববর্তী জঙ্গলের খোঁচা লাগিয়া, রমণী-অঙ্গ ক্ষত-
 বিক্ষত হইবে, যখন বন হইতে মত্ত-মাতঙ্গ বহির্গত হইয়া,
 রমণীদের সম্মুখে বৃংহিত ধ্বনি করিবে,—যখন নাগরাজ
 তক্ষক কুলাপান্না কালচক্র ধরিয়া রমণীদের পুরতোভাগে
 কৌসু কৌসু শব্দ করিবে,—তখন রমণীকুলকে রক্ষা
 করে কে ? আবার যখন দুরন্ত দুদ্দিনে, পথ সকল
 পিচ্ছিল হইবে, কুটিল, কদমে কমণীয় কামিনীর কমলপত্রবৎ
 কোমল পদাঙ্গুলী ডুকিয়া যাইবে, তখন তাঁহাদের বিপদের
 কাণ্ডারী কে ? রক্ষনগরের ভাইস্‌চেয়ারম্যান নিতান্ত স্বার্থপর,
 কৃতঘ্ন, অকৃতবিদ্যা,—তাঁহারই অকৃতকার্য্যের দরুণ গ্রাম্য-রথ্যার
 একরূপ দুর্দশা ! আজই তাঁহাকে পদচ্যুত করা উচিত । তিনি
 পাষণ্ড, ভণ্ড, ষণ্ড, বকাণ্ড, গবাপণ্ড । তিনিই রক্ষনগরের
 অমঙ্গল ধূমকেতুস্বরূপ উদ্ভিত হইয়া, নগর ছারখার করিতে-
 ছেন !—হা সর্বজনহিতেরত কসেট ! হা, ভারতময় জীবন
 ব্রাইট ! আজ তুমি কোথায় ? হা পরোপকারব্রতধারিণী
 কুমারী আইটিঙ্গেল ! তুমিই বা কোথায় ? আর সেই ভুবনভয়-
 নাপিনী, ভারতেশ্বরী ভিক্টোরিয়াই বা কোথায় ? এ অসময়ে
 গ্রাম্য-পথ বাঁধাইবার জন্য পালেমেণ্টে বক্তৃতা করিয়া

আন্দোলন উপস্থাপিত করিবে কে ? হায় ! আমরা গেলাম, রাসাতলে চলিলাম । হা বিধাতঃ ! ভারতের ভাগ্যে কি এই ছিল ?”

সংবাদপত্রের জন্য এইরূপ প্রবন্ধ লিখিয়া চিনিবাস নিজে নিজ নাম স্বাক্ষর করিয়া, কলিকাতায় পাঠাইয়া দিলেন । এমন সময় বন্ধু-মনোমোহন আসিয়া উপস্থিত । চিনিবাস বলিলেন,—“আজ বড় শক্ত পরিশ্রম করিয়াছি ; লিখিয়া আসুলে ব্যথা হইয়াছে,—চক্ষু জ্বলিতেছে, এক-কপ চা না খাইয়া তোমার সঙ্গে কথা কহিতে সমর্থ হইব না ।”

মনোমোহন । সে কি হে ? চা খাবে কি ?—চায়ে যে মাদকদ্রব্য আছে । উহা খাইলে নেসা হয় !

চিনিবাস । আগার বড় সর্দি করিয়াছে—ঠিক যেন জ্বর হইয়াছে—আর এই হাড়ভাঙ্গা মেহনতের পর, নাড়ী বড়ই দুর্বল হইয়া পড়িয়াছে । এ অবস্থায় ডাক্তারি মতে শুধু চা কেন, আমি ত্রাণও পর্য্যন্ত খাইতে পারি । ইহাতে কোন দোষ নাই । তুমি কি মাদকনিবারিণী সভার নিয়মাবলী পড় নাই ?

মনোমোহন । ইহা ত বড়ই সুনিয়ম । আমারও বড় মাথা ধরেছে । তবে আমার জন্যও একটু চা তৈয়ারি করিতে বল ।

চিনিবাস । খুব বেশী মাথা ধরেছি কি ?—মস্তকীয় ধমনীতে প্রবলবেগে কি রক্ত প্রধাবিত হইতেছে ?—

মনোমোহন। উঃ। বড় বিষম মাথা ধরেছে।—আর বাঁচি না—

চিনিবাস। তা হ'লে তোমার জন্য দুই আউন্স ব্রাণ্ডি বন্দোবস্ত করিতে পারি—

মনোমোহন বাবু মাথা চুলকাইতে চুলকাইতে আঁা ও করিয়া বলিলেন, “এতে কোন দোষ হ'বে না ত ? সন্টার নিয়ম ভঙ্গ হবে না ত ?”

চিনিবাস। আরে পাগল!—তুমি কি স্বাস্থ্যতত্ত্ব পড় নাই! অসুস্থ শরীরে ঔষধ না পড়িলে যে, ব্যারাম বৃদ্ধি হইবে; শেষে তোমার প্রাণনাশ হইতে পারে?—

মনোমোহন। আচ্ছা, তবে ব্রাণ্ডি খাবো, সন্টার নিয়ম লঙ্ঘন না হইলেই হইল। ব্রাণ্ডি খাওয়া পাপ বলে ত আমার কুসংস্কার নাই!—

তখন চিনিবাস বাবুর ইঙ্গিতমত ভৃত্য চা এবং ব্রাণ্ডি আনিয়া উপস্থিত করিল। মনোমোহন বাবু বলিলেন, “ভাই চিনিবাস! তুমিও একটু ব্রাণ্ডি ভক্ষণ কর”—

চিনিবাস। না, আমি এখনও অধিক বিষম রোগগ্রস্ত হই নাই, শরীর মন স্তত অবসন্ন হয় নাই।

মনোমোহন। তা'ত আমার' সে বিশ্বাস নহে; আপনার ঘন ঘন নিশ্বাস পড়িতেছে, মুখ দিয়া হাই উঠিতেছে, চোখ দুটো ছল ছল করিতেছে। আমি অপেক্ষাও আপনার অধিক রোগ দেখিতেছি। আপনার ত বিষম জ্বর বোধ হইতেছে।

চিনিবাস । আচ্ছা, তবে বগলে খারমিটার দিয়ে দেখি, জ্বর হ'য়েছে কি না ?

মনোমোহন । না, না, বগলে দেওয়া হ'বে না—মুখের ভিতর দাও ।

তৎক্ষণাৎ তাপমানযন্ত্র আনাইয়া মুখাভ্যন্তরে রক্ষিত হইল । উভয়ে পাঁচ মিনিটকাল ঠায় নিস্তব্ধ । পাঁচ মিনিট পরে চিনিবাস বাবু মুখ হইতে তাপমানযন্ত্র খুলিবার উপক্রম করিলেন । মনোমোহন বাবু বলিলেন, তা হ'বে না—আরও পাঁচ মিনিট রাখা চাই । এইরূপ দশ মিনিটকাল মুখ বুজিয়া, নীরব থাকিয়া, কসুরত করিয়া চিনিবাস মুখ হইতে যন্ত্র খুলিলেন । উভয়ে তখন অনিমিষ-লোচনে সেই খারমিটারের প্রতি নিরীক্ষণ করিতে লাগিলেন । দেখা গেল,—৯৯°৯ ডিগ্রি পারদ উঠিয়াছে । তখন নিশ্চয় জ্বর হইয়াছে বুঝিয়া, হাসি হাসি মুখে, আনন্দের সহিত, শুষ্ক রোগ বিনাশের জন্য, উভয়ে ব্রাণ্ডি-সুধা পান করিতে লাগিলেন । ক্রমে গৃহে আনন্দের লহরী-লীলা বহিতে লাগিল ।

মনোমোহন । ভাই ! সেই অনাথিনী স্ত্রী-বড়ের বিধবা-বিবাহের কি হইল ?

চিনিবাস । সেই অবলা, সন্ন্যাসী, বিধবা বঙ্গীয়া বাশার কথা ভাবিলে, আমার হৃদয় বিদীর্ণ হয় ;—সেই শ্রীশ্রীমতী রামমণি দেবীর পবিত্র, নির্মল, স্ফুটাকরিত, আদর্শস্থানীয় ! কিন্তু সেই রমণীকুল-উদ্ধারকারিণীর উপযুক্ত পতি কৈ ?

কোন জাগ্র্যবান পুরুষ তাঁহার কোমল করকমলে নিজ কর
অর্পণ করিতে সাহস করিবে ? উত্তমরূপ ইংরেজী ও বাঙ্গালা
শিখাইবার জন্য তাঁহার শিক্ষয়িত্রীর বন্দোবস্ত করিয়াছি ।
তাঁহার কণ্ঠে যেন সরস্বতী বসিয়াছে । তিনি একমাস মধ্যে
প্রথমভাগ শেষ করিয়া বোধোদয় ধরিয়াছেন । তাঁহার অনি-
র্বচনীয় মেধাশক্তি, সেই কলকণ্ঠের মনোমোহিনীর মধুর ভাষা
দেখিয়া, শুনিয়া, আমি মোহিত হইয়াছি । মনে হয়, ধরাধামে
যেন স্বয়ং তিলোত্তমা স্বর্গ হইতে অবতীর্ণ হইয়াছেন । চল
ভাই ! সর্বগুণসম্বিতা সন্তাপহারিণী দেবীর সাক্ষাৎ লাভ
করিয়া স্বর্গস্থ লাভ করি ।

চিনিবাসের কথা শেষ হইলে উভয়ে ঢুলু ঢুলুনেত্রে হেলিয়া
ছুলিয়া গাড়ী করিয়া, শ্রীশ্রীমতী রামমণি মহাদেবীর নিকট
গমন করিলেন ।

চতুর্থ পরিচ্ছেদ ।

না জাগিলে আর ভারত-কামিনী ।

পোহার না আর এ দুখকামিনী ॥

বেলা ১১টা । বৈশাখ মাসের রোদ বাঁ বাঁ করিতেছে ।
বাঁ বাঁ শব্দে বায়ু বহিয়া পথের ধূলা উড়িয়া, পথিকের চোখ,
নাক, চুল ভূষিত হইতেছে । এমন সময় একজন প্রবীণ-
বয়স্ক ব্রাহ্মণ, মাথায় খামছা কেলিয়া, খালি পায়ে, কক্ষনগরের
চক্ক দিয়া হনু হনু চলিতেছেন । দুই চক্ক রক্তবর্ণ ; দুধে গম্ভীর

ভাব ; কথা নাই ; চারিদিকে চাহিয়া দেখা নাই ; ক্রোধে অগ্নিশর্মা হইয়া, দুর্ব্বাসা ঋষির মত, বেগে চলিয়াছেন। এ রোদ্দ ব্রাহ্মণ য'র কোথা ? খড়িয়াতে স্নানে যাইতেছেন নাকি ? নিমেষ মধ্যে তিনি পুলিশ থানার নিকট পৌঁছিলেন। একজন উকীল কাছারি যাইতেছিলেন। তিনি জিজ্ঞাসিলেন, “ঘোষাল মহাশয়, যাচ্ছেন কোথায় ?” ঘোষাল সে কথা শুনিতে পাইলেন না ; আপন মনে দ্রুতপদ যাইতেই লাগিলেন। উকীল পুনরায় একটু উচ্চরবে বলিলেন,—“ও ঘোষাল মোশাই, শুধুপায়ে, এ রোদে কোথায় যাচ্ছেন ?”

ঘোষাল ফিরিয়া চাহিয়া দেখিলেন,—নবীন বারু ; গাড়ী থামাইয়া তাঁহাকে ডাকিতেছেন। তিনি তখন নবীন বারুর কাছে গিয়া গাড়ী ধরিয়া দাঁড়াইয়া বলিলেন,—“আরে মোশাই ! মাথামুণ্ড কি আর বলবো,—ছেলেটা কাল থেকে কোথা বেরিয়েছে, আজ ও ঘরে আসে নাই, রাতে কোথা রৈল, কোথা খেলে, কিছুই জানি না ; শুনলাম চিনিবাসের ঘরে ছোঁড়া রয়েছে—”

নবীন। হ্যাঁ, হ্যাঁ, চিনিবাস কে বলুন দেখি ? তার নাম ত অনেকের মুখে শুন্টি। কাল একটা ছোকরা ছাট্ কোট পরে আশার বাসায় এসে চাঁদার খাতায় সই করাইয়া লইল। শুনলাম—ইনিই চিনিবাস।

ঘোষাল। সেই ছোঁড়াইত দেশ মজালে, আপনারাও চান্স দিতে আরম্ভ করেন,—তবে আর বলি কাকে ?

নবীন । (হাসিন্দ্রা) কি করি বলুন, পাঁচ সাতজন লোকে এসে
থরে, বোড়হাত করে বলে,—কাজেই ৫ টাকা দিতে হ'ল—
ঘোষাল । সই করেছেন বৈত নয়—টাকা ত আর দেন
নাই—আমার দিবা, খবরদার টাকা দিবেন না—ছোড়াটা দেশ
মজালে—আমার ছেলেকে কাল থেকে ধরে রেখেছে, ছেড়ে
দেয় নাই ; একবার দেখা পোলে হয়,—দেখা পেলো কানায়ের
কাণ ছিঁড়ে দিবে—দেওয়ালে নাক ঘষুড়ে দিব ।

রামকানাই ঘোষাল, ঐ ব্রাহ্মণের পুত্র । তিনি কৃষ্ণনগর
কলেজের সেকেন্ড ক্লাসে পড়েন ।

নবীন । চিনিবাস বড় বড়লোক দেখছি—ঐটুকু ছেলে চোখ
টিপে টিপে কথা কয় ।—

ঘোষাল । আর শুনেছেন ;—চিনিবাস কাল চাষাপাড়ায়
চাঁদা আদায় কত্রে যেয়ে, বিধবাবিবাহের বক্তৃতা করেছিল ।
তখন একজন মেছোনীর মেয়ে দেখে চিনিবাস বলেছিলো,
তোমার আমি বিধবা-বিয়ে দিবো । সে মাগী চারিছেলের মা—
৫০ বছর বয়স । তার বড় ছেলে, একথা শুনে চিনিবাসকে
মায়ে আর কি ! তার পর বাবুরা এসে ছাড়িয়ে দিলে ।

নবীন । ছোড়া কে গা ?—এবার চাঁদাটা হজ্জে কিলের ?

ঘোষাল । তাই যদি না জানেন, তবে চাঁদা খাতায় সই
করেন কি করে ?—

নবীন বাবু আবার হাসিলেন,—“ভিক্ত গৃহস্থের বাড়ী
ডিকা করিতে আসিয়াছে, কি বলে কেবাই ?”

ঘোষাল । চিনেটাকে জব্দ করিবার উপায় কি ?

নবীন । কাছারি থেকে এসে আনি সে উপায় বলবো ।—

নবীন বাধু এই কথা বলিয়া ওকালতী করিতে কাছারি গেলেন ; ঘোষাল চিনিবাসের গৃহাভিযুখে দৌড়িলেন ।

খড়িয়া নদীর ধারে চিনিবাসের বাসা । দ্বারে দ্বারবান । ঘোষাল যেমন বাড়ীর ভিতর ঢুকিবেন, অমনি দ্বারবান বাইতে নিষেধ করিয়া বলিল—“আপুন্না নাম কেয়া ।” ঘোষাল মহাশয় তাহার কথা গ্রাহ্য না করিয়া বলিলেন, “দূর ব্যাটা, থাম, আমি কে, তুই জানবি কি ?”—এই বলিয়া তিনি গট্ গট্ দ্বিতলে উঠিয়া গেলেন । তথায় যাহা দেখিলেন, তাহা অপূর্ব অননুভূত । সেই প্রকাণ্ড হলে পাঁচটি যুবতী মেয়ে যেন রণসাজে সজ্জিত হইয়া বসিয়া আছেন ; তাঁহাদের মধ্যস্থলে চিনিবাস এবং রামকানাই ; ইহা ব্যতীত আরও দশ বার জন পুরুষ পার্শ্বদেশে উপবিষ্ট ; নারিদিকে ধ্বজা পতাকা উড়িতেছে ; একদল বাদক মধ্যে মধ্যে ফুঁলুট বাজাইতেছে ; একজন ধান-সামা অনবরত বরফ এবং লেমনেড যোগাইতেছে । টানাপাখা ছ ছ চলিতেছে ।

ঘোষাল মহাশয়ের হলে প্রবেশমাত্র, রামকানাই আশ্চর্য ব্যস্ত, যেন ঈষৎ ভীত হইয়া চারিদিকে চাহিয়া নেই “গোপনীয় গুহে” গিয়া খিল দিলেন । পিতা দূর দূর শব্দে ঘরের দ্বার ঠেলিতে লাগিলেন ।

এদিকে চিনিবাস মহাকোপান্বিত হইয়া রুদ্ধভাবে বলিলেন,

“কে তুমি ? অতি অসভ্য, বস্ত্র-পশুবৎ এত উৎপাত করিতেছ ; তুমি কি রমণীর সম্মান জান না ? • দেবিতের না, পাঁচটা রমণী অদ্য অস্বারোহণে ব্যায়াম বিদ্যার পরিচয় দিয়া, ভারত উদ্ধারের বীজ অঙ্কুরিত করিবেন ? দূর হও ।

ঘোষালও অতিশয় ক্রুদ্ধ হইয়া বলিলেন,—“তোমরা মদ-বেশ্যা নিয়ে আপন ঘরে বসে যা ইচ্ছা তাই কর, তাতে আপত্তি করি না,—গরীবের ছেলেটাকে ছেড়ে দাও ।”

চিনিবাস । তুনি মুখ সামলে কথা ক’বে, নচেৎ এক মুষ্টিয়া-ঘাতে তোমার নাসিকা ভগ্ন করিব—

ঘোষাল মহাশয় তখন চিনিবাসের কাণ ধরিয়া গালে এক-চড় মারিলেন । চিনিবাস “মাপরে ! মারে ! গেলাম, মোলাম” বলিয়া চীৎকার করিয়া উঠিলেন । রমণীগণ ভয়বিহ্বলচিত্তে চৈতাইয়া উঠিয়া পলায়নের উপক্রম করিলেন । পুরুষ বারজন ক্রতমেগে আসিয়া অতি বিনয়নম্রভাবে ঘোষাল মহাশয়ের হাত ধরিয়া বলিলেন, “মহাশয় মাপ করুন ! রামকানাইকে আমরা এখনি ছেড়ে দিচ্ছি ।” সকলের কথাক্রমে রামকানাই খিল-খুলিবামাত্র পিতা তাহার হাত ধরিয়া, পিঠে বস্ত্রবৎ চারিটা চড় মারিয়া, কাণ মলিতে-মলিতে ঘরে লইয়া গেলেন ।

ভগ্ন চিনিবাস প্রকৃতিস্থ হইয়া সকলকে সম্বোধন করিয়া বলিলেন,—“আমাদের এই দেশহিতৈষী কার্ধ্য অনেক ক্ষত্র আছে ; অনেক বিপদ. অনেক অত্যাচার আমাদের উপর পড়িবে । দৈত্যকুল নিরতই দেবতাদিগকে উদ্ভ্যস্ত করিয়া


থাকে । অতএব ভাই সকল এবং ভগিনীসমূহ ! আপনারা এ বিপদে আশ্রয় করিবেন না । বুক পাতিয়া, মুখ পাতিয়া, হাড় পাতিয়া, দীরের শ্রায় আমরা সমস্ত উপদ্রবই সহ্য করিব । আর বিলম্ব করিও না,—১২টা বাজিয়াছে ; এম আমরা কোম্পানীর বাগানে গিয়া ঘোড়-দোড়ের বন্দোবস্ত করিগে ।”

তখন ভারতের উন্নতি কামনায়, ব্যাণ্ড বাজাইতে বাজাইতে সেকেণ্ড-ক্লাস গাড়ী করিয়া রমণী এবং পুরুষগণ কৃষ্ণনগরের কোম্পানীর বাগানে আসিয়া উপনীত হইলেন । অদ্য রামমণি প্রধানা নায়িকা । ভারি বিব্রত । তিনি বড় ঘোড়ায় চড়িবেন । চিনিবাস বলিতেছেন, শ্রীমতী রামমণি দেবী নিশ্চয়ই ঘোড়-দোড়ে প্রথম প্রাইজ পাইবেন । বড় বড় পাঁচটা ঘোলা আসিল । ৪টা বাজিয়া গেল । তখন চিনিবাস বাবু বলিলেন, “ঘোড়-দোড়ের সঙ্গে সঙ্গে আমার বক্তৃতা হইবে ।” এ দিকে ঘোড়-দোড় আরম্ভ হইল, ওদিকে চিনিবাসের বক্তৃতাও চলিল ! “আহা ! ভারতের আজ চরম উন্নতি ! ঐ দেখুন, বীর-রমণীচয় কেমন সুন্দর শিক্সা পাইয়া বেগে অশ্ব চালনা করিতেছেন । ঐ দেখুন, শ্রীল শ্রীযুক্ত রামমণি কেমন রঙ্গ ভঙ্গে আলুলায়িত-কেশে, উন্নতহৃদয়ে, অশ্বের লাগাম ধরিয়া, সভার শোভা বৃদ্ধি করিতেছেন । যখন তিনি কোন বীরপুরুষের জায়া হইয়া, বীরসন্তান প্রসব করিবেন, তখন বুঝিব, ভারতমাতার উদ্ধার আসন্নপ্রায় । আজ চাঁদা আদায় সার্থক হইল । কিন্তু দুঃখ এই, এই রমণীকুলকে কলিকাতা লইয়া বাইয়া গড়ের মাঠে

শোভা দেখাইতে পারিলাম না । রামমণি ! রামমণি ! তুমি
সাবালু বঙ্গবরনী ! তোমার ঘোড়া মাই ! রামায়ণে সীতা, মহা-
ভারতে দ্রৌপদী এবং কৃষ্ণনগরে রামমণি—এ তিন একই
জিনিষ । শক্তিরূপিনী রামমণিকে সঙ্গে পাইলে, পৃষ্ঠ-
পোষকরূপে সহায় পাইলে, এই তরবাসি হস্তে আজই আমি
ভারত-উদ্ধার করিতে পারি ; অথবা তিনি যদি আমার সম্মুখে
হাসি হাসি মুখে, পরপলাশলোচনে ভঙ্গি করিতে করিতে
অসিদ্ধা দাঁড়ান, তাহা হইলে এই গোলাপকুল হস্তে আজই
আমি হিন্দুসমাজ উদ্ধার করিতে পারি । রামমণি আদর্শ-
নায়িকা ;—তঁাহাকে লইয়া হিন্দুসমাজ এবং রাজনীতি, পিতৃকুল
এবং মাতৃকুল ইহলোক এবং পরলোক—এই তিন দিকেরই
উদ্ধার পাওয়া যায় । অতএব রামমণিকে বোড়দৌড়ের প্রথম
পুরস্কার স্বরূপ ৫০০ টাকা মূল্যের একছড়া মতির মালা
গড়াইয়া দেওয়া উচিত ।

“কিন্তু অহো ! কি দুর্দৈব ! কি দুর্দৈব ! রামমণি জগৎ-
আনন্দধারিনী রামমণি, ঘোড়া হইতে পড়িয়া গেলেন—পড়ুন
—কতি মাই, কিন্তু ৫০০ টাকার মতির মালা তাহারই
পাশে !”

রামমণির অন্তরে মহা গোলজাগ উঠিল । লোক সমস্ত
চকিত ভীত হইল । চিনিবাসের বহুতাণ বাহিল ।



পঞ্চম পরিচ্ছেদ ।

চিনিবাসের ঐশ্বর্যের সীমা রহিল না । তাঁহার ধন, মান, বল, গুরুপক্ষের শশিকলার আয় দিন দিন বাড়িতে, লাগিল । ক্রমশঃ তিনি উত্তম তপনের আয় স্বক্ষণগর-গগনে ব্যবস্কৃ ঝকিতে লাগিলেন ।

পঞ্চরমণীর ঘোড়-দোড় রক্তাক্ত সেই দিনই রাত্রিতে তার-যোগে কলিকাতার ইংলিসম্যান ষ্টেটসম্যান এবং ডেলিনিউসে পাঠান হইল । হিন্দুপেট্রি য়ট, মিরর এবং অমৃতবাজারে বিবরণযুক্ত এক একখান পত্র লিখিয়া ডাকে পাঠান হইল । কলিকাতার লবঙ্গলতা নাম্নী একখানি বাঙ্গালা কাগজে, স্বক্ষণগরস্থ বিলেশ সংবাদদাতার এইরূপ পত্র প্রকাশিত হইল ;—

স্বক্ষণগরে আজ যে অপূর্ব দৃশ্য দেখিলাম, তাহা কখন ভুলিব না । রূপবতী, গুণবতী, বীৰ্য্যবতী স্ত্রীস্রীমতী রামমণি দেবী যেক্রপ অশ্চালনায় শক্তি দেখাইয়াছেন, তাহা জগতে অতুল । ভূমির দোষে অশ্ববর পা পিছলাইয়া পড়িয়া যাওয়ায় রামমণি দেবী লাগাম ছাড়িয়া দিয়া, নিশ্চিন্ত এবং উর্ধ্বপদা হইয়া ভূতলে অবতরণ করিতে বাধ্য হইয়াছিলেন সত্য ; কিন্তু এ কার্যে তাঁহার প্রতিজ্ঞা এবং প্রত্যাশপন্নমতিদেরই অতীব প্রশংসা করিতে হয় । দেবীর মন্তকে, মেরুদণ্ডে এবং কটী-প্রদেশে বিষম আঘাত লাগায়, তিনি ডাক্তার কর্তৃক চিকিৎসিত

হইতেছেন । সর্বদা-সম্মতিক্রমে রামমণি অঞ্চালনাথ প্রথম হইয়াছেন ।

“এখানে আর একটা কথা না বলিয়া, থাকিতে পারিলাম না । স্বদেশহিতৈষী, স্বদেশ-সংস্কারক, রাজনীতিজ্ঞ পণ্ডিত শ্রীল শ্রীযুক্ত বাবু চিনিবাস বন্দ্যোপাধ্যায়র যত্নে, পরিশ্রমে এবং উৎসাহে এ কার্য সুসম্পন্ন হইয়াছে । কৃষ্ণনগরের জনসাধারণ তাঁহাকে যুক্তকণ্ঠে দিবারাত্র ধন্য ধন্য করিতেছে । কিন্তু চিনিবাস মহাশয় এমনি উদারচেতা যে, তিনি বলিতেছেন, আমাকে ধন্য ধন্য করা কেন ?—আমি ত কেবল কর্তব্য-কর্ম করিয়াছি মাত্র ।

যে পাঁচটা রমণী অঞ্চালনাথ করিয়াছিলেন, তাঁহাদের মধ্যে ১ম রামমণি, ২য় বিমলা, ৩য় বিনোদিনী, ৪র্থ বামাসুন্দরী, ৫ম কমলা । কৃষ্ণনগরের জনসাধারণ আজ কাল, শয়নে, স্বপনে, জাগরণে, ভোজনে, পানে, গানে, মানে, অনুক্ষণ কেবল এই নামমাহাত্ম্য কীর্তন করিতেছেন,—

বিমলা কমলা বিল্বী বামী রামমণীসুখা ।

পঞ্চকন্যা অরেন্নিত্যং ভারত-দুঃখনাশনং ॥

শ্রীহঃ—”

এই পত্রপাঠে কলিকাতার দান্তী উন্নতিশীল ব্যক্তি (অর্থাৎ জনসাধারণ), এই পঞ্চকন্যাকে দেখিয়া মন, প্রাণ, দেহ স্নানীভূত করিবার জন্য বড়ই উৎকর্ষিত হইলেন । লবঙ্গ-লতা পরিষ্কার সম্পদকীর্ণ তন্ত্রে এক প্রবন্ধ প্রকাশিত হইল,—

“কলিকাতাবাসিগণ পঞ্চকন্য়ার মহিমাংকীৰ্ত্তন জন্য টাউন হলে, শীঘ্রই এক মহাসভা আহ্বান করিবেন। সেই সভায় শ্রীশ্রীমতী রামমণি দেবী উপস্থিত থাকিলে, জনসাধারণ বড়ই নোভাগ্য বলিয়া মানবে। অতএব দেবী যদি অনুগ্রহপূর্বক কলিকাতায় শুভপন্যার্পণ করিয়া কলিকাতাবাসীর প্রার্থনা পূরণ করেন, তাহা হইলে সমগ্র কলিকাতার লোক আনন্দ-মহোৎসবে মাতিয়া উঠিষা কেবল প্রেমাশ্রু বর্ষণ করিবে। আর একটী শুভ সংবাদ দিয়া প্রবন্ধের উপসংহার করিবে। জনসাধারণ চাঁদা করিয়া, টাকা তুলিয়া দেবীকে এক ছড়া হীরক হার উপঢৌকন দবার জন্য স্থিরপ্রতিজ্ঞ হইয়াছেন। হামিলটন কোম্পানীর বড় সাহেবকে ইষ্টিমিটের জন্য পত্রও লেখা হইয়াছে।

আর একটী কথা বলিব। “আমাদের এ জাতীয় উপায়েন সংবাদ বিলাতের টাইমস পত্রিকায় তাবযোগে পাঠাইলে হয় না? হুদ ৫০০ টাকা খবচ বৈত নয়? ভারত-উদ্ধার-ফণ্ড হইতে এ সামান্য টাকা দেওয়া ঘাইতে পারে না কি? জন সাধারণ অবশ্যই ভারতের হিতকর এরূপ প্রস্তাবের অনুমোদন করিবে।

শেষ কথা, “আমরা একান্ত মনে প্রার্থনা করি, সাধু-হৃদয়, সরলচিত্ত, উন্নতমনা, সন্নীতিপরায়ণ, পরোপকারময়-জীবন, শ্রীযুক্ত চিনিবাস বাবুর প্রতিশ্রুতি টাউনহলে রক্ষিত হউক।”

পর সপ্তাহের লবঙ্গলতা প্রত্নিকার চিনিবাস বাঘুর স্বাক্ষরিত এইরূপ একখানি পত্র প্রকাশিত হইল ।

“মমুষ্য অতি ক্ষুদ্র জীব । বানর হইতে মনুষ্যের উৎপত্তি । আমি সেই ক্ষুদ্র জীবের ক্ষুদ্রতম প্রাণী । স্মৃতরাং আমার মূর্তি রাখিয়া বল কি ? আমি নিতান্তই দুঃখিত হইব, যদি আমার প্রতিমূর্তি টাউনহলে রক্ষিত হয় । আমি আজকাল নিকাম-ধর্মের আলোচনা করিতেছি । পরোপকার ধর্মের ধ্বজা আমার দ্বিতল গৃহের ছাদে দিন-রাত পতপত শব্দে উড়িতেছে । ধন-কড়ি-সম্পত্তি, সম্মান গৌরবে আমার কিছু-মাত্র স্পৃহা নাই । টাকাকে মাটির চিলবৎ মনে করি ! সম্মানকে পদ্যপত্রের জলবৎ জ্ঞান করি । উচ্চ রাষ্ট্রপদকে কুমিকীট অপেক্ষাও ঘৃণা করি । আমার বাসনা,—জটাবন্ধল পরিধান করিয়া, অঙ্গে ভষ্ম লেপন করিয়া, হস্তে চিম্টা লইয়া রামায়ণ-উপন্যাসের রামচন্দ্রের স্থান ১৩তম বৎসর ভারত-অরণ্যে ভ্রমণ করি ! রামের সহিত ভগিনী সীতা বনে যান । আমার সঙ্গে ভগিনী রামমণি যাইতে পারেন । স্মৃতরাং এ অবস্থায় আমার প্রতিমূর্তি গড়িলে আমার মনে বড়ই কষ্ট হইবে । বিশেষত দেশের অসভ্য চাষালোক আমার মূর্তি দেখিয়া, মালা চন্দন দিয়া, কুসুমরাশি একত্র করিয়া দেবতাবৎ পূজা করিতে পারে,—ইহাতে পৌত্তলিকতার প্রভাব দেখা হয় । অতএব প্রতিমূর্তি গঠনে আমার বিশেষ আপত্তি আছে । যদি জনসাধারণের প্রতিমূর্তি গড়িবার বাসনা এতই মলবস্তী

হইয়া থাকে, তাহা হইলে সেই সুখদাসিনী' খঞ্জন-গঞ্জননয়নী, ভুবন-ভুলানী—সেই রণরঞ্জিণী, বীররমণী, আৰ্য্যশোণিত-প্রবাহিত ধমনী—সেই বিশ্বপ্রেময়ী, প্রসন্নময়ী রামমণি ধনীর মূর্ত্তিখানি গড়িলেই ত হয় ! কোন্ পাষণ্ড, কোন্ নীচমনা ব্যক্তি এ প্রস্তাবের অনুমোদন না করিবে । তবে লোকের মনে কষ্ট দেওয়া আমার ধর্ম্ম নহে । আপনারা যদি নিতান্তই ক্ষুদ্র ও মৰ্ম্মাহত হন, তাহা হইলে রামমণি-পার্শ্বে আমার ক্ষুদ্র মূর্ত্তিটুকুও রাখিতে পারেন । কিন্তু ইহাতেও আমি রাজী নহি, কেবল আপনাদের কষ্ট হইবে বলিয়া মত দিতে বাধ্য হইলাম ।

“আপনারা জানেন, নিষ্কাম ধর্ম্মের ব্রত বড় গুরুত্বব । একটু পদস্থলন হইলেই মহাপাপ-পঙ্কে নিমগ্ন হইতে হইবে । আমার কত স্বার্থত্যাগ দেখুন ! নিষ্কাম-ধর্ম্মের প্রসার স্বস্তির জন্য আমাকে হোমিওপ্যাথি চিকিৎসাবিদ্যা শিখিতে হইয়াছে । তারপর নিজ অর্থে হোমিওপ্যাথি ঔষধ কিনিয়া, তাহা আমাকে প্রায়ই বিনামূল্যে বিতরণ করিতে হইতেছে । অর্থব্যয়, অথবা চিকিৎসা বিদ্যালাত্তের জন্য পরিশ্রম বায় খরি না,—কিন্তু ইহাতে যে আমার মূল্যবানীয় সময় নষ্ট হয়, ইহার জন্যই আমি কাতর । সাধারণতঃ রমণীকুলকে আমি বিনামূল্যে চিকিৎসা করিয়া থাকি ; বিশেষতঃ সেই অনাথা সেই যৌবনছালায় বিব্রতা, বিবরা রমণী পাইলে, নিজপকেট হইতে তাঁহার পথ্যের খরচও দিয়া থাকি । বেদানার রস, ইন্দুরস, নেবুরস প্রভৃতি

রসনিচয় স্বহস্তে তৈয়ারি করিয়া, তাঁহাদের মুখ-কমলে তুলিয়া দি। অধিক গরম হইয়াছে বুঝিলে শ্রীমতীদের কপালে শ্রীকণ্ঠে, গ্রীবায উত্তমাসে স্বহস্তে বরফ লেপন করি। কেবল নিকাম-শ্রমের খাতিরে আমি এত যত্নগা সহ্য করিয়া থাকি। দিন নাই, রাত্রি নাই—বিধবার পীড়ার সংবাদ পাইলেই আমি ছুটিয়া যাই। মনে করুন, দিবসের এবৎ প্রথম রাত্রির কন্স-অবসানে, আমি নিতান্ত পরিশ্রান্ত হইয়া ঘুমাইতেছি ; গভীর নিশীথকাল উপস্থিত,—নিশাসতী ৩টা বাজাইরাছেন ; শুনিলাম, কর্ণপটহে শব্দ আসিল, বিধাবালা পীড়ার 'আইটাই' করিতেছেন। আমার আর বিশ্রাম নাই ; শয্যা হইতে উঠিয়া একছুটে, দ্রুতপদে একাকী চুপে চুপে চলিয়া গেলাম। এত পরিশ্রমে, শরীর আর ক দিন টিকিবে ? তবে স্ত্রীলোক নিতান্ত শিশু অথবা বৃদ্ধ হইলে, অর্দ্ধমূল্যের ব্যবস্থা করিয়াছি ; কারণ সর্বস্ত্রীলোককে সমভাবে দেখিবার সময় কৈ ? কিন্তু উহাদিগকে দেখিয়া যে টাকা পাই, তাহা বিধবাদের জন্যই ব্যয় করি। আর, আমার আবাস-ভবনের নিম্নতলে যে বালিকা-বিদ্যালয় প্রতিষ্ঠিত হইয়াছে, তাহার ছাত্রীগণের চিকিৎসাতেই আমার দিবসে প্রায় ৪ নটা অতিবাহিত হয়। শ্রীমতী বিনোদিনী, অথপত্রীকায় তৃতীয় স্থান লাভ করিয়াছেন ; তিনি দ্বিতীয় শ্রেণীর প্রধানা বালিকা ; প্রায় প্রত্যহ দিবা দ্বিপ্রহরে তাঁহার কিট হয়—হঠাৎ কেমন যে তিনি মুচ্ছা যান, তাহা আর কিছুতেই আরাম হয় না। সুতরাং তাঁহাকে দ্বিতলে এই গোপনীয়

গৃহে আনাইয়া প্রত্যহ এক ঘণ্টাকাল চিকিৎসা করিতে হয় । তাঁহার আরোগ্য সমাধান না হইতে হইতেই কুসুমের মূর্ত্তা হয় ; খানিক চিকিৎসায় কুসুম সংজ্ঞালাভ করিলে বামাসুন্দরী রোগাক্রান্তা হয়েন ! তাঁহাকেও মহৌষধ প্রদান করিতে হয় । সময়ে সময়ে বিপদও ঘটে । একেবারে তিন চারিটী রমণী রোগাক্রান্তা হইলে, আমি একাকী বিব্রত হইয়া পড়ি । সেই জন্য রামকানাই, বিধুভূষণ প্রভৃতি শিক্ষানবীশগণের সাহায্য লইতে হয় । এখন বুঝুন ; আমার পরিশ্রম কত, অধ্যবসায় কত এবং ত্যাগস্বীকারই বা কত ! নিষ্কামবর্ষা এমনি মহিমাময় ! অবশেষে সন্ধ্যার পর, রামমণিদেবীর প্রাতঃহিক পাঠের পরীক্ষা লইতে যাইতে হয় । দেবীকে পূর্ণমাত্রায় শিক্ষিতা করিবার জন্য ৫০ টাকা বেতনে একজন বিবি শিক্ষয়িত্রী রাখিয়াছি । বিবি দিবসে কিরূপ পাঠ পড়াইয়া গেলেন, পুঙ্খানুপুঙ্খরূপে তাহা বিচার করিয়া, দৌলগৃহে বাত্রি প্রায় দশটা অবধি থাকিতে হয় । সাধে বলি, আমার সময় কৈ ? আমার মূর্ত্তি গড়িবান্ন পূর্বে, কারিকরকে অবগুই আমার চেহারা একদিন দেখিয়া যাইতে হইবে । কিন্তু তাহার সহিত সাক্ষাৎ করিবার আমার অবসর কৈ ? তবে নিষ্কাম ধর্ম্মের জন্য সমস্তই সম্ভবে । আপনারা কাহ্নিরকে শীঘ্রই কৃষ্ণনগর পাঠাইবেন,—সাধারণের উপকার জন্য এক মিনিটের জন্য আমার এবং রামমণির মূর্ত্তি তাহাকে দেখাইতে পারি ।

জনসাধারণের কোঁতুল নিরুত্তি জন্য আপাতত স্বভাব-
সুন্দরী, আর্ঘ্য-কুলাবতংসিনী রামমণি দেবীর একখানি কটো
পাঠাই ; দেখিবেন এবং দেখাইবেন ।”

ষষ্ঠ পরিচ্ছেদ ।

কলিকাতার ঐ সাতজন ব্যক্তি—অর্থাৎ জনসাধারণ, চিনি-
বাস-মহোৎসবে মাতিয়া উঠিলেন । টাউনহলে বিরাটসভার
আয়োজন হইতে লাগিল । নানা সংবাদপত্রে বিজ্ঞাপন প্রকা-
শিত হইল । চাঁদার খাতা লইয়া “দুইজন-জনসাধারণ” দ্বারে
দ্বারে-কিরিতে লাগিলেন । চিনিবাস এবং রামমণিমূর্তি গড়িবার
জন্য উপযুক্ত কারিকর-অন্বেষণ-কার্য চলিল । কলিকাতার
কুল-ললনাগণ অর্থাৎ পাঁচটি ‘উন্নতিনীলা’ স্ত্রীমূর্তি কুসুমগুচ্ছ
লইয়া কারুকার্যে ব্যাপৃত রহিলেন । চিনিবাস এবং রামমণি,
শেয়ালদহের টেশনে মামিলেই, ললনাগণ রামমণির হস্তে
কুলের জোড়া উপহার দিয়া, চিনিবাসের গলায় মালা দিবেন,
ইহারই সন্মুখ হইতে লাগিল । সব কমিটীতে পরামর্শ হইল,
চিনিবাস এবং রামমণি,—প্রকৃতি এবং পুরুষ—ষোড়গাড়ীতে
চাপিলে, শেয়ালদহ হইতে তাহা বালকগণ দ্বারা টানান
উচিত । “একজন-জনসাধারণ” ১১টি গ্রোজুয়েট ভাড়া করিতে
বাহির হইলেন ;—তাহারা স্বাধীনতার স্বাক্ষর ধরিয়া, ষোড়-
গাড়ীর সঙ্গে সঙ্গে স্বাধীন-সঙ্গীত গাহিতে গাহিতে চলিবেন ।

ওদিকে চিনিবাসের প্রজ্ঞা কৃষ্ণনগর প্রকাশিত হইল । সেই মহারাজ কৃষ্ণচন্দ্রের প্রিয়রাজধানী, আজ চিনিবাসের লীলাভূমি । নবদ্বীপের পণ্ডিতমণ্ডলী আজ হীনপ্রভ, চিনিবাস দ্বাদশহুর্ঘ্যের ন্যায় দেদীপ্যমান ।

ক্রমে কৃষ্ণনগরে চাকুরাণী মেলা ভার হইল । ঘরে খী টাকে না । অনেক খী, বই হাতে করিয়া, চিনিবাসের স্কুলে পড়িতে যাইতে আরম্ভ করিল । ২৪ বৎসরের কমবয়স্কা খী দেখিলেই চিনিবাস সিংহবিক্রমে তাহার নিকট উপস্থিত হইয়া বলেন,—“তোমার আবু ভয় নাই ; আমি তোমাকে উদ্ধার করিব, অন্নবস্ত্র প্রভৃতি দানে, তোমার শারীরিক দুঃখ দূর করিব । এস আমার সঙ্গে ; খরচ দিয়া তোমাকে স্কুলে পড়াইব ।”

রামকানাই এবার হারাইয়া গেল । ৫ দিন তাহাকে খুঁজিয়া পাওয়া যায় নাই । ঘোষাল মহাশয় আবার পুত্র-অন্বেষণে বহির্গত । কিন্তু এবার চিনিবাসের গৃহে তিনি চুকিতে পাইলেন না । চিনিবাস শান্তিরক্ষার দরখাস্ত করিয়া, দুইজন কনষ্টেবল, দ্বারে বসাইয়াছেন । ইহা ব্যতীত, চারিজন পাঠান দারবান দ্বারদেশ আগুলিতেছে । হঠাৎ শুনা গেল, ধনঞ্জয় বাচস্পতির পুত্র দুইদিন নিরুদ্দেশ হইয়াছে । বৃদ্ধা বিধু ব্রাহ্মণীর পৌত্র কৃষ্ণনগর কলেজের এলে ক্লাসে পড়ে ; বুদ্ধি বহু-কণ্ঠে তাহাকে মানুষ করিয়াছিল । গতরাত্রে সে, বুড়ীর সিন্দুক ভাঙ্গিয়া, কয়েকটা মোহর লইয়া কোথায় চলিয়া গিয়াছে ।

আবার একি দেখি? উকীল নবীন দাস বারু হাঁপাইতে হাঁপাইতে, সঙ্গে লোকজন লইয়া, কোথায় ছুটিয়াছেন? নবীন বারুর চক্ষু দিয়া ঝর ঝর জল পড়িতেছে!

ঘোষাল। একি, একি!—

নবীন বারুর চক্ষু দিয়া প্রবলবেগে জলধারা বহিতে লাগিল; তিনি বলিলেন,—“মাথা মুণ্ড কি আর বলবো?—

আমার মেয়েটাকে পরশ রাত্রি থেকে আর দেখতে পাচ্ছি না,—তার মা আজ দুদিন কিছু খায় নাই, কেবল শুয়ে শুয়ে কাঁদচে—

ঘোষাল। বলেন কি মোশাই? এ সর্বনাশ কে করে?—
আমার রামকানাইকে পাঁচ দিন দেখিতে পাই নাই।

ঘোষালের জ্ঞানদন।

নবীনদাসের কন্যার নাম কল্যাণী। কল্যাণী বিধবা, বয়স ১৮ বৎসর।

বিধু ব্রাহ্মণী অতি দরিদ্র। তার পুত্রের অল্প বয়সেই সর্পাঘাতে মৃত্যু হয়। ব্রাহ্মণী তুলা পিঁজিয়া, কাটনা কাটিয়া নাতিটাকে মানুষ করে। রক্ষনগরে একজন বিষয়াপন্ন ব্যক্তি ঐ নাতিটীর মাহিনা দিয়া ‘স্কুলে’ পড়ান। বহু বৎসরে এন্ট্রেন্স পাস হইয়া, নাতি ক্রমে ‘কাউন্সিল’ আরম্ভ করিলেন। ব্রাহ্মণী জীবনের একমাত্র অবলম্বন নাতিকে না দেখিয়া, ঠিক পাণ-লিনী হইয়া, পথে পথে কিরিতেছেন। কাঁকড়-মাকড় চুল, কালো কাপড়, আধখানা গা খোলা—ব্রাহ্মণী বেন উন্মাদ হইয়া

নবীন বাবুকে জিজ্ঞাসিলেন, “অ বাছা !” আমার রামধনকে দেখেছো ? নবীন বাবু উত্তর দিতে না দিতেই ব্রাহ্মণী আপন মন চোঁচাইতে লাগিল, “রামধন ! ওরে রামধন ! কোথা গেলিরে তুই ? বাছা ! তোর কাল অবধি ভাত বাড়়া আছে, একবার এসে খেয়ে যা ।” একজন ঘোড়ার ঘেসেড়াকে দেখিয়া ব্রাহ্মণী বলিলেন, “তুই আমার রামধন কোথা, বলে দে—”

নবীন বাবু স্থির করিলেন, স্ত্রীলোকটী পাগল । এমন সময় ধনঞ্জয় বাচস্পতি ক্রোধে থর্ থর্ কাঁপিতে কাঁপিতে আসিয়া নবীন বাবুকে বলিলেন, “মহাশয় আপনারা ত উকীল ; এব একটা বিচার করুন ; ব্রাহ্মণপণ্ডিতের ছেলেকে চিনিবাস, পের্যাজ রুশুণ খাওয়াবে,—আর নাম উচ্চারণ করিব না ;—এই সান্ত খাওয়াইয়া যে, জাতকুল সব নষ্ট করবে,—এ আর সহিতে পারিব না । এইমাত্র দেওয়ানজীকে বলে এলাম, এর যদি আপনারা স্থবিচার না করেন, তা হ’লে আমি ব্রহ্মহত্যা হবো । গুনিলাম, দুর্বৃত্ত ছেলেটা আজ দুদিন মদ খেয়ে চিনিবাসের ঘরে অজ্ঞান হয়ে পড়ে আছে : কাদা তাকে ডাকতে গেলাম, চিনেটা মুসলমান দিয়ে আমার অপমান করে ; চারিটে নেড়ে আমার মুখময় থুতু দিয়ে আমার পিঠে কিল লাথি, জুতা বর্ষণ করে । এই দেখুন,—আমার পিঠ ফুলে আছে—আপনারা লোকতে আমাদের এই অপমান !”

ব্রাহ্মণের কণ্ঠরুদ্ধ হইল । চোখ দিয়া দু এক ফোঁটা জল পড়িতে লাগিল ।

অনুরে অথ-কুসুমিনি শোনা গেল । পথের ধূলা উড়িল । রাজপথ লোক-কোলাহলে পূর্ণ হইল । নিমেষ মধ্যে দেখা গেল, রক্তমুখ পুলিশ-সাহেব, অস্বারোহণে আসিতেছেন ; তাঁহার পশ্চাৎ পশ্চাৎ পুলিশ ইন্স্পেক্টর, চিনিবাস এবং রমণী বিনোদিনী,—ইহারা প্রত্যেকই অথ চড়িয়া তালে তালে চলিয়াছেন । আর ১৬ জন কনষ্টেবল প্রাণপণে দৌড়িয়া এই চারি মূর্তির অনুসরণ করিতেছে । তখন চিনিবাস, ধনঞ্জয় বাচস্পতিকের সন্মুখে দেখিয়া বলিলেন, “ঐ পলায়, ঐ পলায়—কাল ঐ ব্যক্তিই আমার গৃহে অনধিকার প্রবেশপূর্বক ডাকাতি করিয়া, আমার সর্বস্ব হরণ করিয়াছে—সাহেব ধরুন, ধরুন, ঐ পলায় ।

কুপিত ব্যাক্ত দুর্বল মোশাবককে ধরিল । ভয়ে ধনঞ্জয়ের কথা কহিবার শক্তি রহিল না ;—একেদারে দুই হাত, দুই পা দৃঢ়রূপে বাঁধা হইল । চারিজন কনষ্টেবল তাঁহাকে ধরিয়া লইয়া চলিল । ধনঞ্জয় সংজ্ঞাহীন । নবীন বাবু হতভয় ;—তিনি পুলিশ-সাহেবকে একবার ইংরাজীতে বলিয়াছিলেন, —নির্দোষ ব্রাহ্মণকে শুধু শুধু হঠাৎ ধরেন কেন ? তৎক্ষণাৎ ঘোড়ার চারুক সজোরে নবীন বাবুর পৃষ্ঠে পতিত হইল ।

রক্তাশ্রুত ইত্যবসরে সাহেবকেও বলিল ;—“হেঁপা সাহেব, আমার রামধনকে এনে দাও না—কাল অবধি আমার রামধন কিছু খায় নাই ।”

সাহেব সে কথা শুনিলা না, বুঝিল না ; আশন মনে

বিনোদিনীর সঙ্গে কথা কহিতে কহিতে ধীর-কদমে ঘোড়া ছুটাইল । কিন্তু সে কথা চিনিবাসের কাণে গেল । তিনি ব্রাহ্মণীকে সম্বোধন করিয়া বলিলেন, “রে দুষ্টচরিত্রে ! অঙ্গ আবরণ-বিহীনে !—স্বতন্ত্রাৎ রাজপাথ কুরুচিকারিণি-রমণি । তুই অস্বাভাবিকরূপে আমাদের গতির প্রতিরোধ করিতে-ছিস । অতএব এই চাবুকই তোরে উপযুক্ত দণ্ড—”

এই বলিয়া উদারহৃদয় চিনিবাস বাবু, বৃদ্ধা ব্রাহ্মণীর পৃষ্ঠে, মুখে, বুকে সজোরে তিন চাবুক বসাইয়া, এদিক্ ওদিক্ চাহিয়া, দ্রুত-অস্বারোহণে তৎক্ষণাৎ পুলিশ-সাহেবের নিকট পৌঁছিয়া, সদালাপ আরম্ভ করিলেন ।

সেই দারুণ কশাঘাতে, কীণা, দীনা ছিন্নভিন্নবসনা, বৃদ্ধা ব্রাহ্মণকন্যা ভূতলে পড়িয়া গুচ্ছিত হইলেন । তাঁহার পিঠ কাটিয়া রক্ত পড়িতে লাগিল ।

সপ্তম পরিচ্ছেদ ।

প্রভাত কাল । কলকতনগরে হাহাকার ; কিন্তু চিনিবাসের আবাসভূমি নীরব, স্থির, গম্ভীর । কেবল শ্রীদাম-মুচি একটী চোল ঘাড়ে করিয়া, উঠানের এক পার্শ্বে দণ্ডায়মান । শ্রীদামের বয়স চল্লিশ বৎসরের অধিক নহে । কিন্তু ম্যালেরিয়া এবং দুৰ্ভিক্ষ,—এ উভয় রূপে তাহার মনপ্রাণ হুসীতল হওয়ায়, শ্রীদামের বয়ঃক্রমটা ৫৫ হইতে ৬০টির মধ্যস্থল হইয়া

দাঁড়াইয়াছে । সংসারে এমনও লোক আছেন, যাঁহারা চুল ঔষধ দিয়া চুল পাকাইয়া প্রবীণ সাজিতে চাহেন ; এ পণ্ডশ্রম রূখা । তাঁদের উচিত, শ্রীদামের কাছে গিয়া প্রবীণত্বের ঔষধ চাহিয়া লওয়া । তাঁরা যদি ছয় মাস কাল শ্রীদামের শিষ্যগিরি স্বীকার করেন, তাহা হইলে, সে একবারে বুড়ো করে ছেড়ে দিতে পারে ।

ক্রমে রোদ উঠিল । সাতটা বাজিয়া গেল । শ্রীদাম ভাবিতে লাগিল, বাবু ভোরে আসিতে বলেছিলেন, কিন্তু এখনও বাবুর দেখা পাইলাম না কেন ? ভগবান্ কি আমার অদৃষ্টে আজ এক মুঠা অন্ন মাপান নাই ? ছেলেরপিলে থাকে কি ?

এমন সময় একজন নবীন নখর খানসামা চোখ কচলাইতে কচলাইতে, হাই তুলিতে তুলিতে, বাম হস্তের দ্বারা নিশাভগ্ন চেরাসিংখি কাটিতে কাটিতে, উপরতল হইতে নীচে নামিল । খানসামার রংটি মেটে মেটে ; পায়ে পায়বান মিহি কালাপেড়ে ধুতি, গায়ে রঙ্গীন কতুয়া, পায়ে চটিজুতা । সে আসিয়াই একটা কুটন্ত গোলাপ ছিঁড়িয়া নিজ বুক-পকেটে রাখিল । শ্রীদাম ইহাকে দেখিয়া খানসামা, কি বাবু কিছুই স্থির করিতে পারিল না ; ভাবিল, বাবুর ছোট ভাই হইবেন । তখন সে ঘোড়হাতে খানসামাকে বলিল, “হুজুর ! বড় বাবু কখন উঠবেন ? কাল সন্ধ্যার পর ছুবার আমাকে তিনি ডেকেছিলেন ; ছোট বাবু ! আপনাদের দোরার থেকে হুঁহুঠা না নিয়ে গেলে, আমাদের চল কিম্বে ?

বাস্তবিক মানিক খানসামা এ কথায় বড়ই প্রীত হইল ; তাহার চেহারা প্রকৃতই বাবুৎ ভাবিয়া আপনাকে ধন্য বলিয়া মানিল । মানিক বলিল, “একটু থাম, বাবু কাল অনেক রাত্রে শুয়েছিলেন, তাই উঠিতে বেলা হ’য়েছে ।”

শ্রীদাম । কাজকর্মের বাড়ী, শুতে রাত্রি হবে বৈ কি ? লক্ষ্মীর ছিরি থাকলেই দশজনের পাত পড়ে । আমার ছেলের পিলে শুন্তে পেল, রাত্রে এসে পাত কুড়িয়ে নিয়ে যেতো ।

মানিক । ভোজ নয় হে বাবু—কাল রাত্রি দুটা পর্য্যন্ত সভার ব্যস্ততা হ’য়েছিল—

শ্রীদাম । (যোড়হাতে) আজ্ঞে, তা হ’বে বৈ কি ? কাজের বাড়ীতে বকাবকি হ’বে বৈ কি ? তা, আমার ছেলেরা এসে একপাশে দাঁড়িয়ে থাকবে ! যেমন ব্রাহ্মণভোজন শেষ হ’বে, অমনি পাতকুড়িয়ে নিয়ে জায়গা পরিষ্কার করে দেবে ; তারা কোন গোলমাল বকাবকি করবে না—

এমন সময়ে স্বয়ং বাবু দ্রুতপদে নীচে নামিলেন । তাহার পরণে ডিলে ইজার, অঙ্গে কামিজ, পায়ে এষ্টাকিন । বাবুর জুতার শব্দ কাণে প্রবেশমাত্র খানসামা দৌড়িল । মানিকের ভয় হইল, পাছে আমি বাবুর সাক্ষাতে মুচির নিকট ধরা পড়ি । খানসামার হঠাৎ লবেগদৌড়ন দেখিয়া মুচি খানিক ক্যাল ক্যাল চাহিয়া রহিল ; প্রশ্নমটা নিকল যায় ভাবিয়া শেষে সে টেচাইতে আরম্ভ করিল,—“ছোট বাবু প্রশ্নাম হই, ছোট বাবু প্রশ্নাম হই ।”

মাণিক এই বাক্যে মহা বিরক্ত হইয়া, বড়ই কাতর হইয়া, মনে মনে বলিল,—শালার মুচিকের আর বাড়ী চুকতে দিব না—এবারে এলোই লেঠিয়ে তার পা ভেঙ্গে ফেলুবো—”

এত চেষ্টাচেষ্টিতেও খানসামা মুখ ফিরাইয়া প্রণাম গ্রহণ করিল না দেখিয়া, শ্রীদাম আবার বিকট ধ্বনিতে বলিল,—“ছোট বাবু মোশাই! অ—ছোট বাবু মোশাই! প্রণাম হই।”

খানসামা, “কি—মুন্সিল, কি বিপদ” ভাবিতে ভাবিতে একেবারে তেতোলার ছাদে গিয়া লুকাইয়া বসিয়া রহিল। মুচির সেই চাঁচাছোলা মোটা বাজখৈয়ে স্তম্ভ অনেকের কর্ণে ধ্বনিত হইল। দ্বিতলের সেই গোপনীয়গৃহের গবাক হইতে মুখ বাহির করিয়া একটা বিনিধভুষায় ভূষিতা রমণী, মুচিকে তখন অনিমেষ লোচনে হেরিতে লাগিলেন। যেন বিদ্যাসুন্দরের ভাবে চিনিবাসের আবাস-ভ্রাম বিহ্বল হইয়া উঠিল;—

অনিমেষে বিনোদিনী দেখিছে বিনোদ ।

বিনোদের বিনোদিনী দেখিয়া প্রমোদ ॥

বিপরীত বিপরীত উপমা কি দিব ।

উর্ধ্বে কুব্জিনী হেঁটে কুব্জবান্ধব ॥

ইত্যবসরে চিনিবাস বাবু, মুচির নিকটে পৌঁছিলেন। তিনি গভীর-স্বরে সাধুভাষায়, শ্রীদামকে বসিলেন,—“মুচিবর! স্বরদান সত্যর উপযোগী, চতুর্দিক-প্রবাহিত-অনিল-সত্যর অনুরক্ত, এমন সর্বাস্বস্তর কঠকনি তুমি পাইলে কোথায়? তুমি

ঐ কমনীয় কণ্ঠনালীমিঃস্বত ললিত-ভৈরব আলাপ দ্বারা এই-
মাত্র কি অনির্বচনীয় অব্যক্ত নিনাদ করিতেছিলে ? হে মুচি-
কুলতিলক ! আমায় বুঝাইয়া বল, কোন্ উদ্দেশ্যে তোমার ঐ
কোমস-কণ্ঠ-কুজন ব্যয়িত হইয়াছিল ?”

শ্রীদাম, খোদ বাবুকে দেখিয়া, “কোন কথার উত্তর না
দিয়া, কয়েকবার “আজ্ঞে হেঁ, আজ্ঞে হেঁ” করিয়া শেষে
সাষ্টাঙ্গে ভূমিতে প্রণিপাত করিল । চিনিবাস, প্রণাম দেখিয়া
ঈষৎ নাসিকা কুঞ্জন করিলেন । মনে মনে বুলিলেন,—“ঈঃ
দেখিতেছি, লোকটা জাতিভেদ মানে—বড়ই কুসংস্কারাচ্ছন্ন ।”
প্রকাশ্যে বলিলেন,—“উঠ উঠ, মুচিবর ! তুমি কি জান না,
ঈশ্বরের চক্ষে সকল জন্তুই সমান ?—সকলেই ভ্রাতা—আমি
তুমি কোন ভেদ নাই ?”

শ্রীদাম । আজ্ঞে, তা বৈ কি ? (শোড়হাতে) আমাদের
কি জানলেন ছজুর—এই পের্টভরে খেতে দিয়ে, সমস্ত
দিন ক্লাজ করিয়ে নিন ; ছেঁলে দুটী মানুষ হওয়া আপনারই
ভার ! তা, ছোট বাবুর বিয়েতে রাজ্য শিরোপা ছাড়বো না—

বিবাহের নাম শুনিয়া চিনিবাস চক্ষু রক্তবর্ণ করিলেন ;
দস্তে দস্তে সংঘায়ত হইল ; বাহুদ্বয় বিষম দুলিতে লাগিল ;
বামপদ ক্ষিত্তিতে দুপ্ দাপ্ শব্দ করিল ; কাজেই মুখ আর
চুপ করিয়া রহিল না—“রে বাদক ! রে স্বন্ধে ঢোলবাঁহী !
রে চন্দ্রব্যবসায়ী ! তুমি কি আজও সমাজ-বিজ্ঞান অধ্যয়ন কর
নাই ? যে পুরুষ যৌবনে বিবাহ-বন্ধনে নিবদ্ধ, সে পুরুষ দ্বারা

বিশ্বসংসারের কোন উপকারেরই আশা নাই,—হস্ত-পদ-দেহ থাকিলেও সে জড়বৎ ! ইউরোপের অনেক মহাত্মা এবং মহাত্মনী বিবাহ করেন নাই বলিয়াই, অধিক পরিমাণে পরোপকার করিয়া যাইতে পারিয়াছেন । বাজে লোক বিবাহ করে করুক, কিন্তু আমাদের মত মনুষ্যগণের বিবাহ করা যে নিষিদ্ধ, তাহা মিল এবং স্পেন্সার স্পষ্টাক্ষরে বলিয়া গিয়াছেন । চৈতন্য বিবাহ করিয়াছিলেন বটে, কিন্তু শেষে আপনার ভ্রম বুঝিয়া দ্বী ত্যাগ করেন । আর বুদ্ধদেবের চন্দ্র তুমি একবার মনে মনে আলোচনা করিয়া দেখ,—হে মুচিবর ! তখন তুমি বুঝিতে পারিবে, বিবাহ করা পাপ কেন ? বিশেষত আমার গৃহে রমণীবিদ্যালয় স্থাপিত হইয়াছে ; এস্থলে বিবাহ শব্দ, ঐ কুরুচি-প্রধানা মহাকথা, ঐ অন্তঃসারপূর্ণা অগ্নীলধ্বনি উচ্চারণ করায় তুমি পিনাল-কোড অনুসারে দণ্ডাই হইয়াছ ।”

শ্রীমতী । আজ্ঞে, তা বৈ কি ? ছোট বাবুর বিয়েতে আমরা তিন বাপ-বেটায় পেটভরে খেয়ে সাত দিন ঢোল বাজাবো ;—তা আমার ছোট ‘ছেলেটী কঁাসি বাজাতে শিখেছে—

(মার্শিক খানসামা, তৃতোলায় ছাদে উঠিয়া, গোপনভাবে উঁকিঝুঁকি মেরে দেখিতেছিল,—মুচিটে কি করে, অথবা কি বিভ্রাট ঘটায় । দুইবার “ছোট বাবুর” নাম মুচিমুখে উচ্চারিত হইতে শুনিল, আর তাহার অন্তরাত্মা শুকাইল ; শেষে মুখ বিকৃত করিয়া রাগে ছাদের উপর দুটা কীল মারিয়া ফেলিল ।)

চিনিবাস । (স্বগত) (লোকটার বড়ই মোটারুদ্ধি !)
পাগল নয় ত !) রে মুচে ! তুমি ঐ আদি-অন্ধরে ‘ব’য়ে
‘হুসই’কার দেওয়া কথাটা ছাড়িয়া দাও—এক্ষণে আমার
প্রস্তাব একমনে শ্রবণ কর,—

“তুমি ঐ ঢোল—অর্থাৎ বাদ্যযন্ত্রবিশেষ স্কন্ধদেশে স্থাপন
করিয়া নগরময় পরিভ্রমণপূর্বক এক স্তমহতী ঘোষণা প্রচার
করিতে সক্ষম হইবে কি ?” শ্রীদাম এতক্ষণ ভালমন্দ কিছুই
বুঝে নাই ! এবার সে ঢোলের নাম শুনিয়া মাথা চুকাইতে
চুকাইতে অ্যা-ও-অ্যা-ও করিয়া বলিল, “তা ঢোলে আমাদে
বা বাজাতে বলবেন, তাই বাজাবো—আপনাদের অনুগ্গোরে
থাকলে, এ গোলাম সব পারে ।”

চিনিবাস মহা বিরক্ত হইয়া বলিলেন, “রে মুর্খ ! তুমি
আমার কথার পশ্চাদ্ধাবন করিতে পারিতেছ না—আবার
বলি, অভিনিবেশপূর্বক সমান্বিত-চিত্তে শ্রবণ কর,—“সুগোল
স্থলতা উপাধানবৎ, অর্থবা লৌহমুদ্রার সাহায্যে পিত্তায়মান
গোলাকার ভূমণ্ডলবৎ, ঐ যে বাদ্যযন্ত্রটী, চন্দ্ররজ্জু সাহায্যে
ঝুলিতেছে, ঐটীকে কাষ্ঠলগুড় দ্বারা ধ্বনধ্বনায়িত করিতে
হইবে, আর সেই সঙ্গে সঙ্গে এই ঘোষণাটী তোমার
জিহ্বার সাহায্যে আঘুতি করিতে হইবে ;—যথা, “কাম্য-
নগরীয় কুল-ললনাগণের নিকট নিবেদন এই যে, স্ত্রী-স্বাধীনতা
এবং ডাইভোর্স সম্বন্ধে যিনি সর্বোৎকৃষ্ট প্রবন্ধ লিখিবেন,
তিনি দুই শত রজত মুদ্রা উপঢৌকন প্রাপ্ত হইবেন । প্রবন্ধ

বিচারের ভার, শ্রীশ্রীমতী আর্ধ্য-কুল-গোবিন্দী রামমণি দেবীর কোমল কর-কমলে অর্পিত হইয়াছে।” বুচে ! একথা হৃদয়-স্বপ্ন করিতে সমর্থ হইলে কি ? বল, বল, শীঘ্র কথা উত্তর দাও—”

শ্রীদাম। আজ্ঞে, তা বৈকি ? হুজুর যা বলছেন, তা করবো বৈকি ? আমার জীউ যতক্ষণ থাকবে, ততক্ষণ হুজুরের কাজ করবো—

চিনিবাস। ঢাল ভাল, তবে ঝটিতি গিয়া এ শুভকার্য সম্পাদন করিয়া প্রত্যাগত হও—তৎক্ষণাৎ তোমার পারিশ্রমিক প্রদত্ত হইবে। দাঁড়াইয়া কেন ? শীঘ্র যাও—

শ্রীদাম। (যোড়হাতে) কোথা যাবো হুজুর ?—

চিনিবাস। (স্বগত) অহো ! কি বুদ্ধিশূন্যতা ! আমি কি প্রকৃতই তবে বুঝাইতে অক্ষম হইলাম ? তবে একবার সহচর রামকানাইকে ডাকি। (আলোচন) দারবান ! দরোজা বন্ধ করো—

আজ্ঞাক্রমে দারবান কটক বন্ধ করিল। শ্রীদাম দেখিয়া শুনিয়া ভয়বিহ্বল হইল—মারবে নাকি ?—ঢোল কেড়ে নেবে নাকি ? দোয়ার বন্ধ করে কেন ? তখন সে কাঁদ-কাঁদ হইয়া বলিল,—“হুজুর আমাকে ছেড়ে দিন, আমি এমন কাজ কখনও করবো না।”

চিনিবাস, তখন আপন আত্মা এবং দেহকে মনে মনে বহুশঃ প্রশংসা করিলেন,—“বুঁচি আমার আকৃতির

শূন্য-গম্ভীর-জ্যোতিঃ দেখিয়া ত্রাসযুক্ত হইয়া থাকিবে ; একদিন বৌদ্ধদেবের আকৃতির আলোক দেখিয়াই অনেক ইতর ব্যক্তি চৈতন্য লাভ করে ; আজ কি আমার সেই জ্যোতি হইল ? নচেৎ শ্রীদামের চক্ষে জল আসিবে কেন ?”

শ্রীদাম । হুজুর, দোয়ার খুলে দিন, আমি ঘরে যেবে একটু জল খাবো—

রামকানাই এখন কুসংস্কারাবচ্ছিন্ন পিতৃগৃহ পরিত্যাগ করিয়া, চিনিবাসের কাছে গোপনে সমাজনীতিশাস্ত্রে আত্মদীক্ষা দিতেছেন । পাছে রামকানাইকে লোকে দেখে, এই জগৎ ফটকের খিল বন্দ হইল । অবোধ মুচি এ তত্ত্ব বুঝে নাই ।

রামকানাই কার্যক্ষেত্রে উপনীত হইয়া, পরামর্শ মতে মুচিকে বলিল, “ওরে বেটা শোন—

মুচির তখন দুই চক্ষে দশধার। বহিতেছে ।

কানাই । যদি শাদবি এই এক ঘূষিতে তোর নাক ভেঙ্গে ফেলবো—

মুচি “বাপরে, মেরে ফেলেরে” বলিয়া চীৎকার করিয়া উঠিল ।

চিনিবাস ক্রোধপরবশ হইয়া বলিলেন, “জলুদি, চাবুক লেয়াও ; চাবুক লাগায়কে ছাগ ওন্কা সিধা করেঙ্গে”—

চাবুকের নাম শুনিয়া সেই জরাজীর্ণ মুচি ভয়ে কাঁপিতে লাগিল,—“দোহাই হুজুর, মা'প করুন, এমন কাজ আমার কখনো করবো না—”

কানাই । কেন বল, করবো না—

শ্রীদাম । (কাঁদিয়ে কাঁদিতে) করবো না—

কানাই । এই শোন—পাড়ায় পাড়ায় ঢেঁটরা দিতে পারবি—

শ্রীদাম । (চোখের জল মুছিয়া) আজে হেঁ, তা খুব পারি,—চিরকাল ঐ কাজ করে আসছি, তা পারবো—

কানাই । কি বলিয়া ঢেঁটরা দিতে হবে জানিস,—

শ্রীদাম । না । হুজুর না বগে কি করে জানবো—

চিনিবাস । রে অনৃতভাষী ! এইমাত্র আমি তোমাকে সে কথা বলিলাম ;—মিথ্যা কথা ফুদাপি কহিও না—অদ্য গৃহে গিয়া এজন্য পরমপিতার নিকট তোমার প্রার্থনা করা উচিত ।

কানাই । আচ্ছা, তবে এই কথা ঢেঁটরায় বলি—‘কাক’-নগরীয় কুলললনাগণের নিকট’ এটি কথা বল, এই বেলা শিগগিরি মুখস্থ করে ফেল—

শ্রীদাম । (যোড়হাতে) হুজুর আবার বলুন, ভাল বুঝিতে পারি নাই ।

কানাই । আঃ বড় জ্বালাতন করলি যে ; কেন শোন—
“কাক’নগরীয়—”

শ্রীদাম । ঐ্যা, ঐ্যা, কি বলেন—

চিনিবাস তখন একগাছা গাছ হাতে লইয়া, শ্রীদামকে যেমন করিয়া ঘুরিতে লাগিলেন ।

কানাই । বার বার এই বার শেষবার,—এবার না বন্ডে
পায়ে তোর পিঠের চামড়া থাকবে না, বন্ড, কাক'নগরীয় কুল-
ললনাগণের নিকট নিবেদন"—বন্ড—বন্ড—

শ্রীদাম । (সভয়ে মাথা চুকাইতে চুকাইতে) কুরুষ্টেনুগুয়ে
কুলুলুলুলু—আজ্ঞে, আজ্ঞে,—তারপর—মুচি—এই যে !—

চিনিবাস । বদমাইস ! নিশাচর ! পাষণ্ড ! বাদক-কুল-
কলঙ্ক ! দেখিতেছি, তোর হৃদয়পুন্নে একটা ফোঁটাও বুদ্ধি-মধু
নাই—এই পদাঘাতই তোর পক্ষে উপযুক্ত । এই বলিয়া
বীরশ্রেষ্ঠ চিনিবাস বারু ক্ষীণাঙ্গ মুচির বক্ষে সজোরে পদাঘাত
করিলেন ।

নিদারুণ পদাঘাতে শ্রীদাম পড়িয়া মূর্চ্ছিত হইল । তখন
মাণিক-খান্সামা নীচে নামিয়া, মুচির মাথায় আর এক লাথি
মারিয়া বলিল, “শুভালা, যেমন কর্ম্ম তেমনি ফল,—খবরদার !
আর এ বাড়ীতে আসিস না ।”

মহাকুরুক্ষেত্র যোগ দেখিয়া উপরিতলস্থা সেই রমণীটী নীচে
নামিলেন । তাঁর অঙ্গে আঙ্গরাধা তহুপরি ওড়না, মাথায়
পালক, পায়ে সিলীপার চটী, পরিধান পাছাপেড়ে সাটী ।
তাঁর নাম কুমারী কুঞ্জমালা । তিনি ক্ষীণ নাকিস্থরে চিনিবাসকে
জিজ্ঞাসিলেন “এ সংগ্রাম কিসের ? যে ব্যক্তি যুদ্ধে পরাভূত
হইয়া রণভূমে ভুতলশায়ী হইল, ঐ ব্যক্তিই বা কে ? আমি
উহার সেবা-সুজ্ঞা করিবার অধিকারিণী হইতে পারি না কি ?
রমণীকুলের নিয়ম, যুদ্ধে আহত ব্যক্তিশ্রমের সেবা করা—

ক্রাক্রোশের অথবা ক্রমতরকের মুখ কি আপনার স্মরণ হয় না ? আজ হোমিওপ্যাথি শিক্কাটা সকল করি ।”

চিনিবাস বলিলেন, ‘তথাস্তু’ । কুমারী কুঞ্জমালা তখন এক শিশি ঔষধ একঘটা জল, একটা কাঁচের বাটা লইয়া রোগীর শিয়রদেশে বসিলেন । ঔষধ এক কোটা ঔষধ এবং চোখে মুখে খানিক জল পড়াতে রোগীর চেতন হইল ; চারিদিকে সে চাহিয়া দেখিল, কেহই নাই, কেবল একটা টুকটুকে-মুখো ছুকুরী মেয়েমানুষ মাথার কাছে বসিয়া আছে । শ্রীদাম ভাবিল, আমাকে পেয়া পেলো নাকি ?

এমন সময় স্বয়ং মাজিষ্টর, নবীন বাবু, ঘোষাল মহাশয় এবং প্রায় কুড়ি জন লোক চিনিবাসের গৃহে প্রবেশ করিলেন । বুধ উৎসর্গ ব্যাপার ! মহাসমারোহ কাণ্ড ! প্রতিবেশী-মণ্ডলী চমকিল ।

অষ্টম পরিচ্ছেদ ।

স্বয়ং মাজিষ্টর সেদিন প্রাতে চিনিবাস-গৃহের সর্বস্থান অন্বেষণ করিলেন । উপর, নীচে, ছাদ, পাইখানা তন্ন তন্ন করিয়া দেখিলেন, তথাচ নবীন বাবুর লক্ষ্য কল্যাণীকে পাইলেন না । নবীন বাবুর মুখে আর কথা নাই, “চারিদিক্ অন্ধকার দেখিতে লাগিলেন । মাজিষ্টর একটু বিব্রত হইয়া নবীন বাবুকে বলিলেন,—“দেখুন, আপনি উকীল, আপনার লম্বাডে

বিশ্বাস করিয়াই, আমি ভুল্ললোকের ঘরে প্রবেশ করিলাম,—
কিন্তু আপনার কন্ডা ত নাই ।”

— নবীন । কাল রাত ৮টা পর্যন্ত আমার মেয়ে এখানে
ছিলো, এ কথা আমি ঠিক জানি, বোধ হয় হঠাৎ কোথায়
দরিয়ে ফেলেছে,—

মাজিষ্টর । সেই বৃদ্ধা স্ত্রীলোকটির নাতি রামধনই বা
কোথায় ?

নবীন । সকলেই কাল রাত্রে এখানে ছিল,—বোধ হয়,
কোন রকম সন্ধান পেয়ে তারা এ বাড়ী থেকে পলাইয়াছে ।

মাজিষ্টর আরও বিরক্ত হইয়া বলিলেন, “এ সব সংবাদ
তোমার পূর্বে রাখা উচিত ছিল, শুধু শুধু আমাকে কষ্ট দেওয়া
উচিত হয় নাই—আমার পরিশ্রমের মূল্য কত জান ? চিনি-
বাস বাবু নির্দোষ হইতে পারেন ।” এই কথা বলিয়া
মাজিষ্টর সদলে চলিয়া গেলেন ।

ঘোষাল মহাশয়ের খবর নবীন বাবু জানিতেন না, কিন্তু
ঘোষাল অদ্য সুযোগ পাইয়া গোলমালে চিনিবাসের ঘরে
চুকিয়া পড়িয়াছিলেন ।

মাজিষ্টর বহুলোক সমভিষ্যাহারে চিনিবাসের ঘরে প্রথম
পা দিবামাত্র রামকানাই বাপকে সর্বপক্ষান্তে দেখিয়া, অদূর-
বর্তী নিচু-তলায় গিয়া ধীরে ধীরে লুকাইল । মাজিষ্টর
কনষ্টেবলগণকে বাড়ী ভেঁরিতে আজ্ঞা দিয়া স্বয়ং দ্রুতপদে
উপরিতলার উঠিয়া গেলেন । চিনিবাস ও তাঁহার অনুসরণ

করিলেন। ক্রমে প্রায় সকলেই উপরে উঠিলেন। নিম্নে কেবল কুমারী কুঞ্জমালা, শ্রীদাম যুচি, রামকানাই এবং ঘোষালমহাশয় রহিলেন। নারীধর্মে এবং চিকিৎসাধর্মে কলঙ্ক-পতনের ভয়ে কুঞ্জমালা রোগীর সেবাতেই বিশেষ মন দিলেন। শ্রীদাম যুচি উঠিতে চায়, কুঞ্জমালা বলেন, “এখন নয়, এই অবস্থায় তোমাকে ঠিক ৪ ঘণ্টা থাকিতে হইবে।” শ্রীদাম মনে মনে বলিল, “সত্য সত্যই তবে আমাকে ডাকিনী নিয়ে যাবে না কি?” প্রকাশে কহিল,—“তুমি মা যে হও, আমি তোমার দুটি পায়ে পড়ি, আমাকে ছেড়ে দাও—”

কুঞ্জমালা। আমরা মা নই,—আমরা ভগিনী।

এ দিকে ঘোষালমহাশয়, নিচুতলাপানে উঁকি খুঁকি মারিতে লাগিলেন। তিনি কানাইয়ের মুখটি দেখিতে পান নাই! কেবল পা-দুটি দেখিয়া উহার সন্দেহ হইল। পিতার চোখে কতক্ষণ ধূলা দিয়া রাখা যায়? তখন ঘোষাল পা পা করিয়া, সেই দিকে চলিলেন। কানাই ভাবিল, বড়ই বিপদ! যেমন সে নিচু-তলা হইতে মুখ বাহির করিয়া বাপকে দেখিবে, অমন ঘোষালমহাশয়, “তবে রে পাঞ্জি, ডাকাত, বদমাইলু!”—এই কথা বলিতে বলিতে দৌড়িয়া গিয়া, একবারে বজ্রযুষ্টিতে পুত্রের হাত ধরিলেন। ক্রমে ক্রমে অধীর হইয়া, তিনি বেছুট পালাপালি দিতে লাগিলেন।

কানাই। তোমার অগ্নীল পালাপালি দিবার অধিকার নাই।

ঘোষাল, ক্রোধে আরও অধীর হইয়া কাঁপিতে কাঁপিতে বলিলেন, “লিচুগাছে তোর নাক ঘসুড়ে এখনি এক সের রক্ত বার করে ফেলুবো দ্বানিস্ !—ব্যাটা আমার, সেখো, ভাষায় কথা কহিতে শিখেছে,—অশ্লীল কি রে ব্যাটা ?”—এই কথার অবসানে, পুত্রের পৃষ্ঠে ৮২ সিক্কার ওজনে, এক চড় ; এবং পুনরায় বেছুট গালাগালি । এ দিকে কুমারী কুঞ্জমালা ঘোষালের দিকে চাহিয়া মিহি লুম-ঝঁঝিট সুরে ডাকিতে আরম্ভ করিলেন, “ভদ্র মহাশয় ! আপনি আশ্রমের শান্তি-ভঙ্গ করেন কেন ? যা বসবাস থাকে, আমাকে বলুন !”

ও কথা কেই বা শুনে ? ঘোষাল, আপন মনে সেইরূপ বেছুট বকিতে বকিতে, পুত্রের হাত ধরিয়া, হড়্ হড়্ করিয়া সেই দিকৃপানেই টানিয়া আনিতে লাগিলেন । ঘোষালের সেই “কুরুচিপূর্ণ” কথা শুনিয়া এবং কুরুচিটা সেই দিকেই, আসিতেছে দেখিয়া, কুঞ্জমালা যেন ঈষৎ চম্কাইয়া দাঁড়াইয়া উঠিলেন । মুচিটা তখনও সেইরূপ চৌদ্দপোয়া হইয়া শুইয়া আছে । চেতন লাভ করিলেও তার উঠিবার যো নাই—যেন নাগপাশে বদ্ধ । কুঞ্জমালা তাহার শিরোদেশ হইতে উঠিবামাত্র, মুচি আন্তে আন্তে পিট্ পিট্ চোখ চাহিয়া, ব্যাপারটা দেখিতে লাগিল । কুঞ্জমালা তখন ঘোষালকে উদ্দেশ করিয়া নাকিসুরে যেন ঈষৎ কঁাদ কঁাদ ভাবে বলিলেন, “হ্যাঁ গা পুরুষ ! আপনি এত কুরুচি বলিতেছেন কেন ? আমি যে ও কথা শুনে এখনি মুচ্ছা বাস !”

ঘোষাল ক্রোধে দস্ত ক্রিটিমিটি করিয়া বলিলেন,—“শুধু মুচ্ছা কেন, একেবারে ম’রে যাওনা যে, আপদ যায় ?”

কানাই । পিতঃ ! যাহা গালি দিতে হয়, তাহা আমাকে দিউন । রমণীকে কষ্ট কথা বলিবার তোমার অধিকার নাই—

ঘোষাল, পুত্রের আচ্ছা করিয়া কাণ মলিয়া দিয়া বলিলেন, “রমণী কি রে ব্যাটা ? ও তোর কে হয়—মা, না মাসী ?”

কুঞ্জমালা । (উষ্ণ দীর্ঘনিশ্বাস ফেলিয়া) অহহ ! আ-মি ভ-গি-নী--ত-বে এ-ই আ-মি মু-চ্ছি-ত হ-ই-লা-ম ।

(কুঞ্জমালার শতন ও মুচ্ছা)

শ্রীদাম মুচি প্রতক্ষণ নীরব ছিল । ঘোষালমহাশয়কে দেখিতে পাইয়া তাহার একটু সাহস হইল । কুঞ্জমালা তাহার গা ঘেসিয়া ধড়ান করিয়া পতিত হইলামাত্র, মুচি বিকট চিৎকারে “বাপু রে” বলিয়া বেগে উঠিয়া পড়িল ।

ঘোষাল । একি এ ? শ্রীদাম এখানে যে ?

শ্রীদাম (ঘোড়হাতে) “ছদ্ম ! আপনি এখানে না এলে আমি মারা গেহলুম আর কি ? ঐ যে জুমে মেয়েটী, আমার দক্ষা রক্ষা করেছিল আর কি ? উটি কি মোশাই ? উটি কি ঘেরে মানুষ, না আর কিছু ?”

শ্রীদাম তৎপরে আত্মপূর্ব্বিক সমস্ত ঘটনা বলিল ।

* ঘোষাল । তুই কোন পক্ষল, তেমনি তার কল হয়েছে ! তুই এখন থেকে একেবারে চলে যা না ? তাকে কে-সি-বলে দেখি ?

ঘোষালের উৎসাহপূর্ণ কথায় শ্রীদাম শরীরে বল পাইয়া দৌড়িল। ঘোষাল, পুত্রের হাত ধরিয়া, মহাদস্তে চলিলেন। কাহারও তখন নিবেশ করিবার শক্তি ছিল না। কেবল মুচ্ছিতা কুমারী কুঞ্জমালা শুয়ে শুয়েই কিছু আওয়াজে বলিলেন, “ভাই কানাই! তুমিও কি চলিলে? আমাব মুচ্ছা ভাঙ্গাইবে কে?”

মাজিষ্টরের খানাতলাসির পর, চিনিবাস সহসা আর দ্বিতল হইতে নীচে নামিলেন না! কাজেই কুঞ্জমালা এবার আপনা-আপনিই মুচ্ছা ভাঙ্গাইয়া ধীরে ধীরে উঠিয়া গায়ের ধুলা ঝাড়িলেন। অবশেষে তিনি অদূরে মাণিক-খানসামাকে দেখিয়া তাহাকে ডাকিলেন; মাণিকের বুকপকেটস্থ সেই গোলাপফুলটী লইয়া মাথার ধোঁপায় গুঁজিয়া হেলিয়া ছুলিয়া উপরে উঠিয়া গেলেন।

নবম পরিচ্ছেদ ।

বন্ধু-মনোমোহনকে তুলিলে চলিবে না! তিনি দু-পুরুষে উন্নতিশীল। তাহার কী-টী পর্য্যন্ত লিবারেল; খানসামাটী র‍্যাডিক্যাল; আর স্বয়ং বাস্তবিক কৰ্ত্তাও উন্মাদ। কেবল স্বত্ত্বপ্রদত্ত পাতীটা কোন্ জাতীয়—লিবারেল, কি কনসার-বেটিব, তাহা আজও ভাল ঠিক হইল না। মনোমোহনের

বড় দুঃখ বে, অশিক্ষিতা গাইটা আজও কাউলকারির মর্শ্ব
বুঝিল না ।

মনোমোহনের সংশিক্ষায়, স্ত্রীটি আজও একটুও সভ্য হইয়া
উঠেন নাই ;—ইহাই তাঁহার চরম দুঃখ । স্ত্রীর নাম গিরিবালা ।
গিরিবালা বুদ্ধিমতী, চতুরা, গৃহকার্য্যাতপরা এবং স্বামিসেবা-
নিরতা । মনোমোহন কেবল স্ত্রীর নিকটই জন্ম । স্পষ্টবাদিনী
স্ত্রীর কাছে বাবুর টু'শক করিবাদ ঘো নাই । রাত্রি ৮ টার
সময় এক গা ঘামিয়া, দিবসের কার্য্য শেষ করিয়া, মনোমোহন
ঘরে আসিলেন । গায়ের উপরি উপরি তিনটা পিরিহান ;
পায়ে ডবল ষ্টকিন ; পকেটে রুমাল ।

গিরিবালা । জ্যৈষ্ঠমাসের এ গুম্ফট গরমে গায়ে এত-
গুলো জামা কেন ? শুধু চাদর গায়ে দিয়ে বেড়াতে গেলেই
ত হয় !

এই বলিয়া স্ত্রী সর্ব্বাঙ্গে গায়ের এষ্টাকিন খুলিয়া দিলেন ।

মনোমোহন । এঁ, এঁ—এষ্টাকিনটা খুলে কেনে বটে !

গিরিবালা । এখন যে সর্দিগরমি হইয়েছিলো, জামাগুলো
খোল বন্দি— ;

মন । খুল্টি খুল্টি,—উপরের দুটা খুল্টি,—একটা জামা
গায়ের থাকুক ।

গিরি । কেন,—একটা জামা গায়ে থেকে কি হবে বল
দেখি ?—এ গরমে সহস্র গ্রাম আইসাই কচে—

মন ! আমাকে পরামি করে নাই ।

গিরি । নাঃ, গরমি কি আর কচ্ছে ? কেবল যেমে নেয়ে উঠেচ বৈত নয় ! শীত্র জামা খুলে ফেল—

বারু কি করেন, দগত্যা জামা খুলিয়া কেলিলেন । স্ত্রী তখন একটা পাখা লইয়া, বাতাস করিতে আরম্ভ করিলেন । একটু স্নহ হইলে, স্ত্রী ধীরে ধীরে, অতর্কিতভাবে স্বামীর নাক হইতে টুকু ক'রে, চসমাটি তুলিয়া লইলেন ।

মন । কি কর, কি কর,—শীত্র চসমা, দাও, আমি যে সব অঙ্ককার দেখুচি—

গিরি । (হাসিয়া) তবে তুমি আমাকেও দেখুতে পাচ্চ না—

মন । তা কি আমি বলুচি ?—তবে এখন আমার কোন সূক্ষ্ম বস্তু দেখা অসম্ভব ।

গিরি । এখানে ত আর কোন সূক্ষ্ম বস্তু নাই, বাহিরে বেড়াবে, তখা সূক্ষ্ম বস্তু দেখো, রাত্রে—চ আমার কাছে থাক !

শ্রীকৃষ্ণের স্মদর্শন চক্র, অর্জুনের গাণ্ডীব, ইন্দ্রের ব. মহাদেবের ত্রিশূল, বরুণের পাশ, যমের দণ্ড—শিক্ষিত বারু চসমা এ সব একই জিনিষ । নিজ নিজ অত্র অভাবে সকলেই নতশির । স্মতরাং মনোমোহন চসমা অভাবে দুর্বল হইয়া পড়িলেন । এষ্টাকিন গেল, জামা গেল, অসময়ের ধন চসমাটুকু ছিল, শেষে তাহাও গেল । দুঃখের অবশি নাই । গিরিঝালার এমনি মস্ত-ওঁষধ গুণ যে, এত যত্নশা পাইলেন, তথাচ মনোমোহন গিরিঝালার কোন কার্য্যে প্রতিবাদ করিতে

সংস্কৃত হইলেন না। প্রায় ১৫ মিনিট কাল নীরবে থাকিয়া
বাবু গভীর এবং সংকল্প স্বরে বলিলেন—

“প্রাণেশ্বর! প্রিয়তমে! আমার একটি প্রস্তাব আছে,—
তুমি আমার প্রস্তাব রক্ষা করিবে কি?”

গিরিবালি। ভাল করে বল না, কি কত্বে হ'বে? অমন
সংস্কৃত ভাষায় কথা কেন?

মন। প্রাণ-প্রতিমে! তবে শ্রবণ কর—

গিরি। অমন ‘প্রাণ-পিদ্বিম’ ‘প্রাণ-পিদ্বিম’ কল্পে আমি
কোন কথাই শুনবো না,—সোজা করে বল, কি হ'য়েছে,—

পায়ে ডমন। আমার ইচ্ছা যে, তুমি স্ত্রী-স্বাধীনতা এবং ডাই-

গির্গি সম্বন্ধে প্রবন্ধ লেখ। চিনিবাস বাবু এজন্য আমাকে
শুলো ধরিয়েছেন। ইহাত দুইশত টাকা পুরস্কারও আছে—

ত হর! গিরি। পোড়া কপাল জ্বর কি? আরবারে তোমার

এই শুনে স্ত্রী-শিক্ষার প্রবন্ধ লিখিলার্মি, আমার নম্বর সবচেয়ে

কর হ'লো, প্রাইজ গেলো কি না, তোমাদের সেই রামমণি!

এই বাবুগুরুদী, কালপেঁচী! এবার তিনিই আবার পরীক্ষা

করিবেন!—হায় হায়! আমি হ'য়ে মরি নেই কেন?

মন। সে কি কথা? রামমণি অতি পণ্ডিত! তিনি

আজকাল শাস্ত্রশাস্ত্র অধ্যয়ন করেন, যোগ শিখছেন। এখনে

উপযুক্ত পণ্ডিত মিলিতেছে না বলিয়া, তিনি শীঘ্রই কলিকাতা

হইয়া কানী যাবেন। সেখানে কাহার যে পণ্ডিতবার্ত্ত কল্পনা

আছে।

গিরি । তা কালী যেতে হবে বৈকি ? সেই শতীসাবিত্রী
রামমণি কালী যেয়ে বেদ শিখুন, তা'তে আপত্তি নেই, কিন্তু
আমাকে তুমি এ যাত্রা মাপ করো । রামমণি যে আমার
পরীক্ষা নেবে, এ আমি সহ্য করতে পারবো না ! হেঁগা কাল-
পেঁচীটা যে, কিছুই লেখাপড়া জানে না !

মন । দেবীকে আর তুমি কালপেঁচী বলো না, -চিনি-
বাস বারু শুনলে রাগ করবেন—

গিরি । তবেই ত আনি ভয়ে মরে গেলুম ! তোমার
যদি ভয় হয়, তা হ'লে, কালপেঁচীর কথা আমার সাক্ষাতে
আর তুলো না । তোমরা ওটাকে বায়ুণের মেয়ে বলো,
কিন্তু আমার মনে হয় ঠিক, যেন হাড়ীর মেয়ে ।

মন । ঈঃ ! ঈঃ ! করো কি ? করো কি ? (জিহ্বা
কর্ভন) ।

গিরি । (হাসিয়া) কেন বল দেখি, রামমণিকে কুচ্ছিং
বলে তোমাদের অত রাগ হয় ?

মন । (গম্ভীর ভাবে) তুমি - কি আমাকে অবিশ্বাসী
ভাবলে ?

গিরি । (ঈষৎ হাসিয়া) রাগ করে না কি ?

মন । রাগ করি নাই, দুঃখ করিতেছি । তুমি ত আর
আমার একটা কথাও শোন না ।

গিরিবালা এইবার স্বযোগ পাইয়া, গম্ভীর অথচ বিনম্র-
ভাবে বলিলেন, “আমি ত তোমার সকল কথাই শুনি, কিন্তু

তুমি আমার একটাও কথা শুন কি ? একদিনও কি আমার কথা রেখেছ ?”

মন । (যেন ঈর্ষ চমকাইয়া) প্রিয়ে ! তুমি বলো কি ? তুমি কি জান না, আমি তোমার জন্য প্রাণ পর্য্যন্ত দিতে পারি ।

গিরিবারাধর প্রান্তে একটু হাসি ফুটিল । তিনি বলিলেন,—“একেবারে প্রাণটা দিয়ে কাজ নাই, সামলাতে পাববো না ; সামান্য মুড়ি-মুড়কি পেলেই আমরা সন্তুষ্ট ।”

মন । এ সংসারে তোমার এমন কি কথা আছে, যাহা আমি শুনিব না ?

গিরি । বল তবে, আমার কথা শুনবে ?

মন । শুনবো ।

গিরি । ফের দুবার বল “শুনবো ।”

মন । শুনবো শুনবো ।

গিরি । এই তিন শত্রুর হলো । আচ্ছা, এইবার আমার মাথায় হাত দিয়ে বল “শুনবো ।”—

মনোমোহন গিরিবারাধর মাথায় হাত দিয়া বলিলেন, “শুনবো ।”

তখন মনোমোহন জিজ্ঞাসিলেন,—“তুমি স্বাধীনতা এবং ডাইভোর্স সম্বন্ধে প্রবন্ধ লিখবে ত ?”

গিরি । (হাসিয়া) লিখিব ।

মন । তোমার কি কথা, শীঘ্র বলো না—

গিরি । এখনকার বাতাসতিকে তুমি চেন কি ?

মন । চিনি বৈ কি ? তবে চেহারা দেখি নাই কখনো,—
সে'ত ডাকাত ; আজ এক মাস তার হাজত হয়েছে—সে
দিন চিনিবাস বাবুর ঘরে সে ডাকাতি করে, অনেক জিনিষ
পত্র লুট করেছিলো—

গিরি । তিনি ব্রাহ্মণপণ্ডিত, বৃদ্ধ, শাস্ত্রব্যবসায়ী । তাঁর
কি ডাকাতি করা সম্ভব হয় ? আর তোমার চিনিবাসের
বাড়ী পাঁচ সাতজন দরোয়ান,—বুড়ো বামুণ কি একলা যেয়ে
ডাকাতি ক'রে এলো ? আমি সব শুনেছি—তাঁর পুত্র রাম-
ধনকে চিনিবাস কোথায় লুকিয়েছে,—বৃদ্ধ, ছেলে খুঁজিতে
যান ; চিনিবাস তাঁকে মেরে, শেষে ডাকাত বলে ধরিয়ে
দিলে—

মনোমোহন শুনিয়া স্তম্ভিত হইলেন । তাঁহার আর মুখ
হ'তে কথা সরিল না । এতদৃষ্টে ক্যান্-ক্যান্ ভাবে গিরি-
বালার পানে চাহিয়া রহিলেন ।

গিরি । পণ্ডিত-মহাশয়ের স্ত্রী আজ সমস্ত দিন আমাদের
বাড়ীতে ছিলেন ; সারাদিন তিনি চোখের জল কেলছেন ;
আজ একমাস তিনি আহার নিদ্রা পরিত্যাগ করেছেন,—
কেবল দুধ আর গঙ্গাজল খেয়ে আছেন ! তাঁর চেহারা
দেখলে পাষণ গলে যায় ! আমি তাঁকে কত সাধলুম,—
“আমাদের বাড়ী আজ চুটী ভাত খাও !” তা, আমাদের
এমন পুণ্য কি আছে যে, তিনি আমাদের বাড়ী ভাত খাবেন ?
তিনি বলেন, “মা তুমি আমার মেরের স্ত্রী ; তোমার বাড়ীতে

ভাত খেতে দোষ কি ? কিন্তু মা আমি ভাত খেতে পারবো না : আমার বাছা আজ একমাস বুধি ভাত খেতে পায় নাই।” এই বলিয়া বৃদ্ধা কাঁদিতে লাগিলেন—

এই কথা বলিতে বলিতে গিরিবারারও চোখ দিয়া দু এক ফোঁটা জল পড়িল। মনোমোহন তখনও নীরব, গম্ভীর, চিন্তা-ময়, মুখ বিসৃষ্টপ্রায়। তিনি তখন একবার মাত্র মুখ ফুটিয়া গিরিবারাকে বলিলেন, “আজ আমার বড় ঘুম পেয়েছে ; মাথাটাও ধরেছে। আমি এখন ঘুমাব কি ? কাল তোমার সব কথা শুনবো।”

গিরি। আজই কি আর কালই কি—কোন দিনই আমার কথা তোমার শুনে কাজ নাই। তুমি আমার কথা কবে শুনেছ ?

মন। (আমতা আমতা করে) না না,—তা, বলুচি কি ? তা, বলি নাই :—তুমি বলিয়' যাও, আমি সব শুনবো—

গিরি। আজ আমার মহাপাপ হয়েছে,—সেই বৃদ্ধা ব্রাহ্মণী কেঁদে আমার পা দুটা জড়িয়ে ধরেছিলেন ; আমি ভয়ে আর বাঁচি না। আমি তাঁর পায়ে ধরে, হাতে ধরে, অনেক সান্ত্বনা করিলাম,—কিন্তু তাঁর কান্না কি থামে ? তুমি আমার পতি, আমার সাক্ষাৎ ভগবান, তোমার চরণে ষোড়হাতে এই মিনতি করছি, কাল তুমি এ মোকদ্দমায় চিনিবাসের হয়ে সাক্ষী দিতে যেও না।

মনোমোহন কোন কথা না কহিয়া, কেবল মুখটা লুকাইলেন ।

গিরি । শুনিলাম, “তুমিই ঐ মোকদ্দমার প্রধান সাক্ষী । তুমি যদি সাক্ষী না দেও, তা’হলে ব্রাহ্মণ খালাস পাবে । বিশেষ তুমি ডাকাতি হ’তে দেখেও নাই, বাচস্পতিকের চেন না ; তবে তুমি কি ক’রে বলবে, ডাকাতি সত্য ? তোমরা বল যে, আমরা মিথ্যা কথা কই না ।”

মন । স্বয়ং চিনিবাস বাঁবু আমাকে বলেছেন ; ডাকাতি সত্য । তাঁর কথা ত আর মিথ্যা হইবার নয় ।

গিরি । আচ্ছা যখন তোমাকে আদালতে জিজ্ঞাসা করবে, তুমি স্বচক্ষে বাচস্পতিমহাশয়কে ডাকাতি কন্তে দেখেছ কি না ? তখন তুমি কি উত্তর দিবে ?

মন । তা, আমি বলবো—“স্বচক্ষেই দেখেছি ।” এরূপ বলায় মিথ্যা কথা হয় না । কারণ, চিনিবাস এবং আমি এক ; চিনিবাসের চক্ষু এবং আমার চক্ষু এক ; সুতরাং ডাকাতিটা চিনিবাসের দেখাও যা, আমার দেখাও তাই ।

স্ত্রী এবার একটু ভীত হইলেন । ক্ষুব্ধ হইয়া স্বামীকে বলিলেন, “তুমি বলে কি ? তোমাদের ধর্ম্মশাস্ত্রে কি ঐ কথা লিখেছে ? সে যা হোক, তোমার কাল সাক্ষী দিতে যাওয়া হ’বে না ।”

মনোমোহন নীরব ।

গিরি । দেখ, বৃদ্ধা ব্রাহ্মণীর কান্না দেখে, তাঁর অনাহারের

কথা শুনে, আজ আমি এখনও জল পর্য্যন্ত খাই নাই । তোমার কাছ থেকে স্ব-খবর নিয়ে পাঠিয়ে দিলে, তবে ব্রাহ্মণী দুধ গঙ্গাজল খাবেন । তাঁর খাওয়া শুনলে, আমি তবে খাবো । তুমি আমাকে স্পর্শ করিয়া বল যে, যৌকন্মায় সাক্ষী দিব না,—আর চূপ করিয়া থেকে না—বুড়ী যে ওদিকে না খেয়ে ভেবে ভেবে ম'রে গেল !

মনোমোহন আবার সেইরূপ হেঁটমুখে নীবর হইয়া রহিলেন । নড়ন চাটন নাই, চক্ষের পলকও বুঝি পড়ে নাই,—যেন কাঠের পুতুলবৎ, তিনি অবস্থিত ।

গিরি । এখনও যে চূপ ক'রে রইলে ? আমি যোড়হাতে বল্‌চি তুমি বল, “আমি সাক্ষী দিব না ।”

মনোমোহন অনেকক্ষণ ভাবিয়া চিন্তিয়া, ভাঙ্গা ভাঙ্গা স্বরে বলিলেন, “আমার নামে যে শমনজারি হয়েছে, আমি না গেলে যে, আদালতকে অবমাননা করা হ'বে—”

গিরি । তুমি আমাকে প্রাণ পর্য্যন্ত দিতে পার বল্‌ছিলে ! না হয়, আমার জন্ম, আমার কথায়, আজ আদালতকে একটু অপমানই করে বা—

মন । (আমতা আমতা স্বরে) তা, বল্‌চি কি ? আদালতে হাজির না হ'লে আমাকে ওয়ারেন্ট দ্বারা গ্রেফতার করিয়া নিয়ে যাবে—

গিরি । যদি ওয়ারেন্টই হয়, তবে না হয়, তখনই হাজির হ'লে বল্‌বে,—বাচস্পতি ডাকাতি করে নাই,—

মন । সত্যের অপলাপ করা কি স্ত্রী-সঙ্গত হয় ?
তুমি কি আমাকে ন্যায়ের মস্তকে পদাঘাত করিতে বলিবে ?

গিরি । আ-হা-হা ! কি সত্য কথা কহিতেই শিখেছ ?
সে যা হোক, তোমার সাক্ষী দিতে নিশ্চয় যাওয়া হ'বে না—
তুমি আমার মাথায় হাত দিয়েছ, 'তিন শতরুর করেছ যে, তুমি
আমার কথা শুনবে ; তবে তাই এখন স্পষ্ট বল, আমার কথা
তুমি শুনবে না—

স্ত্রী হেঁটমুখে কাঁদিতে লাগিলেন । হিন্দুরমণী আর কত
সহিবে ? মনোমোহন তখন ব্যস্ত হইয়া রুমাল লইয়া, স্ত্রীর মুখ
মুছাইতে গেলেন । গিরিবালা বলিলেন, “যে জল চোখু দিয়া
চিরদিনই পড়িবে, তাহা আর একবার মুছাইয়া কি হইবে ?
যাও যাও, আমার চোখের জলে শরীর ভিজিয়া যাউক ।”

এমন সময় ঐ আসিয়া সংবাদ দিল, “মা ! আবার সেই
বুড়ি-বামণী এসেছে ।” রাত্রি তখন দশটা । গিরিবালা শীঘ্র
কাঁহাকে আনিতে গেলেন । ওদিকে একটা চিনি-চিনি পরিচিত-
গলা, মনোমোহনকে ডাকিতে—লাগিল,—“বন্ধু, বন্ধু, ও বন্ধু !
একবার শুনহে বন্ধু !”

গিরিবালা মধ্যপথ হইতে দৌড়িয়া আসিয়া স্বামীকে
বলিলেন, “খবরদার ; তুমি সাড়া দিও না,—সেই পোড়ারমুখো
চিনিবাস এসেছে—খবরদার বলুচি, তুমি উঠ না,—”

শক্তিরূপিণী স্ত্রীর তেজোময়ী কথায় স্বামী নীরব, নিশ্চল,
অকান্ধ, অনড়, জড় পদার্থবৎ হইলেন । তখন আবার স্ত্রী

নক্ষত্রবেগে সেই ব্রাহ্মণীকে আনিতে চলিলেন—তাঁহার নিকটে গিয়া দেখিলেন, ব্রাহ্মণী ভূপতিতা । তিনি মূচ্ছিতা, কি মৃত্যু, কিছুই বুঝিতে পারিলেন না । গিরিবালা গভীর আর্তনাদ করিয়া উঠিলেন ।

দশম পরিচ্ছেদ ।

গিরিবালা সেই বৃদ্ধা, জীর্ণ, অনশনা ব্রাহ্মণীর নিকট গিয়া দেখিলেন, ব্রাহ্মণী পতিতা, স্থির-কলেবরা । তাঁহার বাম রগ দিয়া অবিরাম রক্তধারা বহিতেছে । মুখে কথা নাই, শরীর ঠাণ্ডা । গিরিবালা তাঁহার শিরোদেশে বসিয়া মুখে চোখে জল দিতে লাগিলেন । কিন্তু ক্রমশ আরও চাপ চাপ রক্ত পড়িতে লাগিল । গিরিবালা এদিক ওদিক চাহিয়া অনূরে একটা রক্তমাখা টিল দেখিতে পাইলেন । টিাটী কুড়াইয়া আনিয়া দেখিলেন,—ইটের নয়, পাথরের । ভাবিলেন, বৃদ্ধাকে কেহ টিল মারিয়াছে না কি ? আবার তিনি বৃদ্ধার গায়ে হাত দিলেন,—গা বরষবৎ হিম ;—চক্ষের পলক নাই । তখন তিনি আর্তনাদ করিয়া উঠিলেন । স্বামী মনোমোহন নিকটে আসিলেন । গিরিবালা বলিলেন, “সর্বনাশ হইয়াছে, তুমি শিশুগীর ডাক্তার ডাক ।”

তখন মনোমোহন আবার সেইরূপ বেশ-ভূষা করিয়া, যেন অত্যন্ত প্রকুরচিস্তে ডাক্তার ডাকিতে বাহির হইলেন ।

হাইবার সময় গিরিবালা, স্বামীর সম্মুখে গিয়া, হাত ধরিয়া, আবার বলিলেন, “শিগ্গীর কিরো ।”

স্বামী গৃহের দ্বার পার হইবামাত্র, বাটীর বাহিরে অনুবে একটা হাসির বিকট রব উঠিল । গিরিবালা সে শব্দ কণ্ঠ খাড়া করিয়া শুনিলেন,—চিনিবাসের গলার আওয়াজ পাঠিলেন । ঝিক্‌ তিনি বলিলেন,—“ঝি ! দেখ ত, এ রাত্রে কারা অমন কচে ?” ঝি, দেখিয়া শুনিয়া ফিরিয়া আসিয়া বলিল,—“বাইরে কেউ নেই, একখানি গাড়ী গড়্‌গড়িয়ে চলে গেলো ।”

তখন গিরিবালার মনে ঘোরতর সন্দেহ জন্মিল । তাঁহার চোখ দিয়া জল পড়িতে লাগিল ; তিনি ভাবিলেন, “চিনিবাসই কি বৃদ্ধার রগে পাথর মারিয়াছে ? স্বামীকে কি চিনিবাস গাড়ীতে তুলিয়া লইয়া পলাইল ?”

ব্রাহ্মণীর যে, প্রাণবায়ু বাহির হইয়াছে, গিরিবালা তখনও বুঝেন নাই । তিনি মধ্যে মধ্যে দুধ আর গঞ্জাজল, অল্প অল্প বৃদ্ধার মুখে ঢালিতেছেন ; কিন্তু তাহা উদরস্থ না হইয়া চোয়াল বহিয়া বাহিরে পড়িতেছে । ডাক্তার লইয়া স্বামীর আসিতে ষত বিলম্ব হইতে লাগিল, স্ত্রীর প্রাণ ততই আকুল হইয়া উঠিতে লাগিল । ক্রমে এক ঘণ্টা অতীত হইল,—তথ্যচ মনোমোহন ফিরিল না । জেলখানার পেটা খড়ীতে একটা বাজিল । জ্যোৎস্না ক্রাইল, চাঁদ ডুবিল । পৃথিবী অন্ধকার হইল । গিরিবালা উঠানে মৃতদেহ-পার্শ্বে একাকিনী দাঁদিয়া রহিলেন । রাত্রি দুইটা ; তথ্যচ স্বামীর দেখা

নাই । স্ত্রীর মনোমধ্যে তখন এই দুর্ভাবনা উদয় হইল,—
 এ অন্ধকার রাত্রে পথে স্বামীর কোন বিপদ ঘটে নাই ত ?”
 তখন তিনি চাকরকে সেই রাত্রে স্বামীর অনুসন্ধানে পাঠাই-
 লেন । টং টং টং শব্দে তিনটা বাজিয়া গেল, চাকরও
 ফিরিল না । নিরাশায়, ভয়ে গিরিবালা রুক ভাঙ্গিয়া গেল ।

একাদশ পরিচ্ছেদ ।

সেই কাল-রাত্রে তৃতীয় প্রহরে কৃষ্ণনগরবাসী নিদ্রিত ।
 কেবল দুইটা ঘরে, বিশেষ কার্ধ্যানুরোধে, আজ জাগরণের
 পালা । গিরিবালা একাকিনী, মৃতদেহের কাছে বসিয়া
 ভাবিতেছেন, কাঁদিতেছেন, টাঁকি মারিয়া দেখিতেছেন,—
 স্বামীর পথপানে চাহিয়া আছেন । ওটিকে চিনিবাসের গৃহে
 আজ আনন্দময়ের আনন্দ-মহোৎসব চলিতেছে । দ্বিতলের
 হলে খোল বাজাইয়া সঙ্কীৰ্ত্তন হইতেছে । আজ স্বয়ং রামমণি
 যোগদান করিয়াছেন । বিমলা, কমলা, কুঞ্জমালা—সকলেই
 উপস্থিত । রামকানাইও পিতৃগৃহ হইতে তৃতীয়বার পলাইয়া
 আসিয়া আজ হাজির । ঐ যে স্বানন্দন, মনোমোহন, সকল-
 কেই দেখিতেছেন ! ক্রমে সকলে নাচিয়া নাচিয়া কীৰ্ত্তন
 আরম্ভ করিলেন । মধ্যস্থলে রামমণি এবং চিনিবাস পরস্পর
 হাত ধরাধরি করিয়া গানে উন্মত্ত । সঙ্গীতরসে বিহ্বল হইয়া

কুমারী কুঞ্জমালা রামকানায়ের হাত ধরিলেন ; রামধন, বিনো-
দিনীকে লইলেন ; বামাসুন্দরী মনোমোহনের নিকট আসি-
লেন । তেজে খোল বাজিতে লাগিল । নৃত্যের লক্ষ্য, বক্ষ্য,
কম্প, সেই সঙ্গে বৃত্তি পাইল । সঙ্গীতসুধায় হৃদয়দেহ উৎকুল
হইয়া উঠিল ;—

তোমার তরে তুষিত প্রাণ !

কর হে প্রেমবারি দান

দয়াধন তুমি, তুষিত চাতক আমি,

করি বারি দান, বাঁচাও প্রাণ,

ওহে প্রাণের প্রাণ ॥

(বারি পিয়াও দেখি মন-চাতকে)

তুমি হে প্রেমশশী,

আমি চকোর ২বা-পিয়াসী,

মিটাইয়ে পাঁধ, ওহে প্রেমচাঁদ,

কারিব সুধাপান ॥

(সুধা পিয়াও দেখি মন-চকোরে)

তুমি হে প্রেমসিদ্ধু, দাও প্রেম একবিন্দু,

কারিব পান, ছুড়াব প্রাণ,

গলিবে মন-পাষণ !

(তোমার একবিন্দু প্রেমে)

মীতি ভক্তি-রস-রঙ্গে, ভাস প্রেম-তরঙ্গে,

তোমার নাম, খুলিয়ে প্রাণ,
আজি করিব গান ॥

(ছুঃখ দূরে যাবে—নাম গানে)

শেষে ভাবে গদগদ হইয়া হঠাৎ কুঞ্জমালা মুচ্ছিত হইলেন । চিনিবাস বলিলেন, “ভাতা কানাই ! তুমি কুমারীকে সঙ্গে করিয়া লইয়া গিয়া, পার্শ্ববর্তী গৃহে মুচ্ছা অপনোদনের চেষ্টা কর ।”

কানাই । তথাস্তু ।

তৎক্ষণাৎ কুমারী কুঞ্জমালাকে গৃহান্তরে প্রবিষ্ট করান হইল । এই সঙ্গে সঙ্গীতও থামিল । চিনিবাস, বন্ধু-মনো-মোহনকে সম্বোধন করিয়া বলিলেন,—“বন্ধু ! এই কানাই বালকটী রত্ন-বিশেষ ! ইনি অতীব পবিত্রচেতা, সংসারতত্ত্ব-অভিজ্ঞ, কৰ্ম্মঠ, সাহসী এবং প্রতিজ্ঞাপ্রিয় । দেখ বন্ধু, সেই অসভ্য পিতা, কহিনুরজাতীয় হারকথগুণে পুত্র রামকানাইকে কতবার নিদারুণ শক্তিশেল-রূপ অস্ত্র দ্বারা প্রহার করিয়াছেন,—এ স্থান হইতে রামকানাই কতবার পিতা কর্তৃক ধৃত হইয়াছে, কিন্তু জাই-কানাই কিছুতেই দৃষ্ণপাত করেন নাই । ধর্ম্মের মহিমা উজ্জ্বলরূপে কীর্তন করিবার জন্য তিনি মম গৃহে তৃতীয়বার পদার্পণ করিয়াছেন । ধর্ম্মের কি অপূর্ব দেবতাব । কি পরীক্ষণী ক্রমতা ! কি অনির্বচনীয় গোহব !”

নম । ইহা অতি সুন্দরী কথা । কোকিলকুমিত কোমল-কমনীয়-কলকলারিত-ক)-কবিতাকল্প—(একটু ইতস্তত ভাব)

চিনিবাস । বেশ, বেশ—বলিয়া যাও,—অতি উত্তম কাঁয়দা !

মন । কালের করাল কোদণ্ড কটকটায়িত কুটীর-কুটিমে কুলকামিনীর কেশকলাপ (ভাই চিনিবাস ! আর যে পাবি না ।)

চিনিবাস । আচ্ছা, আচ্ছা, তোমার দোষ নাই, উহা বাঙ্গালীর ভাষার দোষ । সেই জন্য শ্রীশ্রীমতী রামমণি দেবী আজকাল সংস্কৃতে কেবল কথা কহেন—

রামমণি নিকটবর্তিনী হইয়া, ঈষৎ হাসিয়া সংস্কৃতে বলিলেন,—

ষোধোবাণি পরিত্যজ্য অধোহ্রাণি নিষেবতে ।

ধোবাণি তস্মা নয্যন্তি অধোবৎ নষ্টমেবহিং ॥

মন । (খাড়া দুলাইয়া) ঠিক, ঠিক ! আহা ! সংস্কৃতের কিবা মধুময় ভাব—দেহ জুড়াইল !—

রামমণি । “একশচ্চন্দ্রঃ তমহন্তিঃ নচ তারা গণৈরপিৎ” “ঈশ্বরাসিদ্ধেং” “যোগে চিত্তবিক্তিরোরোধেং” জননীং জন্মভূমীং চ স্বধাদপীং গরীয়সীং,” “কন্নিজশিৎ বনেং ভাস্করকং নামং সিংহং প্রতিবসন্তিন্মং,” “মন্দং কবিশং পমিষ্যাৎ”—(উ উ উ)—কলে যথাং ।”

মন । আহা ! অন্য কি স্বয়ং সরস্বতীর বীণাধ্বনি শুনিতেছি ?

চিনিবাস । দেবী শীঘ্রই শ্রীকালী নামে গমন করিয়া বেদ

অধ্যয়ন করিবেন,—এ দেশে বেদ পড়া ভাল হয় না । কল্যাণ সাক্ষী দেওয়ার পর, আমি, তুমি, দেবী এবং অন্যান্য সহচর ও সহচরীগণ সকলেই কলিকাতা যাত্রা করিব, করিবে এবং করিবেন । তথা হইতে কাশী গমন ।

মন । সাক্ষীটা পরশ্ব দিলে কি চলিবে না ? ১২ পৃষ্ঠা
কাগজ আমি এত অল্প সময়ে মুখস্থ করিতে পারিব কি ?

চিনিবাস । রামকানাই ত দিব্য মুখস্থ করিয়াছে ? তুমি অক্ষম হইবে কেন ?

মন । সময় কৈ ? প্রভাত হইয়া আসিল । দশটার সময় আদালতক্ষেত্রে উপনীত হইতে হইবে—ইহার মধ্যে একবার বাড়ী যাইতে হইবে ! বৃদ্ধা ব্রাহ্মণীর কি দশা ঘটিল, তাহা একবার দেখা উচিত নয় কি ? ভাই ! তোমার হস্তের টিল ব্যর্থ যাইবে কি ?

চিনিবাস । ভাই ! তুমি বড়ই ভ্রমপথের পথিক । আমি টিল মারি নাই । নিরাকার ঈশ্বরই 'টিলটা' মারিয়াছেন,—সকলি ঈশ্বরের আদেশ । তিনিই আমার হাত হইতে টিলটা লইয়া বৃদ্ধাকে আঘাত করিয়াছেন,—আমি উপলক্ষ মাত্র ।

রামমণি । সত্যং সত্যং—তুমি হৃষিকোষং যথা নিযোন্মিৎ তথা কুরামিৎ—

চিনিবাস । সাক্ষীং ! সাক্ষীং !!

মন । বটেং বটেং—

সর্জা ক্রমে সংস্কৃতময় হইয়া উঠিল । চিনিবাস তখন বন্ধু

মনোমোহনের হাতে ধরিয়া বলিলেন, “ভাই ! আমি তোমাকে প্রাণ অপেক্ষা প্রিয়তম ভাবি । তুমি আমার কথা রক্ষা কর । অদ্য মনোমোহনের একটু লক্ষণ দেখাও । ধর্মের জন্য গোরাস একদিনে সম্রাসী হইয়া স্ত্রীকে ত্যাগ করেন । আর আজ তুমি ধর্মের জন্য গৃহে গমন না করিয়া থাকিতে পারিবে না কি ? স্ত্রী পুত্র মাতা পিতা লইয়া যাহারা সংসারজালে জড়িত তাহাদের দ্বারা সমাজের উন্নতি হয় না । তুমি ! মোহমায়া পরিত্যাগ কর । কল্য দশটার সময় আদালতে গিয়া রাচম্পতি ধনঞ্জয়ের বিরুদ্ধে সাক্ষ্য দাও—সামাজিক কুসংস্কার দূরীভূত হউক ।

মন । ভাই ! তোমার আজ্ঞা কখন লঙ্ঘন করি না—
তবে কি না, ঘরে স্ত্রী—

চিনিবাস । স্ত্রী কি ? যে স্ত্রী, পতির স্বার্থসিদ্ধিতে ব্যাঘাত দেয়, সে স্ত্রী নামের উপযুক্তই নয়—তুমি এখনই তাহাকে ডাইভোর্স করিতে পার—

মন । না, না,—তা, নহে । আমি কল্যই সাক্ষ্য দিব ।
ঐ ১২ পৃষ্ঠা হাতের লেখা মুখস্থ করিতে অদ্য বড়ই কষ্ট হইবে ।

চিনিবাস । ভগিনী বিনোদিনী মুখস্থ-বিষয়ে অদ্য রাত্রে আপনার সহায় হইতে পারেন—

মন । পণ্ডিতা বিনোদিনী এবং নিরাকার ঈশ্বর—এই দুই ব্যক্তি সহায় হইলেই কার্য্যসিদ্ধি হইবে ।

তখন বিনোদিনী দাঁড়াইয়া উঠিয়া বলিলেন, “শেষরাত্রে

আগিয়া শিক্ষা দিতে হইলে, প্রথমত, আমার সেই, লালবর্ণ জলীয় ঔষধ সেবন আবশ্যক—”

চিনিবাস। তাতে আপত্তি নাই—মাত্রা বেশী না হইলেই হইল,—ইহাতে শুদ্ধি-সাধিনী সভার নিয়ম ভঙ্গ করা হয় না।

তখন লাল মহোষধে কলেবর প্রকুল্লিত করিয়া মনো-মোহনকে সঙ্গে লইয়া বিনোদিনী পাঠগৃহে চলিলেন। রামমণি দেবীও চিনিবাসের হাত ধরিয়া সংস্কৃতে কথা কহিতে কহিতে কঁকাসুরে গমন করিলেন।

দ্বাদশ পরিচ্ছেদ।

কলিকালে ইংরেজরাজত্বে ধর্ম্মের সূক্ষ্মা গতি। সূত্রাৎ দায়রার বিচারে ধনজয় ২৮শততির তিন বৎসর মেয়াদ হইল। মনোমোহন, রামকানাই, কুঞ্জমালা, চারিজন দ্বারবান এবং স্বয়ং চিনিবাস—ইহারা সকলেই একবারেই বলিলেন, “হাঁ আমরা ধনজয়কে ডাকাতি করিতে দেখিয়াছি।” পুত্র ননী-গোপাল ও পিতা ধনজয়ের বিরুদ্ধে সাক্ষ্য দিল। সে বলিল, “পিতা মৈ লাগাইয়া প্রাচীরে উঠেন; তথা হইতে তরবালের ঝাপ খুলিয়া লক্ষ দিয়া ভূতলে পড়িলেন এবং কাঁট কাঁট শব্দে তে-রে-রে-রে করিয়া ধাবিত হইলেন। আমি তখন ভয়ে ঘরে ধিন-ধিলাম।” ধনজয় এতক্ষণ নীরব ছিলেন; কেবল আশ্রয় মনে ইষ্টমন্ত্র জপিতেছিলেন। পুত্রকে সাক্ষীর কাটরাঘ

দেখিয়া তাঁহার চমক ভাঙ্গিল । গেঁষে পুত্রের জবানবন্দী শুনিয়া তিনি উচ্চরবে জজকে বলিলেন,—“আমি ডাকাতই বটে,—তবে এই এক অনুরোধ, কারাবাস দণ্ড না দিয়া একে-বারে ফাঁসি দিন । তার আমার সাফাইয়ের সাক্ষী দিবার আবশ্যক নাই—”

আসামীর উচ্চরবে কথা শুনিয়া, কনেষ্টবল এবং চাপরাশি-বৃন্দ চুপ চুপ চুপ করিয়া উঠিল । ধনঞ্জয় বাচস্পতি আরও তীব্রস্বরে বলিয়া উঠিলেন, “আমি ডাকাত, আমি ডাকাত—আমায় ফাঁসি দাও—”

জজ সাহেব, গবর্ণমেন্ট উকীলকে জিজ্ঞাসিলেন, “গতিক কি ব্যাপার কি ?”

উকীল । বোধ হয়, আসামী পাগলের ভাণ করিতেছে ।

জজ । পাগলকে পাগলাগারদে পাঠান উচিত ।

ধনঞ্জয় । আমি পাগল নহি তাম ডাকাত ।

শেষে সূক্ষ্ম বিচারে ঠিক হইল, আসামী পাগল নয়, কেবল সে নিজদোষ একরার করিতেছে । জুরীগণ একবাক্যে বলিলেন, “আসামী দোষী । জজ রায় দিলেন, “আসামী বৃদ্ধ এবং অক্ষম ; এবং ইহা তাহার প্রথম অপরাধ বলিয়া বোধ হইতেছে ; সুতরাং তাহার তিন বৎসর সপরিগ্রহ কারাবাস-দণ্ড-আজ্ঞা হইল ।

সেই দিন রাত্রে চিনিবাসের গৃহ আনন্দ-নিকেতন হইল ।

গৃহদ্বারে লাল কাপড়ে লেখা হইল,—“সত্যমেব জয়তে ।”

ছাদে ধ্বজা উড়িল, “ধর্মের জয়।” কীর্তন আরম্ভ
হইল ;—

গেল রে দুঃখ-রজনী সমুদিত^১ দিনমণি

সত্যধর্ম হইল প্রকাশ ।

পাপনিদ্রা পরিহরি^২ এস সব নরনাথী

ছিন্ন কবি এস মোহ-পাশ ।

(হায় হায়) সত্যধর্ম হইল প্রকাশ ॥

কলিকাতায় সেই লবঙ্গলতা পত্রিকায প্রবন্ধ বাহিব
হইল,—“ধর্মের কি অনির্বচনীয় প্রভাব। ধর্মের জন্ম’
পরশুরাম মাতাকে বধ করেন, ধর্মের জন্ম মহাবীর কর্ণ নিজ
অঙ্গ কাটিয়া অক্ষয় কবচ প্রদান করেন, দুর্ঘোষনেব
রাজসভায় দ্রৌপদী বিবস্ত্রা হইলেও, ধর্মের জন্ম পঞ্চ-
পাণ্ডব নীরব রহেন, ধর্মের জন্ম রাজা দশরথ রামচন্দ্রকে
বনে পাঠান,—আর অর্জু সত্য ধর্মের জন্ম ননীগোপাল পিতার
বিরুদ্ধে সাক্ষ্য দিয়া পিতার তিন বৎসর কারাবাস দণ্ডাজ্ঞা
ঘটাইয়াছেন। অহো ! ধর্মের কিবা আশ্চর্য বিকাশ। কিবা
গোলাপিপ্রস্ফুটন ! এ অধঃপতিত ভারতে পুনরায় কি সত্যের
বিজয় ভেরী বাজিয়া উঠিবে ? আর কি সেই—

নির্মল সলিল বহিখে সদা,

তটশালিনী সুন্দর যমুনেও ?

“ননীগোপাল বঙ্গের একটা উজ্জ্বল রত্নস্বরূপ হইয়া উঠিয়া-
ছে। কুসংস্কার অন্ধকার ভেদ করিয়া তিনি আজকাল কেবল

মধ্যাহ্ন-তপনের স্নায় দপ্ দপ্ দপিতেছেন । তিনি যেমন স্নায়-পরায়ণ, তেমনি কৃতকর্মা । তাঁহারই গুণে কৃষ্ণনগরের ডাকাত-দল কতকটা স্নানমুখ হইয়াছে । উপস্থিত ডাকাত-ধরা কাণ্ডে স্বেযোগ্য পুলিশ সাহেবকে প্রশংসা না করিয়া থাকিতে পারিলাম না ।”

শ্রীমণীনাথ মিত্র ।

ধনঞ্জয় বাচস্পতির জেলখানায় একমাস মধ্যে মৃত্যু ঘটিল । কারাগারে স্বেচ্ছাচার দেখিয়া তিনি তথাকার অন্ন গ্রহণ করিলেন না । অনেক রকম সাধ্যসাধনা এবং বলপ্রয়োগ করা হইল,—তথাচ তিনি ভাত পাইলেন না । তিনি দিনের দিন, দুধ আর গঙ্গাজল পান করিলেন । শেষ উদরাময় হওয়ায় তিনি জেল-হাঁস-পাতালে আনীত হইলেন । তথাকার স্ত্রচিকিৎসায়, একমাস মধ্যেই তাঁহার প্রাণবায়ু বাহির হইয়া গেল ।

পিতার মৃত্যুর পর, উপমত পুত্র ননীগোপাল একটা আনন্দভোজ দিলেন । কলিকাতার উইলসন হোটেল হইতে ৫০০ টাকার আহারীয় দ্রব্য কৃষ্ণনগর গেল । বাচস্পতি ইহ-দ্রব্যে যা কিছু অর্থ সঞ্চয় করিয়াছিলেন, বোধ হয়, তাহার সমস্তই পুত্রবর্ধক পিতৃশ্রদ্ধে ব্যয়িত হইয়াছিল ।

কৃষ্ণনগর-বিজয় সমাপ্ত হইল । চিনিবাস, রামধন, রামকানাই, ননীগোপাল, মনোমোহন, বিধুভূষণ, রামমণি, কল্যাণী, কুঞ্জমালা, বিনোদিনী, বামাসুন্দরী, বিগলা—সকলেই দ্বিগিজয়-মানসে কলিকাতা যাত্রা করিলেন । ঢানীপুরে বাসা ভাড়া

লওয়া হইল । শেয়ালদহ ষ্টেশনে অবতরণমাত্র কলিকাতার জনসাধারণ, অর্থাৎ ৭টা পুরুষ এবং ৫টা স্ত্রী—তাঁহাদিগকে মহাসমাদরে অত্যাশা করিয়া, ব্যাণ্ড বাজাইতে বাজাইতে ধ্বজা-গতাকা উড়াইয়া বাসায় লইয়া গেলেন । লবঙ্গলতা-পত্রে গ্রেট অক্ষরে বিজ্ঞাপন প্রকাশিত হইল, “১৫ই ভাদ্র শনিবার মহামহোপাধ্যায় পরম পণ্ডিত, তত্ত্বদর্শী, বিবেকী ঈশ্বরের প্রতিকৃতিস্বরূপ শ্রীযুক্ত চিনিবাস বন্দ্যোপাধ্যায় মহাশয় কলিকাতার টাউন হ'লে ‘সমাজসংস্করণ’ সম্বন্ধে বক্তৃতা করিবেন । জনসাধারণের আগমন প্রার্থনীয় ।”

ত্রয়োদশ পরিচ্ছেদ ।

ভাদ্রপদ মাসে বড় তুরন্ত বাদল ।
নদ নদী একাধার আটদিকে জল ॥
কহিতে ছুঃখের কথা চক্ষে বহে জল ।
বড় বড় গৃহস্থের টুটিল সম্বল ॥

আজ ছয় দিন অতিবৃষ্টি আরম্ভ হইয়াছে । পুকুর, ডোবা, পথ, মাট, মাঠ, উঠান সমস্ত জলে একসা হইয়া তক্ তক্ করিতেছে । আকাশ মেঘে আচ্ছন্ন । পৃথিবী ঈষৎ অন্ধকারময় । ধীর, গভীর স্বনে বায়ু বহিতেছে । আমগাছের ডাল ভগ্ন ; মাটির প্রাচীর পতিত ; খড়ের পুরান পচা ঢাল কিঁড়িয়া, জল পড়িয়া, ঘরের ঘেরে বাপু লম্বু করিতেছে, স্থানে স্থানে কাশাও

হইয়াছে । গ্রামে দুইখানি বই মুদ্রির দোকান ছিল না । প্রলয়
জলের প্রভাবে দোকানদ্বয় আজ দুই দিন বন্ধ আছে । যার বড়
দরকার, সে মুদি-গিল্লির সুপারিস করিয়া দ্বিগুণ দরে চাল,
ডাল, নুন, তেল কিনিয়া লইয়া যাইতেছে । গ্রামের মধ্যে
যাঁরা একটু সম্ভ্রান্তিময়, তাঁহারা দু চারিজন একত্র হইয়া,
কেবল পাশা তাস শতরঞ্চ এবং তামাকে মনোনিবেশ করিয়া-
ছেন । গরম গরম চালকলাই ভাজা, রতি পরিমাণে লঙ্কা
সংযোগে, কখন বা আদার বুকুনি দিয়া বড়ই মিঠা লাগিতেছে ।
যাঁহার সংস্থান আছে, তিনি মুসুরির ডাল, মিহি চাল এবং
গাওয়া ঘৃত—এই তিন মহাব্যাকে জল এবং অগ্নি দ্বারা
রাসায়নিক ভাবে স্রমিক্রম করিয়া, নিজ রসনার পরিতৃপ্তি সাধন
করিতেছেন । যাঁহার নাই, তিনি ঘনঘটাপূর্ণ আকাশ পানে
চাহিয়া, বৃষ্টির জলের সহিত চোখের জল মিশাইয়া কেবল
ধরাতল অভিষিক্ত করিতেছেন ।

ঐ যে সমুখে একখানি কুঁড়ে ঘর—ছিটেবেড়ার দেওয়াল,
কেশের ছাউনি, তালপাতার আগড়, আর খুঁটি—ঐ ঘরটী
কার ? ঘরের ভিতরে কাদা বলিলে অত্যাক্তি হয় না ;—
বৃষ্টির জল উপর দিয়া পড়ে, পাশ দিয়া ও আসে, আর সম্ভবত
নিম্নতল হইতেও জল উঠিতেছে । ঘরে আসবাব, সাজ-
সরঞ্জাম কিছুই নাই ; কয়েকটা পুরাণ কাটা হাঁড়ি এক
কোণে আছে, ঘরের উত্তরাংশে বাঁশের সাতার ঠিকর
একখানি শতখা ছিল, বলিন, কাশড় শুকাইতেছে তাহার

অদরে গামছাবৎ একটু ঝাঁকড়ায় কি যেন একটা জিনিষ বাঁধা
রহিয়াছে । সেই সাঁড়ার নীচে, ছিটেবেড়ার দেওয়ালের
পাশেই একটা উনান জলে গলিয়া যেন দ্রব হইবার উপক্রম
হইতেছে ।

সেই ঘরের একমাত্র অধিকারিণী—একটা স্ত্রীলোক ।
কেবল স্ত্রীলোক হইলে কি হইবে ?—তার যে নানা দোষ ।
রমণীর একটাও দাঁত নাই, স্ততরাং গাল দুটা স্বগোল সবস
নহে, জলহীন তিস্তীর উদরের মত বস। এবং বিগুঞ্চ । মেয়ে-
মানুষটির গলার আওয়াজ স্তম্ভুর নহে—কণ্ঠধ্বনিটা বসন্ত-
বাহার রাগিণীর ঠিক বিপরীত,—কি এক রকম যে, কদকদ
করে কথা কয়, তার কিছুই বুঝা যায় না । চুলগুলো ত শোণের
নুড়ী, তাও খাট খাট, সমুখভাগটাত একেবারেই নেড়া ;—
অন্তত যদি সেই নবনীলনীলদতুল্য আলুলায়িত কেশকলাপ
তাহার পৃষ্ঠদেশে বিলম্বিত থাকিত, অথবা যদি কুণ্ডলীকৃত
কুঁতল ঘোঁপায় পরিণত হইয়া, স্বর্ণ-গোলাপের সাহায্যে ঝক্-
ঝক্ ঝকিত, তাহা হইলেও বা একদিন ঐ স্ত্রীলোকটির নারী-
সমাজে পরিচয় দিতে পারিতাম । আরে ছি !—আবার
ও-কি ?—অস উসসবৎ যে ! কাঁচলী কমন কৈ ? বাবুধাক
পাছাপেড়ে মিহি কাপড়ই বা কৈ ? কমনকারিত চারিগাছা
মল ও যে পায়ে নাই ! আর মিটমিটে চোখদুটাত কোটরগত ।
যেই বিমোললোচনী বিলাসিনীর মত সবিলাস কুটিলকটাক,
স্নায়ুহীন-স্নায়ুহীন, স্নায়ুহীন সেই স্তম্ভুরমধুর দিমোলাই বা

কৈ ? সর্বনাশ ! সর্বনাশ ! মাগী বুড়ী !—রাম, রাম !—
শিবো, শিবো !

সেই বৃদ্ধা স্ত্রীলোকটি, কুটীর মধ্যে একখানি কাঠের উপর
বসিয়া তুলা পিঁজিতেছেন। তুলাগুলি যে কোথায় রাখেন,
এমন স্থান একটুও নাই—ঘরের মেজে ত কাদা। পেঁজা
তুলা কতক আঁচলে রাখিয়াছেন, কতক একটা ভাঙ্গা হাঁড়িতে
আছে। আঁচলে বড় বড় ছিদ্র ; কতক তুলা সেই ছিদ্র
দিয়া গলিয়া পড়িয়া গেল। বৃদ্ধা সেই গুলি আবার খুঁটে খুঁটে
তুলিতে লাগিলেন ; হঠাৎ একটু জোরে বায়ু বহাঘ কিছু
তুলা আঁচল হইতে উড়িয়া গেল। বৃদ্ধা বড় বিব্রত হইলেন,
উঠিয়া দাঁড়াইলেন ; দৌড়িয়া তুলা ধরিতে গেলেন ; কিন্তু
উড়ন্ত তুলা কি সহজে ধরা যায় ? বৃদ্ধার পা পিছলিয়া গেল ;
ছিটেবেড়ার দেওয়ালে মাথা ঠুকিয়া বৃদ্ধা গৃহমধ্যে পতিত
হইলেন। আঁচলের তুলা খরময় ছড়াইয়া গেল। পবনদেৱ
সুবিধা বুঝিয়া এইবার অনেক তুলা বড়গাছের উপর তুলি-
লেন ; কতক গৃহস্থের চালে রাখিলেন। কিছু তুলা না কোন
কামিনীর খোঁপায় পরাইয়া দিলেন।

ঢাকাই-মলমলবৎ মিহি ছাচে-গড়া নবীনা কামিনীমূর্তির
মুচ্ছিত হইবার জন্য, আজকাল বুঝি ফুলের আঘাতও দরকার
হয় না ; কিন্তু সেকেন্দ্রে পাকা বুড়া-হাড়ে সব সয়। বৃদ্ধা
ভুবুঁঠিতা, তথ্যচ মুচ্ছিতা হইলেন না। কেবল তিনি—না,
ভাঙ্গা ভাঙ্গা কম্পিতস্বরে বলিলেন, “বাবা চিনিবাস, তোরা

মা আর বেশী দিন বাঁচবে না—তোমার একবার মুখটা দেখে মব্বে” —এই কথা বলিতে বলিতে মায়ের চক্ষে জল আসিল ।

একটা প্রতিবেশিনী বালিকা দৌড়িয়া আসিয়া,—“অ-বুড়ী, বুড়ী—তোমার যে ভুলো সব উড়ে গেল । এই নে, এত গুলো ভুলো” —আমাদের ঘরে যেয়ে পড়েছিলো ।”

এই কথা বলিয়া বালিকা কতকগুলো পেঁজা ভূলা চিনিবাস-জননীর হাতে দিল । বালিকার বয়স তের ; দুই বৎসর বিবাহ হইয়াছে ; তাহার স্বামী কলিকাতায় একটু মোটা মাহিনার চাকুরী করেন । বুড়ীর কুঁড়ের দশ হাত দূরে বালিকার পিছুগ্রহ ।

মাতাকৌশল্যা অতি করুণস্বরে বলিলেন, “না, না,—আমার ভুলায় আর কাজ নাই, তোমরা জন্ম-এয়িত্তি হ’য়ে বেঁচে থাক, হাতের ন ক্ষয় যাক ; আমার মরণ হইলেই এখন ভাল ! তবে বাছাকে একবার দেখে মরবো এই বড় সাধ ! বাছার মুখটা আজ এক বছর দেখি নাই ।” কৌশল্যার চোখ দিয়া টম্ টম্ জল পড়িতে লাগিল ।

বালিকা । “দেখ পাগলী বুড়ী, তুই যদি কাঁদবি তা হ’লে জোকে এখনি মারবো” এই বলিয়া বালিকা নিজ অঞ্চল দিয়া কৌশল্যার মুখ, চোখ মুছাইয়া দিল ।

বালিকা পুনরায় জিজ্ঞাসিলেন,—“একি বুড়ি—তোমার গায়ে এত কাদা কেন ? মরণের ঐক ভূলা হড়ান কেন ? আজ কি তুই ভীতিবিস্তে ভূলা যেচিলে বাই ? বুড়ী, তুই আজ

কি খেয়েছিল বল ?—যুথ তোর শুকনো, উনন ভাঙ্গা কেন ?—
আজ বুঝি এখনও কিছু খান্ন নাই !”—

কৌশল্যা নীরব, কোন কথার উত্তর দিলেন না,—কেবল
ভাঁহার গণ্ডহল দিয়া বাসুধারা বাহিতে লাগিল ।

বালিকা উত্তর না পাইয়া বুঝিল, বৃদ্ধার প্রকৃতই আহার
হয় নাই । বলিল, “দেখ, বুড়ী ! আজ তোকে আমাদের
বাড়ী কাঁধে ক’রে নিয়ে বেয়ে এখনি ভাত খাওয়াবো ।”—

কৌশল্যা স্নেহে বালিকার গায়ে হাত’ বুলাইয়া বজি-
লেন,—“দিদিমণি ! তুমি ত জান, আমি কার ভাত খাই না ।”

বালিকা । আমি আজ খোর কথা শুন্বো না—ভাত
আজ খাওয়াইব—তুই মরে গেলে সন্ধ্যাবেলা আমাদের
শোলক বলবে কে ?—

কৌশল্যা । দিদিমণিটে পাগল ! তোমাদের ঘরে একটু
গুড় থাকে ত নিয়ে এস—তেষ্টা পেয়েছে, একটু জল খাবো—

সেই ত্রয়োদশবর্ষিয়া বালিকা বৃদ্ধার পরিতৃপ্তির নিমিত্ত
আপন গৃহাভিমুখে ধাবিত হইল ।

চিনিবাস-জননীৰ দুঃখের সীমা নাই । আজ তিন দিন
ভাঁহার অন্নাহার হয় নাই ; স্ত্রীলোকের বড় কঠিন প্রাণ, তাই
তিনি আজও বাঁচিয়া আছেন । কাল তিনি চাল ভিজাইয়া-
ছিলেন,—কিন্তু তিন চারি বার যুখে দিয়া, আর খান নাই ।
গত পরশ্ব, শাক ও ভাত একত্র রন্ধনের চেষ্টা করেন, কিন্তু
উনান কিছুতেই ভাল ধরিল না । আশ্চর্য হওয়ার পর,

একটা বেশী দমকে বুড়ি আসিল—এবং ছেঁড়া চাল দিয়া জল পড়িয়া, একেবারে উনান নিবিয়া গেল। বুকা অকুটন্ত ভাত একপ্রাণ বুধে দিলেন, আর ভাতে হাত দিলেন না।

অদ্য তৃতীয় দিনে কিছুই সংস্থান নাই,—একটু ক্রাকড়াতে কেবল এক পোয়া আন্দাজ ধেনুরির ডাল বাঁধা ছিল। আজ তাই তিনি ভোরে উঠিয়া চরকায় সূতা কাটাতেছিলেন। তুলা ফুরাইয়া গেল, অথচ প্রক পয়সার বৈ সূতা হইল না। স্নতরাং আবার তুলা শিঁজিতে আরম্ভ করেন। বুকার ইচ্ছা ছিল,—তিন পয়সার আন্দাজ সূতা কাটিয়া, পাড়ার তাঁতিদিগে বেচিয়া, বুদীর দোকান হইতে চাল খুন কিনিবেন। কিন্তু দুর্দান্ত পবন, তাঁহার এ সাধেও বাধ সাধিল।

পিতার মৃত্যুর পর, চিনিবাস যে পৈতৃক সম্পত্তির উত্তরাধিকারী হইয়াছিলেন, তাহার আজ কিছুই নাই। অসার সংসারে বিবর বিভবকে অধিকতর অসার বোধে তিনি তালুক, লাখরাজ-জমী, বাড়িঘর, পুকুর, বাগান- যা কিছু ছিল, সমস্তই বিক্রয় করিয়া কেলেন। গ্রামে একঘর তাঁতি বড়মানুষ আছে, যরতীটা জাহান্নাই খরিদ করে। চিনিবাসের মা কৌশল্যাাকে তাঁতিরা ঘর হইতে বাহির কররা ঘের। বুকা-আন্ধার-কন্ডার কারা দেখিয়া, আন্ধারীকে তাঁতিরা ঐ ছিটেবেড়ার গোয়াল-ঘরটা প্রদান করে। কৌশল্যা ঐ কুঠারেরই চুঃখে স্থখ করিয়া,—কেবল চিনিবাসের “মরল-কামনার” বান করিতে-ছিলেন। নিজের পা কিছু “খুলা চুড়া” ছিল, তাহাও ভাঙ্গা-

ইয়া চুরাইয়া দিন কাটাইতেছিলেন। হঠাৎ একদিন বিধু-
ভূষণ বাঁড়ুঘো গ্রামে আসিয়া কোশল্যাকে বলিলেন,—“চিনি-
বাস বড় বিপদে পড়িয়াছেন ; অন্তত নগদ হাজার টাকা না
দিলে উদ্ধার নাই ; ধনঞ্জয় বাচস্পতি তাঁহার বাটীতে ডাকাতি
করায় তিনি সর্বস্বান্ত হইয়াছেন ; ডাকাতির মোক্ষদমা
উত্তমরূপ প্রমাণ না হ'লে, চিনিবাসকে জেলে যেতে হবে,—
এখন হাজার টাকা না দিলে চিনিবাস বাঁচে না,—এই তাঁর
পত্র দেখ ।”

এ কথা শুনিয়া কোশল্যা কঁত কাঁদিলেন, কাঁটিলেন ;
বলিলেন, “হাজার টাকা আনি কোথা পাব ?”

বিধু বাবু বলিলেন “তবে চিনিবাস জেলে যাক ।”

পুত্রের অন্তত সংবাদ পাইলে মায়ের মনের বেগ কি কখন
থামে ? হাজার যা কিঞ্চিৎ সংস্থান ছিল, সমস্তই বিধুর হাতে
দিলেন—মোট হইল ১২৩৯/০ টাকা মাত্র । এক ছড়া দু-নর
সোণার মালা সাড়ে ছয় ভরির ছিল,—তাহাই ১০০/০ টাকায়
বিক্রীত হইল । নগদ, ১৪/০ টাকা বৈ ছিল না ; একখানি
তক্তাপোষ, একটী, ঘড়া, দুখানি খাল এবং একটী সেকেন্দ্রে
বাক্স বেচিয়া ২৯/০ হইল,—সুতরাং একুনে ১২৩৯/০ লইয়া
বিধু বাবু চিনিবাসের নিকট যাত্রা করেন ।

হাজার টাকার পরিবর্তে ১২৩৯/০ টাকা পাইয়া চিনিবাস
একেবারে তেলে-বেগুনে জ্বলিয়া উঠিলেন । ক্রোধ-ক্লান্ত-
স্বরে তিনি বিধু বাবুকে বলিলেন, “তোমাং মত স্তংসার্য্যভিহ্ন

ব্যক্তি ত আমি ইহজীবনে কখন দেখি নাই ? তুমি ঐ অকিঞ্চিৎকর অর্থ গ্রহণ করিলে কেন ? ঐ টাকা সেই বৃদ্ধা ক্রীড়লোকের গায়ে ছড়াইয়া দিয়া, “আমি তোমাকেই ইহা দান করিলাম” বলিয়া আসিলে না কেন ? তাহা হইলেও, আমার সম্মান, গৌরব কতকটা বজায় থাকিত । সেই মায়াবিনী, বৃদ্ধা পাকা-ডাইনীর হস্তে যদি কিছুই না থাকে, তাহা হইলে আজও হাতে অন্তত আট হাজার টাকা আছে ! সেই পাণ্ডা-য়স্যুর একটা ক্ৰিয়াপুত্র আছে ; মরণ কালে বৃদ্ধা তাহাকেই ঐ টাকাটা দিয়া যাইবে—ইহা আমি কোন্ প্রাণে সহ্য করিব ? বুড়ীর নামে প্রবন্ধনার অভিযোগ স্থানিয়া কোজদারীতে নালিস করিলে হয় না কি ?”

ক্রমে চিনিবাস বারু সৎসাহসুর্ভি ধারণ করিলেন । প্রলয়-কালীন রুদ্রসুর্ভিবৎ তাঁহার অঙ্গ দিয়া মহাগ্নি বহির্গত হইতে লাগিল ; তখন চিনিবাস-মহাদেবের,—

উর্ধ্বে ছুটে চেরাসিভিঘটা জর জর ।

উছলিয়া যায়-জল করে বর বর ॥

গর গর গর্জে নাক অহি লক্ক লক্ক ।

কোটা সূর্য সঙ্গে জগ্নি করে বক্ক বক্ক ॥

হন্ হন্ কালে কঠে কাল ধলাহল ।

আঁঠে সট্টে সট্টে সট্টে হাসে খল খল ॥

মহাক্রোধে চিনিবাস কলম ধরিয়া ।

কাগজ/কৈ, কাগজ কৈ করিছে হাঁকিয়া ।

দোয়াত দে, দোয়াত দে, দেখিব কেমন ।

ডাইনী লুকায়ে রাখে জনকের ধন ॥

প্রলয়-কালের সেই ভীষণমুষ্টি দেখিয়া চিনিবাসের নিকট আর কেহই স্থির হইয়া টুড়াইতে পারিলেন না । রামকানাই, রামধন, ননীগোপাল ভয়ে চক্কু মুদিলেন । তখন বিশ্ব-ঈশ্বরাণ্ড লোপ হয়-হয় দেখিয়া, সেই শক্তিকপিশী, পবিত্র প্রণয়ের মহা-খনি, মহাদেবী রামমণি ধনী ধীরে ধীরে কাছে আসিয়া, চিনিবাসের মাথায় হাত দিয়া সংস্কৃতে বলিলেন—‘শান্তং শান্তং, শান্তং—ক্রোধং সংহরং প্রভোঃ ।’ অমনি পৃথিবী ঠাণ্ডা হইল । সমস্তই জলবৎ তরল হইয়া গেল । তখন ঈশ্বর উপাসনার পর, রামমণির সুপরামর্শে মহাত্মা চিনিবাস কৌশল্যা-ডাইনীকে এইরূপ পত্র লিখিয়া ডাকে পাঠাইলেন ;—“অয়ি ! মায়াবিনি ! ছুটচরিত্রে ! কুলকলঙ্ক-কারিণি ! কুলশ্রান্তবিনা-শিনি ! তোর মুখ দেখিলেও পাপ হয় ! তোকে জননী সম্বোধন করিতেও আমার ঘৃণা বোধ হয় । আমি এক হাজার টাকা মাত্র দাবী করিয়াছিলাম,—কিন্তু কি স্বল্প সে টাকার আট ভাগের এক ভাগও দিলি না ? অদ্যই ইহার সমুচিত প্রতিকূল দিভাষ, কিন্তু কোম গরীবসী মহিলার অমুরোধে তাহা ঘটিল না । তোর বড়ই অদৃষ্ট জোর । অদ্য হইতে আমার প্রতিজ্ঞা তোর মুখও দেখিব না, আর তুই যে গ্রামে থাকিবি, সে গ্রামেও পদার্পণ করিব না ।—”

তোমারই একান্ত অনুগত—

চিনিবাস ।

এই পত্র বখানসময়ে গ্রামে আসিয়া পৌঁছিল। হুজার যদি কখন কালে ভদ্রে চিঠি আসিত, তাহা হইলে, সেই বালিকা পত্র পড়াইয়া শুনাইত। বালিকা চিনিবাসকে চিনিত; স্মৃতরাং ঐ পত্রের কথা গোপন রাখিয়া বালিকা বলিল, “ও বুড়ী! তোর ছেলে আছে ভাল; শীঘ্র বাড়ী আসবে লিখেচে; এইবার তাকে কলিকাতায় নিয়ে যেরে, প্রত্যহ গঙ্গান্নান করাবে বলেছে।”

কৌশল্যা। হায়! আমার অদৃষ্টে কি সে সুখ আছে? আমার চিনিবাস বেঁচে থাকু; তাকে রেখে মরিতে পারিলেই আমার সুখ।

বালিকা। হর বুড়ী! তবে তুই কি বোঁ নিয়ে ঘর কব্বি না? ছেলের বিয়ে দিয়ে, বোঁ এনে ঘর করে, নাতির মুখ দেখে আমাদিগে শোলক বলুতে বলুতে তবে তুই মরবি—

কৌশল্যা। দিদিমণি! তেমন অদেষ্ট আমি করে আসিনি। হুজার চোখে জল আসিল।

এইরূপে চোখের ফলে আশাচ গেল, শ্রাবণ গেল, ভাদ্র আসিল; চিনিবাস তখাচ বাটী আগমন করিলেন না। কৌশল্যা কেবল বালিকাকে জিজ্ঞাসেন,—“চিনিবাস আমার কবে ঘরে আসবে, দিদি?” বালিকা উত্তর দেয়, “হর বুড়ী, তুই ভাবচিস কেন? তোর ছেলে এলো বলে?”

এরিনে চিনিবাসের স্নাতক পুত্রকে ১২৩০/০ টাকা পাঠানর পর, একরকম, সর্ব্বাশ্রয় হইয়াছিলেন। ভাত খাবার একটা

ধোরা ছিল, ক্রমে সেটীও তিনি বাঁধা দিলেন । শেষ সম্বল রহিল—একটা পিতলের ঘটী । এত দুঃখেও, বৃদ্ধা কাহারও প্রদত্ত অন্ন খান নাই ।

বালিকার মায়ের নাম অগত্যারিণী । তিনি কতদিন বৃদ্ধাকে আহ্বারের জন্য কত সাধ্যসাধনা করিয়াছিলেন, তথাচ তিনি একদিনও তাঁহার গৃহে খাইতে স্বীকৃত হন নাই । তবে বালিকা মধ্যে মধ্যে মায়ের নিকট হইতে সাময়িক কল মূল লইয়া আসিলে, বৃদ্ধা তাহা গ্রহণ করিতেন । আর্বণ মাসে বড় কষ্ট হইল । দিন আর যায় না । • বৃদ্ধা সেই পিতলের ঘটীটা বাঁধা দিলেন । তুলা কিনিলেন । শুলা কাটিয়া গ্রামের তাঁতিবাড়ী বেচিয়া প্রত্যহ যে, দু তিনটা পয়সা পাইতেন, তাহাতেই কোন রকমে তাঁহার দিনপাত হইত । কিন্তু ভাদ্র মাসের সপ্তাহ-কালব্যাপী অতিবৃষ্টিতে চিনিবাস-জননী ত্রিভুবন আধার দেখিলেন । এই ত ব্যাপার ! পূর্ব ঘটনা ঐরূপ ।

দেখিতে দেখিতে বালিকা এবং অগত্যারিণী, বৃদ্ধার জন্য জলখাবার বহিয়া লইয়া উপস্থিত হইলেন । অগত্যারিণীর দক্ষিণ হস্তে বৃহৎ থালা, তদুপরি গুড়, সন্দেশ, মুগের ডাল ভিজান, দোকলা-গাছের দুইটি পাকা আম, সাজান রহিয়াছে । বালিকার হাতে এক ঘটি জল ! কুটার মধ্যে থালা যে কোথার নামাইয়া রাখেন, অগত্যারিণী তাহার স্থান খুঁজিয়া পাইলেন না । কৌশল্যা, তাঁহাকে দেখিয়া “এস মা এস” বলিয়া সন্মোধন করিয়া বলিলেন, “মা আমার জন্য এত খাৎ ‘ক’ এনেচ কেন ?”

বালিকা । বুড়ী, তোকে আজ সব খেতে হবে ; একটু যদি কেলিস, তা'হলে পিঠে এই গুন্ কর, কীল মারবো—

অগন্তারিনী । এমন ত কিছু বেশী জিনিস নেই—আন্তে আন্তে বসে বসে খাও, খেতে পারবে এখন !

বুড়া, উহারই মধ্যে একটু পরিষ্কার স্থানে খালা খানি রাখিয়া দিলেন ।

বালিকা । বুড়ী, বাবা কলকাতা থেকে ভাল আম পাঠিয়ে দিয়েছেন, খেয়ে দেখ দেখিন, কেমন মিষ্টি—

অগন্ত । আগে আম খেয়ে, তান পর সন্দেশ খেও—

কৌশল্যা । না, মা,—আম কি আমি মুখে দিতে পারি মা ! আমার চিনিবাস ঘরে নেই ;—বাছা আমার এ বছর ভাল আম খেতে পেরেছে কি না জানিনা । চিনিবাস যদি ঘরে থাকতো, তাকে এই সব আম খাইয়ে, তবে আমি তার একটু চেয়ে খেতাম । আম হুই নিয়ে বেয়ে ঘরে রেখে দে মা ! বাছা আমার শীতগির ঘরে আসবে—তখন আম দু'গৈ চেয়ে আনবো—

অগন্ত । তুমি মা, ছেলে ছেলে করেই পাগল হলে । ছেলে এ দিকে, ফুলেও একখানি চিঠি লেখে না, বুড়ী মলো কি ব্রাইলো, একবার চেয়েও দেখে না ।

কৌশল্যা একটু ক্যান্ ক্যান্ নেড়ে চাখিয়া অগন্ত-ভাতিস্বীকে জিজ্ঞাসিলেন, “তবে কি, মা, চিনিবাস আমার ঘরে আসবে না ?

বালিকা । বুড়ী, তুই খা খা ; তোর ছেলে এই মাসেই ঘরে আসবে—

বৃদ্ধা তখন দীর্ঘনিশ্বাস কেলিয়া, অন্তরে চিনিবাসকে ডাকিয়া, ছল ছল চোখে খাইতে বসিলেন । গুড় আর যুগের ডাল ভিজান খাইলেন, অণ্ড কিছু গ্রহণ করিলেন না,—বালিকা সন্দেশটী খাইবার জন্য অনেক জেদ করিল ; বৃদ্ধা উত্তর দিলেন, “সন্দেশ কি আমরা খেতে পারি ? চিনিবাস ঘরে আসুক, তাকে সন্দেশ দিব, তোকে আঁচল ভরে সন্দেশ দিব—তা’হলেই আমাদের খাওয়া হলো ।”

বালিকা । “বুড়ীকে যমে ধরবে কবে গা ?

কৌশল্যা । মরণ কি আমাদের অদৃষ্টে আছে,—তা হ’লে অনেক দিন আগে মর্ত্যম । তুমি আর একখানি চিনিবাসকে চিঠি লিখে দাও না ?—যাহাকে না দেখে আমার প্রাণের ভিতর কেমন হু হু করে—

ক্রমে বৃদ্ধা, সমগ্র পৃথিবী যে, চিনিবাসময় দেখিতে লাগিলেন । একটু বেগে বাতাস বহিল, বৃদ্ধা ভাবিলেন বুঝি আমার চিনিবাস আসিতেছে । তালপাতার আগড় খড়্ খড়্ করিতে লাগিল, বৃদ্ধা হির করিলেন, চিনিবাস বুঝি দাঁড়াইয়া আগড়ে খাড়া মারিতেছে । আকাশ হইতে বৃষ্টির জল টপ্ টপ্ পড়িল ; বৃদ্ধার ধারণা, বৃষ্টিসঙ্গে আকাশপথ হইতে চিনিবাস নীচে নামিল । কাক, কা কা ডাকে ; বৃদ্ধা ভাবেন, সে বুঝি চিনিবাসের সংবাদ আনিয়াছে । বৃদ্ধার বুলি হইল, “চিনিবাস, চিনিবাস, বিনিবাস ।”

চতুর্দশ পরিচ্ছেদ ।

এদিকে কলিকাতার কুরুক্ষেত্র কাণ্ড । পথে পথে বিবিধ
মণ্ডের ময়ূরপুচ্ছবৎ প্লাকার্ড । তাহাতে বড় বড় অক্ষরে লেখা
আছে,।

টাউনহলে

মহাসভা,—বিরাটে বক্তৃতা ।

নিকাম ধর্ম্ম

শ্রীচিনিবাস বন্দ্যোপাধ্যায় ।

শনিবার সন্ধ্যার পর অতি

স্বললিত স্বরে স্তমধুর

বক্তৃতা করিবেন ।

অদ্ভুত দৃষ্ট ! অদ্ভুত দৃষ্ট ! অদ্ভুত দৃষ্ট ! !

এ সুবিধা কখন ছাড়িবেন না ।

আস্থন, আস্থন, আস্থন ।

শিক্ষিতা মহিলাগণের সঙ্গীত ।

এ সুবিধা কখন ছাড়িবেন না ।

আস্থন, আস্থন আস্থন ।

বিষয় ।

“সমাজ-সংস্কার” ।

লবঙ্গলতা পত্রিকায় ঐ ভাবেই একটা “বিশেষ দ্রষ্টব্য” প্রকাশিত হইল। তবেই ইহাতে বেশীর ভাগ এই লেখাছিল,—
 “চারিটার মধ্যেই নরনারী সমাগমে টাউন হল পূর্ণ হইয়া যাইবে ; যাঁহারা বিকলমনোরথ না হইতে চান, তাঁহারা যেন চারিটার পূর্বেই আসিয়া স্থান অধিকার করিয়া লয়ন।”
 কতকগুলি বালক ইতিরি করা সাদা ধপ্পে পিরাণ গায়ে দিয়া, পায়ে ইষ্টাকিন আঁটিয়া, একটা লাল কিতে বুকে বাঁধিয়া,—
 —পথে পথে মোড়ে মোড়ে, গলিতে গলিতে, আফিসে আফিসে, স্কুলে স্কুলে, গির্জায় গির্জায়, নৌকায় নৌকায়, রেলের রেলের—
 লাল কাগজ বটন করিতে লাগিল। তাহাতেও ঐ কথা লেখা।

তখন কেশবচন্দ্র সেন জীবিত ছিলেন। চিনিবাসের দলস্থ কয়েকটা বিজ্ঞ লোক তাঁহার নিকট গিয়া ধরিয়া বলিলেন,—
 ‘অদ্যকার মহাসভায় আপনাকে উপস্থিত থাকিতেই হইবে। আপনি অনুগ্রহ করিয়া গমন না করিলে, সমস্তই বৃথা’
 কেশব বাবু গভীর স্বরে বলিলেন, “সামাজিক কার্যের সহিত আমার সম্পূর্ণ সহানুভূতি আছে, কিন্তু আমার শরীর অস্থূল ; সুতরাং যাইতে অক্ষম।”

বিজ্ঞলোকগণ তখন বিদ্যাসাগর মহাশয়কে ধরিলেন। তিনি বলিলেন “বাপু! এ বয়সে আর আমাকে টানাটানি কর কেন? আমি ওসব কাজ অনেক দিন ছাড়িয়া দিয়াছি। আমাকে মাগ কর—দেশে অনেক বড় বড় লোক আছেন, তাঁহাদিগকে লইয়া যাও।”

ক্রমশঃ তাঁহার। শ্রীযুক্ত রামতনু লাহিড়ীর ঘাড়ে গিয়া পড়িলেন। সেই স্থায়ী সংপ্রকৃতি রামতনু বারু তাঁহাদের প্রস্তাব শুনিয়া বিব্রত হইলেন। বাস্তবিক, ডাক্তারগণ কোন বিষয়ে 'কিকিম্বা' পরিজ্ঞম করিতে তাঁহাকে তখন নিষেধ করিয়াছেন। তিনি অতি কুণ্ঠিত হইয়া বলিলেন, “আমার ত কোথাও যাবার ঘো নাই ; ডাক্তার পরিজ্ঞম করিতে নিষেধ করিয়াছেন।” সেই দলস্থ প্রধান বিজ্ঞ ব্যক্তি উত্তর করিলেন, “আপনার কোনও কষ্ট হইবে না। পাকী করে ধীরে ধীরে আপনাকে নিয়ে যাব ; বেশ একটী নিরিলি আয়গায় বসিয়ে রাখবো—একটুও পরিজ্ঞম হবে না।”

রামতনু বারু। আপনাদের কথায় আমার যাবার বড় ইচ্ছা হচ্ছে। আমি গেলে যদি আপনাদের অভিলাষ পূর্ণ হয়, তাহা হইলে আমি অবশ্যই যাইতে রাজী আছি। কিন্তু একথা আমি একবার ডাক্তার বারুকে পরীক্ষা করিব, তিনি যদি বলেন, তবে নিশ্চয়ই যাব।”

এখানে অর্ধ-আশ্রয় পাইয়া, তাঁহার। কৃষ্ণদাস পালের নিকট গেলেন। তাঁহার নিকট নিম্নলিখিত প্রস্তাব হইল ;—‘রাজনীতিতে আপনার সহিত মতভেদ থাকিলেও এ উনবিংশ শতাব্দীতে সমাজনীতি ব্যাপারে আমরা সকলেই এক প্লাটফর্মের দাঁড়াইয়া আছি। শ্রীযুক্ত চিনিবাস বন্দ্যোপাধ্যায় মহাশয়ের দ্বারা উদ্ভাবিত পদ্ধতি আপনার যোগদান করা একান্ত কর্তব্য।’ কৃষ্ণদাস পাল মহাশয় বলিলেন,—“আপনাদের

সভার বিষয় আমি কিছুই অবগত নহি, কি কি বিষয়ে আন্দোলন হইবে, তাহাও জানি না—সুতরাং এমত স্থলে আমার যোগদান করা অসম্ভব । বিশেষতঃ, শনিবার দিন ঠিক ঐ সময়েই ব্রিটিশ ইণ্ডিয়ান-সভার কার্য্য হইবে । অতএব তখন আমার অন্যত্র যাওয়া ঘটিবে না । আচ্ছা, তবে আপনারা সামাজিক আন্দোলন উপস্থিত করুন,—আমি সম্যকরূপে যুক্তিতে পারিলে অবশ্যই যোগ দিব । “সংকার্য্যে কে না সহানুভূতি দেখাইবে ?”

তখন চিনিবাসের দল, নিরাশা-নীরে নিমগ্ন হইয়া চিনিবাস-সমীপে উপনীত হইয়া বলিলেন,—“প্রভো ! নির্দিষ্ট ব্যক্তিগণের মধ্যে কেহই সভায় যাইতে স্বীকৃত হইলেন না, আমরা চেষ্টার ভ্রুটি করি নাই ।”

তখন চিনিবাস চক্ষু রক্তবর্ণ করিয়া অমিত্রাক্ষরে উদ্ভবিলেন,—

অতি বৃদ্ধ, অতি বিজ্ঞ, সেকেলে প্রবীণ,
 বালাভোলা বাহাত্মুরে, বিগত-যৌবন,—
 বসা-চোখ,—কেবা চায়, হেন নরে আজ ?
 কুলে কালী কৃষ্ণদাস, সামাজিক কথা,
 কি বুঝিবে ? সভাস্থলে ভ্যা ভ্যা গঙ্গারাম !
 বিদ্যার সাধন বটে দেন্ট, নামে ;—কামে
 কিন্তু চটী ছুঁতা দার, হিহি শিরে টুকি !
 পাকা চুলে ধরকাটা প্রেমচাঁদ হ'ব ।

খানের চাদর বার সন্ধ্যা সতত ।
 কেশব কেবল কথা, কালে রাখী নহু ;
 বহুদিন আশালতা শুকায়েছে ওর ।
 লাহিড়ীর তরে সভা নহে লালায়িত,—
 শোণ-কুলবনময় চুল বার শিরে ।
 আশাফের মেঘ মত গভীর গর্জনে,
 উচ্চকণ্ঠে ডাকি আমি বলি শতবার,—
 কাহারে না ডরি আমি ; ডমরুর রবে
 ভীত নয় কাল ধনী,—দীপ্ত দিনমণী
 এবে ; সভ্যতা-আলোকে, আলোকিত মহী !
 বেঁচে থাক ছাত্রবৃন্দ চিরজীবী হয়ে ।
 সভার গৌরব তারা ; ব্রহ্মাণ্ড উজ্জ্বল ;
 বক্ষা-কর্মলিনী-ভূজ ; বনস্ত-কোকিল ;
 বৈশাখের পাকা আশু ; নিদাঘের জল ;
 বহুজা-অবৃত-পানে অব্যয়, অক্ষয় ;
 —বেঁচে থাক ছাত্রবৃন্দ চিরজীবী হয়ে ।
 নবীন নধর কিবা বালক গঠন ।
 কচি কচি মুখে কিবা হাসি হাসি কথা !
 বহুভার তালে তালে কিবা হাত তালি !
 হরপুরে যেন শুনি শাহদোস্ত-ধ্বনি ।
 বেঁচে থাক ছাত্রবৃন্দ চিরজীবী হয়ে ।
 আশাফের মেঘ মত গভীর গর্জনে,—

কার শক্তি রোধে মোর গতি ? বেগবতী
 স্রোতস্বতী ভীমগিরি ভাঙ্গি পাড়ি যবে
 ভবে বেগে যায় ; পারে কি রে ভৃগুশু
 —বুচ্ছ অতি যাহা—নিবাসিতে সে বিক্রম ?
 সিংহাসনে বাদ কভু করে কি শশকে ।
 জোনাকি চায় কি কভু চাঁদে চাকিতে ?
 তরবারি সহ কবে যুঝেছে পঁয়াকাটি ?
 বেঁচে থাক ছাত্রবৃন্দ চিরজীবী হয়ে ।
 জীবন-ভরসা তোরা—কাদালের ধন ।

সেনাপতির উৎসাহ-বাক্যে উৎসাহিত হইয়া সকলে কোমর
 বাধিলেন । পঞ্চকন্যা যথাবিধি অস্ত্রশস্ত্রে ভূষিতা হইয়া ঝলঝল
 বৎ ঝল ঝল করিতে লাগিলেন । ভীর, তারা, উল্কা, বায়ুব
 মত চিনিবাস বেগে, সদলে, টাউনহলে আসিয়া পৌঁছিয়াই,
 আগমন-বার্তা বোধগার জনম্বয় ভেঁপু বাজাইয়া দিলেন ।
 দূরস্থিত বালকবৃন্দের কর্ণে তাহা যেন স্রধাবৎ লাগিল ।
 বালকের মন-পাখী উধাও হইয়া উড়িল । শ্রীকৃষ্ণের মোহন
 বংশীবদনে যেন গোপিনীকুলের মন মজিল । কোন বালক
 কুলের ছুটির পর, এক ক্রোশ পথ হাঁটিয়া আসিয়া, অলযোগ
 করিতে বসিয়া সবেমার ঘেঁঠোয়ের গুটীকত দানা ভাঙ্গি-
 য়াছে,—অমনি সেই সুখামর সুললিত স্বর তাঁহার কাণে
 পড়িল । আর সেই ঝাঞ্জা হইল না,—তিনি অমনি ছুটিলেন ।
 আর একটি বালক সেই সরেই দুমাইতেছিল । প্রথম বালকের

দৌড়াদৌড়িতে তাহার ঘুম ভাঙ্গিল । সে বাইয়া তাহার হাত ধরিয়া বলিল, “ভাই ! এত বিরত হইয়া তুমি কোথা বাইতেছ ? আমায় শীঘ্র বল । এত ব্যাকুল কেন ? প্রথম বালক গদগদ-স্বরে বলিল,—

ভাই ! তে'পু-রব কিবা শুনিলাম !

কাণের ভিতর দিয়া, মরমে পশিল গো,

আকুল করিল মোর প্রাণ !

না জানি কতেক মধু,

তে'পু-রবে আছে গো,

পর্যাপ্ত ছাড়িতে নাই পারে ।

কোন বালক, গ্রহ-শিককের নিকট পাঠ লইতেছিল ; তে'পু-রব শুনিবামাত্র, সে পেটকামড়ানির ভাণ করিয়া, বাহিরে গেল ;—আর কিরিল না ! কোন বালক উঠা পিরিহাণ গায়ে দিয়াই বেগে ধাইল । দুই পাঠী জুতা পায়ে দিতে বিলম্ব হইবে বলিয়া কেহ বা একপাঠী জুতা অর্ধ-মাত্রায় পায়ে দিয়াই ছুটিল । কোন বালকের গায়ে পিরিহাণ নাই, কাঁধে চামর নাই, এক ছুটেই চলিয়াছে । কোন বালকের পিতা, ছেলেটিকে ধরিয়া রাখিয়াছে ; বালক শিতার বাহুরে বেঁধিত হইয়া, শিকারাবদ্ধ, ব্যাধিশিশুর ক্রয় কেবল ছটকট করিতেছে, আর যাবে বলিতেছে,—“আমাকে ছেড়ে না দিলে, পিতা-মাতা—আমি—আমিও ধাইব ।” চারি পাঠ বৎসরের কবিরাজ, বালক উলস হইয়া, কয়েকটা মনোহর

বালকের পিছু পিছু ছুটিয়াছে। তন্মধ্যে একটি বৃদ্ধ-বালক উলঙ্গের উদ্দেশ্যে বলিল, “ওরে ছেলেগুলো, তোরা ঘরে কিরে যা—আমাদের সঙ্গে কোথা বাবি?” তাহারা কঁাদ-কঁাদ সুরে বলিল, “না, না, না,—আমরা যাবো।” এইরূপে নানা রঙের, নানা ঢঙের বালক,—একে একে, দু’য়ে-দু’য়ে, দশে দশে, দলে দলে দেখা দিল। সহরের সমগ্র বালক সভাস্থলে উপস্থিত। যে সকল বালক রোগ, গুরুজন-ভয়, অথবা উখান-শক্তি-রহিত-হেতু, সভাস্থলে শরীর-ধারণ পূর্বক আসিতে অক্ষম হইল, তাহারা ঘরে থাকিয়াও সভায় মন, প্রাণ, আত্মা পাঠাইয়া দিল। ব্যাপার অদ্ভুত হইয়া দাঁড়াইল। একজন তত্ত্বজ্ঞ পুরুষ তাহার বন্ধুকে জিজ্ঞাসিলেন, “এ সময় যদি (চাঁউনহলটা ভাঙ্গিয়া পড়ে) তা’হলে কলিকাতার সমস্ত লোকই কি নির্বংশ হয়?” তিনি বলিলেন, “ভাঙ্গিয়া পড়িলে দুই চারিটা ছেলে বাঁচিতে পারে; কিন্তু সমভাবে সভায় থাকিলে, নিশ্চয়ই পিণ্ডলোপ; ভিটায় ক্লাহারও সন্ধ্যা পাইবে না—পিতৃপুরুষের পিণ্ডলোপ ত হইবেই।”

বালকরা পূর্ণ হইল। চিনিবাস অঙ্গকাড়া দিয়া দাঁড়াইয়া উঠিলেন। কুশিতা বাখিনী যেন সম্মুখে শীকার পাইয়া, লোভ-লোলুপত্রে চাঁরিতিকে দেখিয়া, দত্ত বিকাশ পূর্বক বদনব্যাদান করিল; অথবা কালনাগিনী যেন, লাজে লগড় প্রহারিত হইয়া কৌল কৌল করিয়া উঠিল। চিনিবাস চাঁকর-রাশিগীতে আরম্ভিলেন;—“অমহিলাগণ! এবং

মহোদরগণ ! ভারতে নাই কি ?—ঐ দেখ, উত্তরপ্রান্তে হু-উচ্চে, সচ্চ, অচ্চ হিমালয়-নাগ্নী মহতী গিগি মাথা খাড়া করিয়া দণ্ডায়মান,—এমন পর্বত কোথায়ও দেখিয়াছ কি ? ইউরোপ খুঁজিয়া আইস, আমেরিকা, আফ্রিকা, তন্ন তন্ন করিয়া অনুসন্ধান কর—অষ্ট্রেলিয়ায় যাও,—এমন উচ্চ পর্বত কোথাও দেখিবে না ! তাই বলি, ভারতে নাই কি ? আবার নদীর দিকে দৃষ্টিপাত কর,—গঙ্গা, গোদাবরী, গোমতীর সহিত পৃথিবীর কোন নদী তুলনীয় ? ভারতীয় স্রোতস্বিনী ঘেরুপ সুলভা, সুন্দরী, সেরূপ আর কোথায় ? (করতালি) মহা-সাগরের কথা কাহারও মনে পড়ে কি ? বঙ্গোপসাগরের মত এমন তরঙ্গমালাসঙ্কুল, সুপ্রশস্ত মহাসাগর আর কোথায় আছে কি ? আর ওদিকে, উচ্চ গগনগর্ভে চন্দ্রের প্রথর উজ্জ্বল দ্যোতি তাকাইয়া দেখ।—বুঝিবে, এমন সুধাময়ী চাঁদ ভারত ব্যতীত আর কোথাও নাই । তাই বলি ভারতে নাই কি ?

“যদি সবই আছে, তবে এত ঘন ঘন দুর্ভিক্ষ কেন ? (শোন, শোন) উদরারনের জন্য আমরা পরের ষারহ কেন ? ইহার একমাত্র মুখ্যতম কারণ—নারীজাতির অবনতি । (ঘন করতালি) । আবার বলি, নারীর অবনতি (করতালি) চির-কুসংসারের বশীভূত হইয়া আমরা মারা যাইতেছি । স্ত্রী-স্বাধীনতা, স্ত্রী-শিক্ষা, স্ত্রী-ব্যবসায় এবং বিধবাবিবাহ, অসবর্ণ বিবাহ, —এ সব সুপ্রথা আজকের দিনে আছে কি ? ইউরোপে ইহা

আছে বলিয়া ইউরোপ রাজা ; ভারতে নাই বলিয়াই ভারত প্রজা । (ঘন করতালি) । আজই এ সুপ্রথা ভারতে সুপ্রচলিত হউক,—কালই দেখিবে, যাদুমন্ত্র-বলে ভারত সজীব হইয়া উঠিয়াছে । একটা বিষয় আপনাত্মা প্রণিধান করিয়া ভাবুন,—স্বাধীনতা ব্যতীত, স্বাধীনভাবে যথাতথ্য বিচরণ ব্যতীত, রমণীকুলের স্বাস্থ্যরক্ষা হয় না । একজন প্রসিদ্ধ মার্কিং ডাক্তারের ইহাই মত । একটা দৃষ্টান্ত দ্বারা বুঝাইয়া দি । একটা পিঞ্জরাবদ্ধ হিন্দুমহিলার পেটের অসুখ ছিল, কিছুতেই আরাম হয় না ! এমন সময় একজন বিজ্ঞ ক্রাসি-ডাক্তার এ দেশে আসিলেন ; তিনি ব্যবস্থা দিলেন, রমণীকে স্বাধীনভাবে রাজপথে বিচরণ করিতে দাও, রোগ আরাম হইবে । স্বাধীনতা পাইয়া এক সপ্তাহ মধ্যে রমণী নীরোগ হইলেন, শেষে চায়েন্ হইয়া উঠিয়া বংশের নাম উজ্জ্বল করিলেন । (ঘন ঘন করতালি) । অসুস্থ রমণীর ছেলেও অসুস্থ হইবে, সুতরাং ভারতের আর আশা কোথায় ? আর দেখুন,—ভারতের অনেক জমি এখনও পতিত আছে, গর-আবাদী নিবন্ধন শস্ত্র কম হয় বলিয়াই ভারতবাসীর অন্নকষ্ট । বিধবাবিবাহের প্রথা প্রচলিত হইলে, অনেক অতিরিক্ত সন্তান অবশ্যই জন্মিতে পারে । তাহারা তখন জঙ্গল-ভূমি আবাদ করিয়া ভারতের দুঃখবিমোচন করিবে । (করতালি) কোন কোন অন্নবুদ্ধি, অদূরদর্শী মানব বলিয়া থাকেন, “ভারতে পুরুষের সংখ্যা কম, স্ত্রীলোকের সংখ্যা অধিক ; বিধবার

বিবাহ হইলে, অনেক স্ত্রীলোককে পুরুষ অভাবে চির-কুমারী থাকিতে হইবে।” এ সম্বন্ধে আমার প্রথম বক্তব্য, ভারতে স্ত্রী পুরুষের সংখ্যা সমান, বরং চক্ষু মুদ্রিত করিয়া ভাবিয়া দেখিলে, পুরুষের সংখ্যাই অধিক বলিয়া প্রতিপন্ন হইবে। চীন পরিব্রাজক হোয়েনশাং এ বিষয় বিশেষ প্রমাণ করিয়া গিয়াছেন। আর ভট্ট মোক্ষমূলর, মিল, মেকলে, আর ও-বাড়ীর সেজ বাবু—এ সম্বন্ধে সকলেই একমত, স্মৃতরাং প্রমাণ অকাট্য শিরোধার্য। আর যদি মনে করেন, পুরুষের সংখ্যা কম—অতএব বিধবাবিবাহ প্রচলিত হইলে, অবিবাহিতা বালিকা-রা চির-কুমারীই থাকিবে,—তাহা হইলেও এক্ষণে আপাতত বিধবাবিবাহ প্রচলিত হওয়া উচিত। যখন পুরুষ অভাবে কতকগুলি স্ত্রীলোক নিশ্চর্যই অবিবাহিত থাকিবে,—তর্কের খুঁটিতে ইহা ধরিয়া লওয়া হইল,—তখন কেবল বিধবারা ইহার ফলভোগী হইবে কেন? *সাম্য ও ন্যায়ের বিচারে কুমারীগণও ফলভোগ করিতে বাধ্য। নচেৎ পক্ষপাত-দোষ-দুষ্ট হইতে হয়। পালা প্রথার সৃষ্টি হউক। একশত বৎসর বিধবার বিবাহ হউক। আর তৎপর একশত বৎসর কেবল কুমারীদের বিবাহ হউক। এই সংসামঞ্জস্তুে অধিক সুকল প্রসব করিবে। (করতালি)

জাতিভেদই যত অনর্থের মূল। আমি ব্রাহ্মণ বটি, কিন্তু আমার মন এমনই ভাবে গঠিত হইয়াছে যে, আমি চণ্ডাল বা তাঁতির উচ্ছিষ্ট প্রশংসা করিতে ঘৃণা করি না। সন্ন্যাসের

সমসামানে, তাহাদের সহিত কোলাকুলি করি । ইহা সৎশিক্ষার একমাত্র ফল । ভীতিভাজিকে অস্পৃশ্য বিবেচনায়, আমি যদি তাহার ছায়া না মাড়াই, তাহার সঙ্গে হাতধরাধরি করিয়া না বেড়াই, তাহা হইলেও কি উভয়ের মধ্যে কখন ভ্রাতৃত্বভাব জন্মে ? আর ভ্রাতৃত্বভাব ব্যতীত উদ্ধারের কখনও আশা নাই । দুর্ঘোষধনের সহিত যুধিষ্ঠিরের যদি ভ্রাতৃত্বভাব থাকিত, তাহা হইলে কুরুক্ষেত্র যুদ্ধ ঘটিত না । রাম যদি রাবণকে বাহুবলেন করিয়া ভ্রাতৃত্বভাবে আলিঙ্গন করিতেন, তাহা হইলে সীতা লইয়া আর এত গোলযোগ ঘটিত না । আবার এ দিকে দেখ, পঞ্চপাণ্ডবের মধ্যে খুব নিগূঢ় ভ্রাতৃত্বভাব ছিল বলিয়াই এক-স্ত্রী দ্রৌপদীতেই পাঁচজনেই উপগত হইলেন । অর্থাৎ ভ্রাতৃত্বভাব থাকিলেই কিছুতেই আটক হয় না,—কিছুতেই বিধা বোধ হয় না । (ঘন ঘন করতালি) । ভারতে সেই ভ্রাতৃত্বভাবের অভাব—সেই ভাব—সেই মহাভাব, ভারতীয় নরনারী-মধ্যে এখনি প্রচলিত হউক—এখনি প্রচলিত হউক—আর বিলম্ব সহে না—সহে না—সহে না । (ঘন ঘন করতালি) অথবা বোধ হয়, পাশ্চাত্য শিক্ষিত, সভ্য যুবক এবং যুবতী নির্বিকারচিত্তে এ প্রথা অবলম্বন করিয়া থাকিবেন । (সভা হইতে হাঁ, হাঁ, করিয়াছি) (ঘন ঘন করতালি) ।

সদ্য আমি যুক্তকণ্ঠে, উচ্চরবে, হুহুকার করিয়া ঘোষণা করিতেছি, নির্বিকার ভ্রাতৃত্বভাবের এই মহাপ্রথা যেন, আগামী কল্য হইতে ঘরে ঘরে সুপ্রতিষ্ঠিত হয় ;—বদেৎ রক্ষা নাই,

রক্ষা নাই, রক্ষা নাই—দেশ গেল, দেশ গেল, দেশ গেল।
(ঘন ঘন করতালি)

ভারতীয় নরনারীর দুর্দশা দেখিয়া সতত আমার প্রাণ
কাঁদে বলিয়াই এরূপ গলা চিরাইয়া মুখে রক্ত উঠাইয়া, অতি
চীৎকারে এ কথা ঘোষণা করিলাম। ইহাতে যদি কাহারও
কাণে তালা ধরিয়া থাকে, তবে তাঁহার নিকট আমি ক্ষমা
প্রার্থনা করিতেছি। সেই ছিন্নভিন্নকেশা, মলিনবেশা, অনা-
ধিরা, রমণীর দুর্দশা দেখিলে কাহার না চোখ ফাটিয়া জল
পড়ে ? (করতালি) এ প্রশস্ত ভারতবর্ষ মধ্যে এমন কি কোন
সামাজিক বীর নাই, যিনি ভারতীয় রমণীকুলের দুর্দশা দূরী-
করণার্থ, হিমালয়-গিরি খণ্ড খণ্ড করিয়া সাগরজলে ভাসাইতে
পারেন, ঐরাবতী উপাড়িয়া সাহারায় ফেলিতে পারেন,
গোদাবরী গলায় গাঁথিয়া গভীর গিরিগুহায় ঢুকাইতে পারেন,
অথবা গ্রহ-নক্ষত্র ধরিয়া গিলিতে পারেন ? এমন মহানুভব
ব্যক্তি—হিমালয় হইতে কুমারিকা পর্য্যন্ত, সূদূর গান্ধার
হইতে ব্রহ্মপুত্র পর্য্যন্ত এই বিস্তীর্ণ ভূখণ্ডে—কেহ কি নাই ?—
কেহ কি নাই ? (ঘন ঘন করতালি) (সভাস্থল হইতে—
আছে, আছে)।”

চিনিবাসের তিনটি চর টাউনহলের উপর নীচে চারিদিক
ঘুরিয়া নানা বিষয় পর্য্যবেক্ষণ করিতেছিল। তাহাদের মধ্যে
একজন আসিয়া কি একটা কথা চিনিবাসের কাণে কাণে
বলিল। বক্তার মুখ অমনি বিষম বিষম হইল। গলার স্বর

ভাঙ্গিয়া গেল । বুক খড়াসু খড়াসু করিতে লাগিল ; সেই চরকে তিনি ধীরে ধীরে বলিলেন, “সেই বৃদ্ধা পাপীয়সী যেন কদাচিৎ উঠিতে না পায়, তাহার বন্দোবস্ত কর—এবং সেই দুষ্কর্মের সহায়কারী অখোরবাবুকে চোর অপরাধে পুলিশের হাতে গ্রেফতার করাইয়া দিতে পারিলে ভাল হয় ।” এর ‘তথাস্তু’ বলিয়া চলিয়া গেল ।

চিনিবাস তখন ঋম্ আওয়াজে বক্তৃতার উপসংহার আরম্ভ করিলেন ;—“শ্রোতৃবৃন্দ ! তালভঙ্গ-হেতু অদ্য আগায় ক্ষমা করিবেন । মূনের আবেগে, শ্বাস প্রশ্বাসের প্রতিরোধ-বশত, উচ্চকণ্ঠে চীৎকার-হেতু, বক্তৃতার তেজে আমার হঠাৎ দম আটকাইয়া গিয়াছিল, তাহাতেই বিলম্ব ঘটিল । আপনাদের যদি বিশ্বাস না হয়, তবে ডাক্তার ডাকিয়া আমার কণ্ঠনালী পরীক্ষা করিতে পারেন । (করতালি) । বিশেষত, রাজনৈতিক বক্তৃতাই আমার কেলা । হঠাৎ সামাজিক ব্যাপারে হাত দিয়া, শরীরের কল বিকল হইয়া গিয়াছে । (করতালি) । তাই, আরও অনেক কথা বলিবার ইচ্ছা থাকিলেও, শিরঃপীড়াবশত অদ্য উপবেশন করিতে বাধ্য হইলাম । (ঘন ঘন করতালি) ।”

পঞ্চদশ পরিচ্ছেদ ।

অনেক কথা বলা হইল না। যে গ্রামে চিনিবাসের বাস, সে গ্রামের নাম বলিব না ; সেই বালিকার নাম বলিব না, আর বলিব না,—সেই কলিকাতা-প্রবাসী বালিকার স্বামী অঘোর বাবু কোন্ স্থানে কি চাকুরি করেন। এ সব কথা, অনেকের জিজ্ঞাস্তা হইলেও নিগূঢ় কারণবশত তাহা প্রকাশ করিতে পারিলাম না।

চিনিবাস, অঘোর বাবুর চক্ষে ধূলা দিয়া, ভিড়ের মধ্যে মিশিয়া টাউনহল হইতে নিষ্কাশিত হইলেন। অঘোরনাথ, অনেকক্ষণ চিনিবাসের অপেক্ষা করিয়া, শেষে কাঁহাকেও না দেখিতে পাইয়া, রুদ্ধাকে লইয়া ভগ্নমনে ঘরে ফিরিলেন। রুদ্ধা কেবল কাঁদিলেন। “বাবা ! চিনিবাস, তুই কোথায় গেলি, বলিয়া শেষে তিনি আর্ন্তনাদ আরম্ভ করিলেন।

সেই ত্রয়োদশবর্ষীয়া বালিকা ধীরে ধীরে, চুপে চুপে মরাল-গমনে আসিয়া, রুদ্ধার চোখ টিপিয়া ধরিল। রুদ্ধা কাঁদিতে কাঁদিতে বলিলেন,—“দিদিমণি ! কলিকাতা এনেও তুমি বাছাকে আমার দেখাতে পারিলে না—তোমার দোষ কি ?—এ সবই আমার অদৃষ্টের লিখন।”

বালিকা একখানা গামছা আনিয়া বলিল, “এইবার বুড়ীর মুখ বাঁধিব। অমন করে কাঁদলে হাত পা বেঁধে গঙ্গার জলে ফেলে দিব।”—

বৃদ্ধার মুখে ঈষৎ হাসি দেখা দিল । অতি দ্রুত্থে মানুষ হাসে । তখন চিনিবাস-জননী কৌশল্যা উত্তর দিলেন,—
‘গঙ্গায় এখন হাড় পড়িলে ত আমি বাঁচি । এ পোড়া কপালে কি সে সুখ আছে ? দিদিমণি ! রাত হলো ; তুমি খাওয়া দাওয়া করে শোও গে ; বুড়ী মরবে না !’

এইরূপে রাত্রি গেল, দিন আসিল । বালিকা অতি প্রত্যাষে উঠিয়া বৃদ্ধার ঘরে দ্রুতপদে হাজির হইল । দেখিল, বৃদ্ধা জাগিয়াছেন, তথাচ শুইয়া আছেন ; আর বালিসের দিকে মুখ করিয়া কেবল চোখের জল ফেলিতেছেন । কৌশল্যা, বালিকার সাড়া পাইয়া আশ্চর্য্যবশ্তে উঠিয়া বলিলেন, “তুমি দিদি এত ভোরে উঠেছ কেন ? শেষ রাত্রে পালিয়ে এলে, নাত-জামাই ভালবাসবে কেন ?”

বালিকা । আমার হাত স্ফুড় স্ফুড় কচে, তাকে দুটা কিল মা’রব ব’লে এমেছি, ;—আর আজ কাঁদলেই নাক কেটে দিব ।

কৌশল্যা । না,—দিদিমণি, আমি কাঁদি নাই ; এগনও কাক ডাকে নাই, তুমি ঘরে যেয়ে শোও গে—

বালিকা । গঙ্গায় নাইবি না ?

কৌশল্যা । তুমি শোও গে,—আমি শি-কে সঙ্গে নিয়ে গঙ্গায় যাবো এখন !

বালিকা তখন বৃদ্ধার হাত ধরিয়া বলিল, “দূর ! বুড়ী পাগলি !—দোয়ারগোড়ায় গাড়ী দাঁড়িয়ে,—আমি যাব, কি

যাবে, তুই যাবি, আর রামা চাকর যাবে,—শীগগির, আয়, শীগগির আয় ।”

গঙ্গান্নান হইল । একটা ডাবের মুখ কাটিয়া বালিক, বলিল, “বুড়ী তুই শীগগির এই ডাবটা খা—এতে বিষ আছে, খেলই মরবি !—তুই যে বলিস, আমার মরণ নেই,—একবার ডাবটা খেয়ে দেখ্, এখনি কেমন না মরিস ? আর তুই যদি ডাবটা না খাস, তা হ’লে আমি এখনি ডাবটা খেয়ে মরবো ।”

বৃদ্ধা একটু হাসিয়া অগত্যা ডাবজল পান করিলেন । বালিকা বলিল, “বুড়ী ! তুই একটা ভাল শোলক মনে ক’ব, আমি ওঘর থেকে এসে গুনবো ।”

ও-ঘর অর্থে শ্রীযুক্ত অঘোরনাথ চট্টোপাধ্যায়ের শয়ন-ঘর । অঘোর বারু সাদাসিন্দে লোক । ঘরে আসুবাব অনেক, কিন্তু সাজান নাই । গৃহিণীটীত বালিকা,—আজ সাত দিনমাত্র কলিকাতায় স্বামিগৃহে আসিয়াছেন । ঘর পুস্তক অনেক । কতক-গুলি বই কেদারার উপর, কতকগুলি বিছানার উপর, কতক-গুলি টেবিলের উপর । বালিকা প্রথম আসিয়াই দেখিল স্বামী নাই ; তখন আপন মনে পুস্তকগুলি গুছাইয়া টেবিলের উপর রাখিতে লাগিল । টেবিলের এক অংশে বাঙ্গলা বই অন্যান্য অংশে ইংরেজী বই, সাজান হইল । দোয়াত, কলম, ডাকের কাগজ মধ্যস্থলে রাখিয়া নিজ অঞ্চল দিয়া, বালিকা টেবিল ঝাড়িল । শেষে কপাট ঠেঁসাইয়া, দর্পণে আপন মুখটা যেন ভয়ে ভয়ে একবার দেখিয়া লইয়া, তাড়াতাড়ি দর্পণ রাখিয়া

দিল । এত কাজ সমাপ্ত হইল, তথাচ বৈঠকখানা হইতে অঘোর বাবু অন্দরে আসিলেন না । লজ্জাশীলা বালিকার আজও এমন সাহস জন্মে নাই যে, স্বামীকে বাহির হইতে ডাকিয়া পাঠান ; স্বামীর কাছে আজও বালিকা ঈষৎ ঘোমটা দেয় ; চারি চক্ষু চাওয়াচায়ি করিয়া নয়নবাণ হানাহানি করিয়া আজও সে কথা কহিতে শিখে নাই । বালিকা তখন মাথাটি হেঁট করিয়া বিনম্রভাবে; ভাসা-ভাসা স্বরে স্বামীর সতি কথ্য কহিত । সেই স্ত্রী কেমন করিয়া স্বামীকে ডাকিতে হুকুম করিবে ? বালিকা কেদেরায় বসিয়া মনে মনে রামায়ণ পড়িতে আরম্ভ করিল । বেলা ১টা বাজে, তথাচ অঘোর বাবু ঘরে আসিলেন না । দেখিতে দেখিতে ১০টা বাজিল, স্নানাহার হইল না—স্বামী কোথায় গেলেন ?—এই চিন্তা বালিকার মনোমধ্যে উদয় হইল ।—বালিকা তখন গৃহ হইতে বাহির হইয়া কৌশল্যার নিকট আসিল । বুদ্ধার নয়ন-আকাশে সর্বদাই শ্রাবণের বারিধারা—মেঘপূর্ণ, বজ্রাধিপূর্ণ, জলতরঙ্গপূর্ণ ! বালিকা বুদ্ধার হবিষ্যাম্বের উদযোগ করিয়া বুদ্ধার চুল ধরিয়া টানিয়া বলিল,—“বুড়ী ! আজ তোকে আমারও ভাত রাঁধতে হ’বে, আমার হবিষ্যের ভাত খেতে মাপ হ’য়েছে ।

কৌশল্যা । বালাই ! ঘেঠের বাছা, বষ্টীর দাসী,—তোমাকে কি হবিষ্য কত্তে আছে ?

এমন সময়ে অঘোর বাবুর প্রতাপাদিবিক্ষেপ-শ্রুত হইল ।

বালিকা তৎক্ষণাৎ অমনি শয়নগৃহে ধাবিত হইল । অঘোর বাবু ঘরে পৌঁছিলে, শালিকা ধীরভাবে জিজ্ঞাসিল,—“এত দেরী কেন ?”

অঘোর । এই, তোমার জন্যই ঘুরে ঘুরে এত বেলা হলো । তোমার শ্রীমান্ চিনিবাস, ভবানীপুরের বাসা উঠা-ঈয়া কলিকাতায় এসে বাসা ভাড়া নিয়েছেন । খুঁজে খুঁজে বোঁবাজারে তাঁর বাসার সন্ধান পেয়েছি ।

বালিকা । তার সঙ্গে দেখা হয়েছিল কি ?

অঘোর । দেখা কনি নাই ; আজ তার বাড়ীতে ভারি ধুম । বাবু না কি মিউনিসিপাল কমিশনার হয়েছেন , রাজা হবেন, তাই আজ মহা উৎসব চলিয়াছে ।

বালিকা । বড়-ঠাকুরমাকে তবে কখন সঙ্গে করে নিবে তার কাছে যাবে ?

অঘোর । তার কাছে সহজে যাওয়া যাইবে না,—সিপাহীর পাহারা,—আমার একটা বন্ধুর যুখে শুনিলাম, সে শীঘ্রই রাজা-বাহাদুর উপাধি পাইবে । ছোটলাটের সঙ্গে সে প্রতি সপ্তাহে একবার দেখা করিতেছে । তোমার চিনিবাস খুড়ো জানিয়াছেন যে, তাঁহার মা আমারই ঘরে আছে । খুড়ো আমাকে জরু করিবে বলিয়াছেন ।

বালিকা নীরব ।

অঘোর বাবু বালিকার পৃষ্ঠদেশে হাত দিয়া বলিলেন, “তোমার ভয় নাই ; একটা কার্য্যদক্ষ লোকের সহিত আমি

চিনিবাসের মাতাকে লইয়া আগামী রবিবার দিন যাইব ।”

বালিকা বলিলেন, “তবে তাহাই হইবে, তোমার কোন বিভ্রাট ঘটবে না ত ?”

অঘোর বাবু স্ত্রীকে “কোন ভয় নাই” বলিয়া সানার্গ লেনেন

ওদিকে চিনিবাসের বাসায় প্রকৃতই মহা ধুম । লোকজন চাকর-বাকর, দ্বারবান, পাইক,—যেন লোফেন হাট ঘনিষ্ঠ আছে ! চারিদিকে রব উঠিয়াছে, চিনিবাস রাজা হইবেন নবমলতা-পত্রিকায় প্রবন্ধ বাহির হইল, “নিশানন্দী শ্রী” চিনিবাস বন্দোঁপাব্যায়ের রাজা উপাধি লইয়া বসে । তবে গবর্ণমেট উপযুক্ত পাত্র দেখিয়া, রাজা ডায়া চিনিবাসেই নিযুক্ত করিতে দৃঢ়সঙ্কল্প কবিয়াছেন । আদ্যে বিনম্র জনসাধারণেরও বিশেষ অনুরোধ আছে । আমবা অদ্য আফলাদের সহিত প্রকাশ করিতেছি, চিনিবাস বাব নিদন ভাবে রাজা উপাধি গ্রহণ কবিতে প্রীত হইয়াছেন । কলিকাতার সমগ্র অধিবাসী তাহাকে মিউনিসিপাল বাগশালা হইতে অনুরোধ করায়, তাহাকে এ গুরুভাবও বহন করিতে হইতেছে ।”

প্রতিবেশী দুই একজন সন্দেহ করিল, চিনিবাস দেও টাকা পাব কোথা ? বাঁহারা নিগূঢ়তত্ত্ব জানিতেন, তাহারা বলিলেন, রাজনীতির সহিত সমাজনীতির যোগ হইলে টাকায় ভাবনা কি ?

ষোড়শ পরিচ্ছেদ ।

অধোর বারু ইতিমধ্যে তাঁহার কোন বিশ্বস্ত বন্ধুর দ্বারা চিনিবাসকে বলিয়া পাঠান যে, কলিকাতায় তাঁহার মা আসিয়াছেন । চিনিবাস এই দুঃসংবাদ পাইয়া চকিত হইয়া বলেন, “আমার আবার মা—কে ? কুসংস্কারহীন হিন্দুদের যখন সহ-মরণ-প্রথা প্রচলিত ছিল, তখনই আমার মাতা, পিতার সহিত সহন্যতা হইয়াছিলেন ।”

বন্ধুর নাম গোপালদাস মিত্র । তিনি উত্তর দেন, “সে কি ? তোমার মাকে দুবেলা দেখছি ; প্রত্যহ গঙ্গাস্নান করেন. আর কাঁদেন—”

চিনিবাস । ওঃ হোঁঃ—বুঝিয়াছি । গবর্ণমেণ্ট আমাকে শীঘ্রই (আমার অনিচ্ছাসত্ত্বেও) বলপূর্ব্বক রাজা উপাধিতে ভূষিত করিবেন,—আজ বাদে কাল আমি রাজা হইব, তাই বুঝি কোন বৃদ্ধা রমণীর আমার মা হইতে—রাজ-জননী হইতে সাধ গিয়াছে ! (হাসিয়া) সেই বঙ্গমহিলা যদি অর্থের ভিখারিণী হয়, তাহা হইলে যত্ন, অধ্যবসায় এবং শ্রম স্বীকার-পূর্ব্বক “পুয়ের-কণ্ডে” তাহার নাম লেখাইয়া দিতে পারি । আমার চেষ্টায় কিনা সম্ভবে ?

গোপাল । বলেন কি মহাশয় ! আপনার মা, “চিনিবাস চিনিবাস” করিয়া অজ্ঞান !—আপনি এক বৎসর তাঁকে দেখা দেন নাই,—আপনাকে দেখিবার জন্য তাঁর প্রাণ ব্যাকুল হয়ে

উঠেছে ; কেঁদে কেঁদে চোখে আর তিনি ভাল দেখিতে পান না । আপনার মায়ের দুঃখ দেখে পাঁড়ার সমস্ত লোকই কাতর !

চিনিবাস । উঃ—ঘোরতর ষড়যন্ত্র ! আমি দেখিতেছি, আপনি মহামায়ায় মুগ্ধ হইয়াছেন । •রজ্জুকে সর্পভ্রম করিয়াছেন ; কুমিকীটকে পানিরকীট ভাবিয়াছেন ; বিড়ালকে বাঘ ঠিক করিয়াছেন । আমার জননী থাকিলে কি, এতদিন তাহাকে অন্তঃপুরবাসিনী থাকিতে দিতাম ? তাহাকে অবশ্যই এতদিন ইংরেজী পড়াইয়া, শিক্ষিতা করিয়া, স্ত্রী-স্বাধীনতার ধ্বজা ধরাইয়া, ভারতীয়া ললনুকুলের অগ্রগামিনী করিতাম ।

কথা শুনিয়া, গোপাল বারু ত অবাক কিংকর্তব্যবিমূঢ় হইয়া, কেবল চিনিবাসের মুখপানে চাহিয়া রহিলেন ।

চিনিবাস বক্তৃতার স্তরে বুলিলেন,—আপনি কি জানেন না, দেশমধ্যে আমার অনেক শত্রু আছে ? আমি উন্নতিরূপ হিমালয় পর্বতের • ধবলগিরিরূপ উন্নততম শৃঙ্গে উঠিয়া ভারতকে অত্যান্ত-মার্গে উঠাইতেছি ;—কিন্তু দুরাচার দৈত্য-কুল দ্বিধিদিক জ্ঞানশূন্য হইয়া, মধুমত্ত মাতঙ্গের ন্যায়, আমার এই গুরুগম্ভীর গতির প্রতিরোধার্থ সতত ফিরিতেছে ! কাষ্ঠ-নগরীয় দানববৃন্দ, একবার একটা কাষ্ঠকুড়ানো কুড়াইয়া, আমার স্বল্পদেশে এইরূপ একটা ‘মাতা’ ফেলিয়া দিবার চেষ্টা করিয়াছিল । আমি তখন স্বর্গীয়ভাবে উদ্দীপিত হইলাম । মুখমণ্ডল, দ্বাদশসূর্যের ন্যায় জ্বলিতে লাগিল । এক ভৈরব ছাঙ্কার ছাড়িলাম,—আর কুৎকারে সমস্ত উড়িয়া গেল ।

ষড়যন্ত্রকাণ্ডিগণ প্রবল ঝড়ে উড্ডীয়মান তুলার ন্যায় দিগ্দিগন্তে সরিয়া পড়িল । অতএব ‘সাবধান ! আপনি যদি অভিনিবিষ্ট চিত্তে ভাবিয়া দেখেন, তাহা হইলে, নিশ্চয়ই বুঝিতে পারিবেন,—আমার ইহজীবনে,—এই লোকহিতার্থ উন্নততম প্রাণে, আর অন্য মাতা,—পার্থিব মাতা সম্ভবে না ;—এখন ভারতমাতাই আমার মাতা—আমি তাঁহারই প্রেমে মগ্ন !”

গোপাল, বারু কোন কথারই উত্তর দিতে পারিলেন না,—অনিমিষলোচনে কেবল চিনিবাসের নখাগ্র হইতে কেশাগ্র পর্য্যন্ত হেরিতে লাগিলেন ।

চিনিবাস পুনরায় আরম্ভ করিলেন,—“দেখিতেছি আপনি বিশিষ্ট ভদ্র ব্যক্তি,—আপনার সহিত একটু সদালাপ করা যাউক । আপনি বোধ হয় অকণ্ঠই অবগত আছেন, রাজনীতিব তরঙ্গ তুফানে দেশ আজ কাল প্লাবিত ! ইহার আমিই বীজ । আমি বক্তৃতায় প্রমাণ করিয়াছি, ইংরেজরাজ ৫৮ খ্রীষ্টাব্দের ঘোষণা অনুসারে সিবিল-সার্ভিসের পরীক্ষার বয়স বত্রিশ বৎসর ধার্য্য করিতে বাধ্য । আমারই আন্দোলনে গবর্ণমেণ্ট ভীত, ত্রস্ত, কম্পিত-কলেবর হইয়াছেন । আর কি চাই ? স্থানে স্থানে, সভাসমিতি, ঘোষণা, আন্দোলন, বক্তৃতা—আর চাই কি ?—যেরে যেরে আবেদন, অনুমোদন, প্রবন্ধ, প্রস্তাব, পদ্য, গদ্য, আর চাই কি ?”

গোপাল বারু ধীরে ধীরে বলিলেন, “আপনার মাতার আকৃতি স্মরণ আছে কি ?”

চিনিবাস । ছি ছি ছি !—ও সব অসার পাপ . কথা ছাড়িয়া দাও—আমি সময় নষ্ট করিতে সক্ষম নহি । আমেরিকা হইতে আমার যে টাইটেল আসিয়াছে, তাহা আপনি দেখিতে চান, কি ?—দেখিলে আপনার দিবাক্ষান জন্মিবে ।

তৎক্ষণাৎ বাক্স খুলিয়া কাগজ বাহির করিয়া চিনিবাসের টাইটেল পাঠ,—“Z. Q. T. P. N. S. O. ৩. C. R. B. X. Y. &c. &c.”

গোপাল । মহাশয়, ও সব আনাব কিছুই আবশ্যক নাই । আপনার মাতা একরকম মুছাশয়ান শায়িত—এ অন্তিমকালে, তিনি দিনরাত কেবল আপনার নাম উচ্চারণ করিতেছেন । আচ্ছা, আপনার মায়ের নামটা কি বলুন দেখি ?—

চিনিবাস ক্রোধকষায়িত-লোচনে উত্তর দিলেন—“আমি আপনার নিকট চৌদ্দপুরুষের হিসাব দিতে প্রস্তুত নহি . আইনমতে বাধ্য ও নহি । আপনি আমাকে আর বিরক্ত করিবেন না,—মূল্যবানীয় সময় বৃথা অপব্যয়িত হইতে দেখিলে, আমার প্রাণ কেবল কাঁদে ।”

গোপাল । আমি নিজের জন্ম জঁসি নাই, আপনার মায়েব কষ্ট দেখিয়া আসিয়াছি—আপনি সন্তান হইয়া . মাতাকে ক্লিষ্টজন দিতেছেন,—হাঁ চন্দ্রহর্ষা ! তোমরা কি আর উদয হইবে ?

চিনিবাস । (ক্রোধভরে) আপনি দুর্বৃত্ত, এখনি চলিয়া

যান,—আপনি তিলার্ক এখানে থাকিলে, আপনার নামে
অনধিকার-প্রবেশের দাবী দিয়া নালিস করিব ।—

গোপাল বাবু “ঈশ্বর তোমার একমাত্র শাসনকর্তা,”
বলিয়া উঠিয়া আসিলেন ।

সপ্তদশ পরিচ্ছেদ ।

অঘোর বাবুর বৈঠকখানা সুদীর্ঘ এবং সুপ্রশস্ত । উত্তম
ঢালা বিছানা । কয়েকটি উকীল, একটা ডাক্তার এবং
আরও তিন চারিজন লোক—সর্বশুদ্ধ প্রায় আট দশ জন
ব্যক্তি, একত্র বসিয়া গল্প করিতেছেন ; তামাক-পান চলি-
তেছে । হাসির শব্দ হো হো উঠিতেছে । ডাক্তার বাবুর
হাসির রবটা কিছু উচ্চ অঙ্গের,—পূর্ণমাত্রায় টল্লত । অঘোর
বাবু, ডাক্তার বাবুকে উদ্দেশ্য করিয়া বলিলেন, “তুমি হাসির
স্বরটা একটু নরম করিয়া বাঁধ । তোমার একলার জন্য আমা-
দের সকলের মাতাল অপবাদ হইবে কেন ?”

ডাক্তার । সে কি কথা ? মাতাল কি ?

অঘোর । এই যে প্রত্যহ এখানে আমরা হাসি,—অতএব
মদ খাই,—সুতরাং রমণীকুলের উপর অত্যাচার করি,—

উকীল বাবু বলিলেন, “ওরে শীঘ্র তামাক দে, গল্প ভারি
জমিয়াছে ।”

ডাক্তার । (মনে মনে হাসিয়া) আমার এক অনুরোধ

আছে ; যদি না রাখ, তা হ'লে, তোমার সঙ্গে এই পুথ্যস্তু
'বিচ্ছেদ ! দুটো মদের বোতল জল ভ'রে এই বিছানায় রাখতে
হ'বে, আমি মাঝে মাঝে দুটা বোতল দুহাতে করিয়া হাসিব ।

উকীল । (ঈষৎ হাসিয়া) ব্যাপার কি ?—

ডাক্তার । ব্যাপার আমার মাথা আর মুণ্ড—

(উচ্চ হাসি)

অঘোর । (হাসিয়া) রাস্তার ও-পারে কয়েকটা শিক্ষিত
ভ্রাতা এবং শিক্ষিতা ভগিনী ঘর ভাড়া লইয়াছেন । ভ্রাতারা
লোকের কাছে ব'লে বেড়ান, “অঘোর বাবুর গৃহে প্রত্যহ
রাত্রে জটলা হয়, মদের স্রোত বহে । মদ ব্যতীত একপ উচ্চ
হাসির রব উঠিতে পারে না । সেই বিকট হাসির ধ্বনি
শুনিয়া লজ্জাশীলা ভগিনীগণ আঁতকে, অন্ধকারে আমাদের
কাছে আসিয়া লুকুইতে চায় । আমরা কি করি, শরণাগতা,
অনাথা, বিহ্বলা রমণীকে যথাসাধ্য আশ্রয় দান করি ।”

ডাক্তার । (হাসিয়া) ও পোড়ামুখে কি মদ ব্যতীত
আর হাসি আসে না ?—যে হাসে, সেই অবশ্য মদ খায়—
এ মুক্তি অতি উত্তম ! আজ থেকে হেসে হেসে আমি দেশ
কাটাবো ।

অঘোর । তুমি কি জান না, হাসিটা একটা কুরুচি ?
হাসি, রঙ-তামাসা, রসিকতা,—এ সমস্তই কুরুচিভাব-প্রণো-
দিত ? গম্ভীর গৌজমোহন গোবদামুখে বসিয়া না থাকাই
কুরুচি হয় না । এ সব নিচু তত্ত্ব তোমার বুঝা উচিত ।

ডাক্তার। কেবল ঠাঁচি বেত !!—পায়ের নখ থেকে মাথার চুল পর্যন্ত একসা সপাৎ, সপাৎ বসাত্ত, তবে সোজা হয় !
(সকলের হাস্য)

এমন সময় চিনিবাসের বাসা হইতে গোপাল বাবু আসিয়া উপস্থিত। তিনিও ডাক্তার। গোপাল বাবু আসিবামাত্র, অধোরনাথ অতি ব্যগ্র হইয়া জিজ্ঞাসিলেন, “সংবাদ কি ?”

গোপাল বাবু কিছুক্ষণ নীরব থাকিয়া বলিলেন, “সংবাদ বড়ই বিষম। আমি কিছুই ঠিক করিতে পারিলাম না। আমার মনে বড়ই সন্দেহ জন্মিয়াছে—”

অধোর। গতক কি ? ব্যাপার কি ?

গোপাল। আমি নিবিষ্টচিত্তে প্রায় আধ ঘণ্টা কাল তাহার চেহারা দেখিলাম। ‘চোখের চাহনির কেমন স্থিরতা নাই। অন্তরটা যেন তার সদাই গুরু গুরু করচে। সদাই ভয়ে ভয়ে এদিক ওদিক চায়—যেন কে তাহাকে ধরিতে আসিয়াছে। আর মাঝে মাঝে কি যে আবল-তাবল বকে, তার বিন্দুবিসর্গ আমি অর্থ করিতে পারি না।’

অধোর। এ যে উন্মাদের লক্ষণ দেখিতেছি !

গোপাল। আমিও তাই ভাব্‌চি—তার মতিস্থির নাই—

ডাক্তার। তোমরাও ত কম “পাগল নও,—চিনেটাকে আমি ছেলেবেলা থেকে জানি। বদমাইসের চূড়ান্ত ! সে আবার পাগল কোথা ?—ভারি বদমাইস ! সেই সেয়ান-খেপাটাকে তোমরা আজও চিনিতে পারিলে না ?

অঘোর । না না,—টাউনহলে একু দিন বন্ধতার ঝোঁকে
সে যেরূপ রঙ্গ ভঙ্গ বিকট চীৎকার করিল, তাহাতে তাকে
বন্ধ পাগল বলেই মনে হইল ।

ডাক্তার । তাকে পঙ্গলা-গারদে দিতে হয় দাও, তাতে
আপত্তি নাই । ফল কথা, সে পাগল নয়—ঐ একরকম ধরণ ।

অঘোর । ডাক্তার স্থিথ্কে লইয়া তার কাছে গেলে
হয় না ?—

ডাক্তার । স্থিথ্কে নিয়ে যাবুর দরকার নাই, পঙ্গলা-
গারদে রাখিবার জন্য আমিষ্ট সার্টিফিকেট দিতে পারি !

অঘোর । মহামুন্সিলের কথা হইল । তার মা কেঁদে কেঁদে
সারা হলো—এখন উপায় কি ? গোপাল বাবু ! তার মায়ের
কথা বলাতে সে কি উত্তর দিল ?

গোপাল । সে কথা আর শুনিয়া কাজ নাই ! অতি
পাপিষ্ঠ নরাধম । অথবা উন্মাদ !

অঘোর । চিনিবাস মায়ের কথা কি বলিল,—বল, বল !

গোপাল । পাপিষ্ঠ বলিল, আমার মা নাই,—মা, বহুকাল
সহমৃত্যু হইয়াছে ! তার পর সে, বন্ধার হইয়া, সাপের মস্তবৎ
কি যে বকু বকু বকিল, আমি তাহার কিছুই বুঝিলাম না ।

প্রবল ভূমিকম্পে দেশ এসিয়া যায়, প্রবল ঝড়ে বড় বড়
গাছ উড়িয়া যায়, প্রবল তরঙ্গে জাহাজ হাবুড়বু খায়,—আর
প্রবল পাপপূর্ণ বীভৎসকথায় হৃদয় দ্রব হয়, চক্ষু স্থির হয়,
চৈতন্য লোপ হয় । বাজ পড়িলে বিদ্যুতায়ির তেজে মানুষ

যেমন হঠাৎ একেবারে অবশ্যঙ্গ নিশ্চল নিষ্পন্দ হয়,—গোপাল বাবুর কথা শুনিয়া, সমবেত ভদ্রমণ্ডলীর ঠিক সেইরূপ দশা ঘটিল! রজ্জা-বন্ধনী জীবিত,—চিনিবাস বলেন, জননী মৃত! উঃ! প্রায় পাঁচ মিনিটকাল সভাস্থ, কেহই আর ঘাড় তুলিয়া বাক্য নিঃসরণ করিতে সমর্থ হইলেন না।

অবশেষে অঘোর বাবু ধীরে ধীরে বলিলেন, “এ কথা লইয়া এখন আর অধিক আন্দোলন করিয়া কাজ নাই,—চিনিবাসের মা যদি এ কথা শোনে, তাহা হইলে বুড়ী আজই মরবে—অনেক যত্নে আমি তাকে বাঁচিয়ে রেখেছি—”

ডাক্তার। গোপাল বাবু! “আপনি আমার একটা প্রশ্নের উত্তর দিন। আপনি কি খালি পায়ে চিনিবাসের বাড়ী গেছিলেন?”

গোপাল। এ কথা কেন?

ডাক্তার। জুতা কাছে থাকিলে কি আপনি চিনের মাথায় পঁচিশ পয়জায় মারিতেন না? তোমরা না পার,—এস আমার সঙ্গে,—বাহিরে থেকে জুতার শব্দ শুনিবে;—“আমুন গোপাল বাবু!”—এই বলিয়া ডাক্তার বাবু গোপাল বাবুর হাত ধরিয়া উঠিলেন।

অঘোর বাবু বলিলেন, “ধাক্কা খাক্কা,—এ সময় আর যেয়ে কাজ নাই,—বাণেশ্বর পণ্ডিতের সঙ্গে পরামর্শ করিয়া হয় ঠিক করা যাবে। তিনি প্রবীণ ব্যক্তি, এ সকল ব্যাপারে তাঁর মত লইয়াই কার্য্য করা ভাল।”

কথান্তে অঘোর বাবু, ডাক্তার বাবুর হাত ধরিয়।
বুসাইলেন ।

পঁরদিন প্রাতে তাঁহারা সকলে বাণেশ্বর পণ্ডিতের বাটীতে
গেলেন । বাণেশ্বর সহরে মোড়ল । তাঁর ধন আছে, দান
আছে, পাণ্ডিত্য আছে, প্রতিপত্তি আছে এবং বহুদর্শিতাও
আছে ; এখন বৃদ্ধ হইয়াছেন ; লোককে কেবল সলা, পরামর্শ
উপদেশ দেন । তিনি বলিলেন, “চিনিবাসের মাংস দিয়া
চিনিবাসের নামে একটা নালিস রুজু কুরাইতে হইবে । আমি
শুনিয়াছি, খিড়কীর পুকুর আমবাগান এবং ১২ বিঘা লাখরাজ
জমী চিনিবাসের পিতা, স্ত্রীর নামে কেনেন । চিনিবাসের
বাপ অতি সংলোক ছিলেন ;—আমার, স্বরণ হইতেছে, ঐ
দলিলটা তিনি কৃষ্ণনগরে একবার আমাকে দেখান । যাঁহোক,
ঐ তিনটা সম্পত্তি স্ত্রীধন । চিনিবাস সমস্তই বিক্রয় ক’রে
ফেলেছে,—শুনিলাম, সিকি দামে ওগুলো বেচিয়াছে ;—
স্ত্রীধন উদ্ধারের জন্য উহার মা নালিস করিতে সম্পূর্ণ সক্ষম ।”

অঘোর । চিনিবাসের মা নালিস করিতে কোনমতেই
স্বীকার হইবেন না । বিশেষ, তিনি এ সব কথা শুন্লে আর
বাঁচবেন না । আমি বড় বিষম সঙ্কটে পড়েছি—

বাণেশ্বর । যে কোন উপায়ে হোক, নালিসটা একবার
দায়ের করিতে পারিলেই নিশ্চিন্ত—

অঘোর । নালিস করিতে ত দেবী আছে । অভাবপক্ষে
একমাস সময়ের কম কিছু এ কাজ সমাধা হ’বে না । দেখিতে

দেখিতে পূজার ছুটীও আসিয়া পড়িল। নালিসই যদি করিতে হয়,—তা'হলে, যেকোন গতিক, পূজার পর না হ'লে, আর দায়ের হবে না। কিন্তু বুদ্ধাকে যে, আমি আর রাখিতে পারিব না,—আজ নয়, কাল নহ, পরশু নয়, চিনিবাসেব বাড়ী নিয়ে যাব,—এই বলিয়া বুড়ীকে প্রত্যহ সান্ত্বনা করিতেছি। বুদ্ধার মনে যেন একটা সন্দেহ জন্মেছে, “আমাব ছেলের বুঝি কোন অমঙ্গল ঘটেছে,—তাই বুঝি আমাকে ভাঁড়াচ্ছে।” মহামুঞ্চিল কাণ্ড! এক্ষণে বুদ্ধার কাছে প্রতিশ্রুত আছি যে, আগামী রবিবার দিন নিশ্চয়ই আপনাকে চিনিবাসের বাড়ী লইয়া যাইব। বুদ্ধা কেবল দিন গণিতেছে, বার গণিতেছে,—কবে রবিবার আইসে।”

বাণেশ্বর পণ্ডিত অনেকক্ষণ নীরব রহিলেন। অনেক ভাবিয়া চিন্তিয়া বলিলেন, “কোন ভয় নাই। রবিবার দিন আমি নিজে চিনিবাসের মাকে লইয়া চিনিবাসের বাসায় যাইব। অখোর বারু, কেবল আমার সঙ্গে যাইবেন।

“চিনিবাস ইতিপূর্বে আমার সহিত দুই তিন দিন সাক্ষাৎ করিতে এসেছিল,—কেবল ভ্যান্ ভ্যান্ করে বাজে কথা বকে বলিয়া আমি তার সঙ্গে দেখা করি নাই; একটা কাজ করিতে হইবে। রবিবার প্রাতে আপনি তাহার সহিত দেখা করিয়া, এ-কথা ও-কথা কহিয়া, ভ্রামাসা-স্ফুলে বলিবেন, বাণেশ্বর পণ্ডিত দেদিন আপনার খুব প্রশংসা করিতেছিলেন। বৈকালে আমি যাইব।”

এইরূপ পরামর্শ স্থির করিয়া অঘোর বাবু প্রভৃতি স্ব স্ব গৃহে প্রস্থান করিলেন ।

অষ্টাদশ পরিচ্ছেদ ।

ঘথানিয়মে, রবিবার প্রাতঃকাল্বে অঘোর বাবু স্বয়ং চিনিবাসের বোবাজারস্থ বাসায় গেলেন । দেখিলেন, দ্বারে দ্বারবান্ । প্রশ্নোত্তরে বুঝিলেন, চিনিবাসবাবু রাজনৈতিক আন্দোলনার্থ মফঃস্বল গিয়াছেন । তিন চারি দিন আসিবেন না । অঘোর বাবুর মাথায় আকাশ ভাঙ্গিয়া পড়িল । তাঁহার চক্ষে পৃথিবী যেন শূন্য বোধ হইল । বিশেষ-সংবাদ জানিবার জন্য তিনি এ-দিক ও-দিক চাহিতে লাগিলেন । গৃহের অভ্যন্তর প্রদেশে একবার উকি মারিলেন । দ্বারবান্‌টা গাঁজা টিপিতেছিল । সে, অঘোর বাবুর দ্বারদেশে রুখা অবস্থিতি দেখিয়া একটু বিরক্ত হইল । সে বলিল, “বাবু ! আপনি কাল আসবেন—ঠিক খবর বলিব—কাল প্রাতে বড়বাবুর ডাকের চিঠি পাইব । আজ ঘরে কেহই নাই ।”

দ্বারবান্ বলে, ঘরে কেহ নাই ; কিন্তু অঘোর বাবু শুনিলেন,—ছাদে, উঠানে, দ্বিতলে দুপদাপ, ছট্‌ছাট শব্দ । চৌ-বাচ্ছায় কৈ, মাগুর, খলুসে মাছ জীওয়াইয়া রাখিলে, যেমন মধ্য মধ্য ছটুস ছটুস শব্দ হয়,—ইহা সেই রকম শব্দ ।

কেহ সিঁড়ি দিয়া তরতর বেগে নামিতেছে, কেহ হব্বহর শব্দে উপরে উঠিতেছে, কেহ ছাদে ঝম ঝম রবে ছুটাছুটি করিতেছে, কেহ বা মধুর-ধ্বনিতে হার্মোনিয়ম বাজাইতেছে !

দ্বারবানের কথাই সত্য। বাস্তবিক ঘরে পুরুষ কেহই ছিল না ; চিনিবাস-প্রতিপালিতা কয়েকটি মহিলা আজ গৃহের অধিষ্ঠাত্রী দেবতা। মহিলাগুলি এখন প্রাতঃকালিক উৎসবে মনোযোগ দিয়াছেন। তাই ঐ শব্দ।

দ্বারবানের সহিত অঘোর বাবুর এক আধটা কথা চলিতেছে, এমন সময় একটা রমণী মুখের সিকিখানি উঁকি মারিয়া অঘোর বাবুকে দেখিল। দেখিয়াই সেই সিকিখানি মুখ,—সেই টুকরো চাঁদখানি লুকাইল। আবার তৎক্ষণাৎ দশমীর চন্দ্রের দশ আনা মুখ দেখা গেল। আবার সেইটুকুও লুকাইল। আবার বর্দ্ধিতায়তনে, দেখা দিল। দেখিতে দেখিতে ঘৌলকলা পূর্ণ হইল। তখন কি দেখিলাম?—দেখিলাম, সেই কোকিলকণ্ঠী কুমারী কুঞ্জমালার টুকটুকে মুখখানি, সেই কুরঙ্গনয়নীর অপাঙ্গদৃষ্টিখানি; সেই মরালগামিনীর মৃদু-মন্দ গমনখানি—ধীরে ধীরে তালে তালে, কাছে আসিতেছে। যেন অপূর্ব সুন্দরী উর্বশী ইন্দ্রালয়ে অর্জুন-সম্ভাষণে চলিয়াছেন। কুঞ্জমালা নিকটবর্তিনী হইয়া অঘোর বাবুকে বীণা-নির্দিত স্বরে জিজ্ঞাসিলেন, “মহাশয় ! প্রভো ! কিমর্থ আপনার এখানে আগমন ? আমাকে বলিলে যদি কার্যোদ্ধার হয়, তবে তাহাতে আমি প্রস্তুত আছি। অদ্য এই গৃহ পুরুষ-শূন্য

নিকামধর্ম্য চিনিবাস বাবু, বন্ধুগণ সমভিব্যাহারে, রাজনীতির নিমিত্ত, দূরদেশে গমন করিয়াছেন ।”

অঘোর বাবু ঐকটু বিস্মিত হইয়া বলিলেন, “আমি চিনিবাস বাবুর সঙ্গে দেখা করিতে আসিয়াছি। কল্য আসিব। দ্বারবান বলিতেছে, কাল তাঁর সৎবাদ পাওয়া যাইবে ।”

কুঞ্জমালা। হাঁ, ঠিক কথা ! কল্য বৈকালেই আপনি আসিবেন, আমরা আপনার জগৎ জলখাবার বন্দোবস্ত করিয়া রাখিব। আপাতত আমরা গৃহে থাকিয়া সমাজনীতিতে মন প্রাণ সপিয়াছি। কল্য অতি অবশ্য বৈকালে আসিবা আমাদের সমাজনীতিতে যোগদান করিলে, পরম উপকৃত হইব। নিকামধর্ম্য চিনিবাস বাবু সম্ভবতঃ এখন একসপ্তাহকাল আসিবেন না ।”

অঘোর বাবু “তবে আমি চলিলাম” বলিয়া গমনোদ্যত হইলেন। কুঞ্জমালা হাসিয়া বলিলেন, “আমি কি এতটী অপরাধিনী যে, আপনার নামটী পর্য্যন্ত শুনিতে পাইব না। একবার গৃহে প্রবেশ করিয়া মহাদেবী রামমণির সহিত শাস্ত্রালাপ করুন না কেন ?”

অঘোর বাবু কোন কথাই উত্তর না দিয়া বেগে প্রস্থান করিলেন। পরদিন প্রভাতে ইংরেজী দৈনিক সংবাদপত্রে চিনিবাসের রাজনৈতিক আন্দোলনের সংবাদ-বোধিত হইল। তারের সংবাদ এইরূপ ;—“ব্রিটিশ সভা। ৪৯ হাজার ৯৯৯ জন চাষা উপস্থিত। নদীয়া জেলার অন্তর্গত ধুলুগ্রামের

ময়দানে সভার কার্য হয় । দ্বাদশটি প্রস্তাব অনুমোদিত এবং সমর্থিত হইয়াছিল । মহা উৎসাহ, মহা আন্দোলন, মহা-বক্তৃতা । চিনিবাস বাবুর বক্তৃতায় সভাস্থ সকলেই কাঁদিয়াছিল ।” পরদিন প্রাতঃকালের সংবাদপত্রে আবার এইরূপ তারের সংবাদ ঘোষিত হইল ;—“২৪ পরগণার অন্তর্গত নুলুগ্রামে মহতী সভা । সভার মাঠে স্থান সঙ্কুলান না হওয়াতে, অনেক কৃষক চক্ষের জল ফেলিতে ফেলিতে গৃহে ফিরিয়া গিয়াছিল । লোকসংখ্যা ৬২ হাজার ৩১৭ । চিনিবাস বাবুর উদ্দীপনাপূর্ণ বক্তৃতা শুনিয়া লোক সকল উৎসাহে নাচিয়াছিল ।”

দুই দিন পরে সংবাদপত্রে আবার তারের সংবাদ ;—“হুগলী জেলার অন্তর্গত কুলুগ্রামে ভয়ঙ্কর সভায় মেদিনী বিকশিত হইয়াছিল । লোক-পদ-উৎকৃষ্ট ধূলিপটলে সমগ্র বঙ্গ-ভূমি ধূসরিত হইয়াছিল । একলক্ষ একশত এগার জন লোকের সমাগম । সিবিলসার্ভিস পরীক্ষার বয়স বত্রিশ বৎসর অনুমোদিত হইয়াছে ।”

এদিকে রাষ্ট্র হইল, চিনিবাস শীঘ্রই লাট-সভার সভ্য হইবেন । কেহ বলিল, “বঙ্গীয়-মহিলাকুলের প্রতিনিধিস্বরূপ হইয়া চিনিবাস লাট-সভায় বসিবেন ।” কেহ বলিল, “তিনি কৃষক এবং তাঁতিকুলের প্রতিনিধি হইবেন ।” দেশে দেশে রাজনীতির জয়ডঙ্কা পিটিয়া, কোথাও বা সমাজনীতির ফুলুট বাজাইয়া, কোথাও বা প্রেম-নীতির সিস দিয়া,—চিনিবাস তিন সপ্তাহের পর কলিকাতায় প্রত্যাগমন করিলেন ।

উনবিংশ পরিচ্ছেদ ।

দুর্গোৎসব নিকটপ্রায় হইল । মহাদেবী রামমণির বৈদ-
পাঠার্থ কাশীগমনেরও সময় নিতান্ত নিকটবর্তী হইল । যোদিন
চিনিবাস বহুবাজারের বাসায় আসিলেন, তার পরদিন রাত্রে
ডাকগাড়ীতে, তিনি রামমণিকে লইয়া, সংস্কৃত জ্ঞানের জন্য,
কাশীধাম-অভিযুখে যাত্রা করিলেন । যাত্রাকালে কুমারী
কুঞ্জমালা, চিনিবাসের চরণতলে কাঁদিয়া পড়িয়া বলিল,
বেদপাঠের সময় উপস্থিত না হউক, আমার দর্শন-পাঠের
কাল নিতান্ত নিকটে আসিয়াছে । আমাকে যদি একান্তই
কাশীতে লইয়া না যান, তবে বৈদ্যনাথে বাখিয়া-ঘাটন—
সেখানে পাতঞ্জলি পাঠটা সমাপ্ত হইতে পাবে ।”

চিনিবাস বলিলেন, “তাহাই হইবে ।” কুঞ্জমালার অভি-
ভাবকস্বরূপ বামকানাইও সঙ্গে চলিল । শাবডাব ষ্টেশনে ডাক-
গাড়ী শিক্ষিত নবনাবীব প্রত্ন দীপ্তি পাঠিতে লাগিল ।

উনবিংশ পরিচ্ছেদ ।

আশা পূর্ণ হইল না । কৌশল্যার সহিত চিনিবাসের
সাক্ষাৎ ঘটিল না । দিন যায়, রাত আসে, আবার সূর্য উঠে,—
বালিকা প্রত্যহ স্বামীকে বলেন, “চিনিবাস আসিয়াছে কি না,
আজ সংবাদ লইও ।” স্বামী প্রতিদিন অনুসন্ধানে জানেন, চিনি-
বাস এখনও করেন নাই । তখন বালিকার মুখকমল শুকাইতে
লাগিল । অথোর বায়ুরও মুখ ম্লান হইয়া আসিল । আর,

বৃদ্ধা কৌশল্যার আহার একরকম বন্ধ হইল। প্রথম কনিকাতা আসিয়া বৃদ্ধার মনে একটু স্মৃতি হইয়াছিল,—কিন্তু সে সুখ, নির্বাপণোন্মুখ দীপের ন্যায় একবার দগ্ধ করিয়া জ্বলিয়া উঠিয়া, শীঘ্রই নিবিয়া গেল। শেষে অধোর বাবু সংবাদ পাইলেন, চিনিবাস বঙ্গীয় রাজনৈতিক আন্দোলন শেষ করিয়া যেদিন কলিকাতায় প্রত্যাগস্ত হন, তার পরদিনই ভারত-ভ্রমণের জন্য, তিনি উত্তরপশ্চিম, পঞ্জাব, বোম্বাই অঞ্চল উদ্দেশে যাত্রা করিয়াছেন। ভিন মাস কাল তিনি ফিরিবেন না।

এখন সব আশাই ফুরাইল। কৌশল্যা চারিদিক অন্ধকার দেখিলেন, কুলকিনারা কোথাও পাইলেন না। সূর্য্য অন্ধকার, চন্দ্র অন্ধকার, নক্ষত্র অন্ধকার—আর, কালো মেঘও অন্ধকার। সব সমান হইল! কুপজল, গঙ্গাজল সমান! বালিকা এক দিন কৌতুক করিয়া বৃদ্ধাকে পাছ্যুপেড়ে কাপড় পরিতে দিয়াছিলেন; বৃদ্ধা তাহাই পরিয়া রহিলেন। বালিকা একদিন স্বামীকে বলিলেন, “রাত্রে বৃদ্ধা ঘুমাইয়া কাহার সহিত যেন কথা কন,—বকেন, হাসেন, রাগেন, কাঁদেন, আপনিই উত্তর-প্রত্যুত্তর দেন।”

একদিন রাত্রিকালে প্রায় সাড়ে তিনটার সময়, অধোর বাবু এবং বালিকা উভয়েই বৃদ্ধার গৃহপার্শ্ব অলঙ্কো নিঃশব্দে দাঁড়াইয়া রহিলেন। দেখিলেন,—বৃদ্ধা ধোরনিদ্রায় অভিভূতা, অর্ধচ কণা কহিতেছেন। মিস্ত্রিতা কৌশল্যা বলিতেছেন,

“বাবা চিনিবাস ! এ বৎসর দোলে আমি শ্রীক্ষেত্র যাযো।
আমাকে একশত টাকা দিতে হুশে ।”

কৌশল্যা নিজেই চিনিবাস সাজিয়া উত্তর দিতেছেন.

“না, মা,—এখন অত টাকা কোথা পাব ?—তা বথের সময়
তুমি শ্রীক্ষেত্রে যোগো আ ?”

মা। না, বাছা,—দোলেই যেতে হবে। আমি মানসিক
করেছিলাম, তোর ছেলে হ'লে বাবা জগন্নাথের সোণার ডোণ
গড়িয়ে দিব—বাছা, বোকা এক বছরের হনো, আর কি
আমার শ্রীক্ষেত্র না যাওয়া ভাল দেখায় ?

পুত্র। আচ্ছা, মা, তাকি হবে—

মা। তবে নৌকে এই মানেই বাপের বাড়ী হ'তে নিচে
আয়,—আজ একমাস খোকর মুখের দেখি নাই—

পুত্র। মা, তুমি জুগদ্ধাণীশূজা কববে না ?—সেদিন
তুমি বললে, তাই আমি পুরুতঠাকুরকে চিঠি লিখে পাঠালাম—

মা। না বাছা—এ বছর আর কববো না—তুমি এক
বারে এত টাকা বোথায় পাবে ?—বাছা, বৌকে একখানি
ভাল বারাগঙ্গী কাপড় দিবার জন্য তোমাকে সেদিন এত কবে
ব'ললাম—তবু তুমি তাকে কাপড় কিনে দিলে না। মাগের
কথা শুনতে একেবারেই নাই, এমত ত কিছু শাস্ত্রের লেখা
নাই।

চিনিবাস হাসিলেন। অর্থাৎ কৌশল্যা অর্থাৎ চিনিবাসের
হইয়া হাসিলেন।

অঘোর বাবু দেখিলেন, বালিকা তাঁহার বাহুমূলে দিয়া কাঁদিতেছেন । সামী স্ত্রীর পৃষ্ঠে হাত দিয়া, সান্ত্বনাবাক্যে কহিলেন,—“তুমি কাঁদ কেন ?”

বালিকা (কাঁদ কাঁদ স্বরে) । বুড়ী আর বাঁচবে না— এই সময়, এক দিনের জন্মও যদি ওখ ছেলের সঙ্গে দেখা হ’তো—

এই বলিয়া বালিকা উচ্চরবে বোদন করিয়া উঠিলেন । সামী, “চুপ কর, চুপ কর”—বলিয়া অঞ্চলেব দ্বারা বালিকার চোখের জল মুছাইলেন । বালিকা বহুকষ্টে বোদন সম্বরণ করিলেন, অঘোর বাবু বলিলেন; “চিনিবাসকে পাইবার এখন ত কোনও উপায় দেখি না—পূজার পর নিশ্চয়ই কার্য্য উদ্ধার করিব ।” এই বলিয়া অকোবনাথ স্ত্রীর হাত ধরিয়া ধীরে ধীরে নিজ কক্ষে গমন করিলেন । কৌশল্যা কখন নীরব রহিলেন, কখন কথা কহিলেন । দিবসে কখন রা’ চিনিবাসের জন্ম কাঁদেন, কখন হাসেন, কখন বা কোন খাবার জিনিষ চিনিবাসের জন্ম আঁচলে বাঁধিয়া রাখেন । একদিন একরাশ থৈ বৃদ্ধা আঁচলে বাঁধিয়াছেন । থৈ-বাশির জন্ম বৃদ্ধার কণ্ঠ হইতেছে দেখিয়া, বালিকা তাহা আঁচল হইতে খুলিতে গেলেন । অমনি কৌশল্যা কাঁদিয়া আকুল—“আমার ছেলের উপর এত অযত্ন করিলে, আমি আর এ ঘরে থাকিব না ।” বালিকা তখন আঁচলের থৈ আবার আঁচলেই বাঁধিয়া দিলেন ।

বিংশ পরিচ্ছেদ ।

আগ্নিন মাস । দুর্গোৎসব । পূজার অবকাশে অবোর-
নাথ সপরিবারে ঘরে গেলেন । কৌশল্যা সঙ্গে রুহিলেন ।
অবোর বাবুর বাটী, হুগলী জেলার অন্তর্গত ক্ষুদ্র পল্লী-
গ্রামে ।

এক বৎসর পরে অবোর বাবু বাটীতে আসিয়া দেখিলেন,
গ্রাম অঙ্গলপূর্ণ । পথ গতাক্রান্ত-বিহীন । গুরুতর বর্ষা-
প্রভাবে চারিদিকে সুপিবনের রাজত্ব হইয়া উঠিয়াছে ।
বসুন্ধরা সমভাবে তৃণলতায় আচ্ছন্ন । স্পষ্টরূপে পথ চিনিয়া
লওয়া দুষ্কর । যেন ব্রাহ্মণগণের অনভ্যাস হেতু শ্রুতি-পথ
সকল লুপ্ত হইয়া আসিয়াছে—চারিদিকে য়েচ্ছের রাজত্ব ।
বর্ষাকালে কাহারিও মাটির প্রাচীর খানিক ভাঙ্গিয়া পড়ি-
য়াছে । মাঠে একহাঁটু জল খালে বিলে শ্রোত বহিতেছে ।
দেখিতে দেখিতে শরৎ ঋতুর সমাগমে আকাশ নির্মল হইল ।
মেঘ আর দেখা গেল না । চন্দ্র, কমনীয় কান্তিতে উদ্ভাসিত
হইয়া, বিমল স্তম্ভা বিতরণে প্রস্তুত হইল । বায়ু ঔদ্ধত্য পরি-
ত্যাগ করিল । পঙ্কিল জল নির্মল হইতে আরম্ভ হইল । স্বল্প-
জলবিহারী সদাঙ্গীড়নশীল মৎস্যসকল, শরৎসূর্য্যের তাপে জল
ধে মরিয়া আসিতেছে, তাহা বুঝিতে পারিল না ;—মুচু সংসারী
ব্যক্তি, পরমায়ু যে প্রত্যহ ক্ষয় পাইতেছে, তাহা কবে বুঝিয়া
থাকে ? ক্রমশঃ শরৎ ঋতু, বর্ষা-ঋতুর উত্তাপ হরণ করিল,

—দিব্যজ্ঞানের অভ্যুদয়ে, সত্তাই দেহাভিমানের তাপ বিনষ্ট হয়। রাজার শুভসমাগমে এক দম্ভা ব্যতীত, যাবতীয় লোক উৎফুল্লিত হয়,—মিঠেকড়া সূর্যাসমাগমে, কুমুদ্বতী ভিন্ন, যাবতীয় জলপুষ্প প্রফুল্লিত হইল। উৎসব আনন্দের দিন উপস্থিত—আনন্দময়ী ঘরে আসিবেন। ঘরে ঘরে, নূতন বস্ত্র, নূতন অলঙ্কার, নূতন আহারীয় সামগ্রী, পুত্র মায়ের নিকট নব-বন্দন-ভূষণে ভূষিত হইয়া, পথে পথে, ঠাকুর-বাড়ীতে খেলাইয়া বেড়াইতেছে। বৃদ্ধা বালিকাকে বলিলেন, “আমার চিনিবাসের কাপড় কৈ?” বালিকা একখানি ভাল কালা পেড়ে ধুতি আনিয়া দিলেন। ধুতি পাইয়া বৃদ্ধা বলিলেন, “আমার ছেলের জামা কৈ, জুতা কৈ?” বালিকা অমনি স্বামীর নূতন জুতা, নূতন জামা আনিয়া হাজির করিলেন! তখন বৃদ্ধা ধুতিখানি খুলিয়া সম্মুখে পুত্রবোধে, তাহা পরাইতে গেলেন। শেষে পুত্রকে খুঁজিয়া না পাইয়া, “আমার ছেলে কৈ?” বলিয়া গভীর আর্তনাদে বালিকায় গলা জড়াইয়া ধরিলেন। কৌশল্যা মুচ্ছিত হইয়া ভূতলে পড়িয়া গেলেন! বহুক্ষণ পরে আবার তিনি চেতন লাভ করিলেন। পূজার বাজনা বাজে, বৃদ্ধা বালিকাকে বলেন, “দেখ দিদিমণি। চিনিবাস আমার, বিয়ে করে, বৌ নিয়ে, বাজনা বাজায়ে ঘরে আসচে,—তুমি দিদি! বৌকে কোলে ক’রবে, আমি ছেলেকে কোলে কোঁরে আনবো।”

বালিকা।। তা আনবো হৈকি?

রুদ্ধ। কাল, ঐ বড় ঘরে ফুলশয্যা হ'বে। তুমি এখন থেকে ফুলশয্যার যোগাড় কর।

আরতির শাক বাজিল, কৌশল্যা বলিল, “ঐ বর এসেছে।”

এইরূপে আধিন গেল, কার্তিক আসিল। রুদ্ধার দেহ ক্ষীণ হইতে ক্ষীণতর হইতে লাগিল। কোন দিন ভাত খান, কোন দিন খান না,—কোন দিন বা বালিকা খাওয়াইয়া দেন। কোন দিন ভাত খাইতে বসিয়া রুদ্ধা বলেন, “আমি এতগুলো ভাত খেলে আমার চিনিবাসি খাবে কি? আমি দুমুঠোর বেশী ভাত খাব না—”গ্রাস দুই মুখে দিয়া সেদিন সমস্ত ভাত ফেলিয়া রাখেন।

কার্তিকমাসের শেষে অঘোর বারু আবার সপরিবারে কলিকাতা আসিলেন। তাঁহার কাজকর্ম দূরে গেল, কেবল চিনিবাসের অনুসন্ধানই তাঁহার একমাত্র ব্রত হইল। কার্তিক অতীত হইল, অগ্রহায়ণ আসিল,—কিন্তু চিনিবাস আসিলেন না। অবশেষে পৌষমাসের প্রথমে, চিনিবাস, রামমণি সমভিব্যাহারে কলিকাতায় শুভপদার্পণ করিলেন। বন্ধুবান্ধবকে বলিলেন, “এবার উত্তরপশ্চিম, পাঞ্জাব সম্পূর্ণরূপে দিগ্বিজয় করিয়া আসিয়াছি, কাশী, এলাহাবাদ, কাণপুর, লঙ্কৌ, দিল্লী, লাহোরে বহুতা অগ্নি ধু ধু জ্বালাইয়া আসিয়াছি, ভারত-উদ্ধারের জন্য বহুসহস্র টাকা চাঁদাও আদায় হইয়াছে।”

বন্ধুবান্ধবগণ চিনিবাসকে সাধু, সাধু, কহিতে লাগিল।

লবঙ্গলতা পত্রিকায় এই দ্বিবিজয়বার্তা সুবর্ণ অক্ষরে প্রকাশিত
হইল । ‘জনসাধারণ’ বলিল, “চিনিবাস স্বর্ণজন্মা পুরুষ ।”

ধুধুধু নৌবত বাজে রে ।

বরপুত্র সভ্যতার, চিনিবাস অবতার,
রাজা হৈল কলিকাতা মাঝে রে ॥

ভেঁ। ভেঁ। ভোরঙ্গ বাজে, ধাঁ ধাঁ ধামসা গাজে,
ঝাঁ ঝাঁ ঝম্ ঝম্ ঝাঁজে রে ॥

ঘড়ি বাজে ঠন্ ঠন্, ঘণ্টা বাজে রণ্ রণ
গন্ গন্ গজঘণ্টা গাজে রে ।

সিপাহী সহায় হাঁকে, নকীব সেলাম ডাকে,
দেওয়ান বসিল কাজে রে ॥

নবগুণে নবরসে, ভুবন ভরিল যশে,
চাঁদের কলঙ্ক হইল লাজে রে ॥

নগরে আনন্দলহরী । নিকামধর্ম চিনিবাস রাজা হইবেন ।
পাছে ভারতেশ্বরী ভিক্টোরিয়া মর্মে ব্যথা পান, বড়লাট দুঃখিত
হন, ছোটলাট কান্দেন ;—এই ভয়ে শ্রীযুক্ত চিনিবাস বন্দো-
পাধ্যায় মহাশয়, (নিতান্ত অনিচ্ছা-সত্ত্বেও) জনক ঋষির ন্যায়,
নিকামভাবে রাজা-উপাধি গ্রহণ করিবেন বলিয়াছেন ।

আজ ঘোষণার দিন । চিনিবাস যে রাজা হইবেন, অদ্য
তাহাই কলিকাতাবাসীর নিকট তিনি নিকামভাবে ঘোষণা করি-
বেন । তাই তাঁহার ঘূহে আজ মহা মহোৎসব । পতপত পড়ে
পতাকা উড়িতেছে,—তাহাতে লেখা আছে ; “নিকামধর্ম চিনি-

বাঁস রাজা ।” অত্যাচ্ছ তোরণে নহবৎ বাজিতেছে ; কোথাও বা রোসন-চৌকির মধুর আলাপে মন মাতাইয়া তুলিয়াছে ; কোথাও বা গড়ের বাদ্যে বিজয় ঘোষণা করিতেছে । গৃহদ্বারে কদলী রক্ষ, মঙ্গলবট, বন্ধান হইয়াছে ; আমের শাখা টাঙ্গান হইয়াছে ; দ্বারদেশ হইতে গৃহাভ্যন্তর পর্য্যন্ত চলন-পথটা লাল কার্পেটে মোড়া হইয়াছে ।

গৃহমধ্যে প্রকাণ্ড প্রাসঙ্গে এক বিচিত্র চন্দ্রাতপ ঋতান হইয়াছে ! সাদা, লাল, নীল রঙের ঝাড়-লগ্নন ঝুলিতেছে । সেই চন্দ্রাতপে এই কয়টি কথা খুব বড় বড় অক্ষরে লিখিত আছে ।—

“যতো ধর্ম্মন্ততো জয়ঃ ।”

“ব্রহ্মকৃপা হি কেবলম্ ।”

“কন্যাপোষ, পালনীয়ী শিক্ষণীয়াত্যয়তঃ ।”

“অহিংসা পরমো ধর্ম্মঃ ।”

উঠান টা প্রথমত লাল কার্পেট মোড়া, তার উপর কোথাও চেয়ার টেবিল, কোথাও সোফা, খাট ;—কোথাও বা যাজ্জিম-পাতা ঢালা বিছানা । উঠানের এক কোণে কতকগুলি বিলাতী বাদ্যযন্ত্র—গিয়ানো, হারমোনিয়ম, কুন্সুট, জয়ঢাক ইত্যাদি ।

আজ হবে কি ? টিনিবাসমাজ্জার গৃহে আজ কলিকাতার জনসাধারণ নিমন্ত্রিত । তদুপলক্ষে সংসঙ্গীত, সৎনাচ, সং-আমোদ-প্রমোদ হইবে । দেশীয়দের সম্মান বজায় রাখিবার

জন্য চিনিবাসরাজ, অদ্য কতকটা দেশীয় ভাব বজায় রাখিয়া-
ছেন। কতকগুলি বিলাতীয় বস্তুও নিমন্ত্রিত হইয়াছেন ;
তাঁহাদের জন্য সমস্তই বিলাতীভাবে প্রস্তুত আছে। ফল কথা,
বোঁবাজারের শ্রীযুক্ত ভীম বাবু এবং উইল-সেন্ সাহেব,
আজ একই গৃহে অবস্থিত।

কিকপ আমোদ হইবে, তাহা লইয়া ভারি বাদ্যবাদ হয়।
বাইনাচ, খেমটানাচ—কুরুচি। থিয়েটার কুরুচি—কারণ
তাহাতেও বেষ্ঠা-স্ত্রীলোক থাকে। যাত্রার দল—অসভ্যতা
পূর্ণ,—এবং উহাতে মিথ্যা কথার প্রশয় দেওয়া হয়,—কারণ
তথায় পুরুষ স্ত্রীবৎ গোষাক পরিয়া আপনাকে স্ত্রীলোক
বলিয়া পরিচয় দেয় ;—জালকরা, পিনালকোর্ড অনুসারে
দণ্ডনীয়। শেষে ঠিক হইল, কোল শিক্ষিতা-মহিলাগণের
পবিত্র সঙ্গীত হইবে। একজন এ প্রস্তাবটি অর্দ্ধপ্রতিবাদ করিয়া
বলিলেন, “সঙ্গীত হউক ক্ষতি নাই,—কিন্তু ইহাতে আর নূতনত্ব
নাই।” একজন বিলাত প্রত্যাগত সুসভ্য যুবক এইরূপ প্রস্তাব
করিলেন ;—“এরূপ সমারোহ কাণ্ডে বিলাতে রাজগণ “বল”
দিয়া থাকেন। অতি পবিত্র নৃত্য। শিক্ষিত সভ্য যুবতী কুল-
বধূগণ শিক্ষিত সভ্য কুলতিলকগণের হাত ধরিয়া স্বঙ্গ ধরিয়া
পায়ে পা দিয়া, অত্যন্ত পবিত্র মনে নৃত্য করিতে থাকেন।
অদ্য এই মহোৎসবে বল নাচাই হউক।” একজন দেশীশিক্ষিত
বলিলেন, “ইহাতে কুরুচির ঐক্য-আমেজ আসিতেছে নয়?”
সেই বিলাত প্রত্যাগত সভ্য, হো হো হাসিয়া উঠিলেন এবং

সেই হাসিতে অনেকেই যোগ দিলেন। বিলাত প্রত্যাগত ব্যক্তি বলিলেন, “যাহাঁ সভাদেশ-সম্মানিত, তাহা সর্বথা পূজনীয়। উহাতে কোনরূপ দোষের আশঙ্কা থাকিলে কখনই ১৯টা সভাদেশে উহা প্রচলিত হইত না। কেবল মনটিকে পবিত্র করিয়া ঐ কার্যে প্রবৃত্ত হও, কোন দোষ নাই। আমাদের মধ্যে কোন্ নরনারীর মন অপবিত্র?—কাহারো নহে। কোন্ নরনারীর মনে দ্বিভাব আছে?—কাহারো নহে। কোন্ নরনারীর হৃদয়ে বিশ্বজননীর প্রেম অক্ষিত হয় নাই?”—“সকলেরই।” সভাস্থ সকলেই বলিলেন,—“সকলেরই।” যিনি প্রতিবাদ করিয়াছিলেন, তিনিও বলিলেন, “সকলেরই।” বিলাতে যখন “বলনাচ” আছে, তখন আগারও ইহাতে মত আছে। সভাদেশের দৃষ্টান্ত অনুকরণীয়। কোন্ ওভদিনে বঙ্গের পাড়ায় পাড়ায় এই নাচ আরম্ভ হইবে, আমি এখন কেবল তাহাই ভাবিতেছি।”

প্রস্তাব অনুমোদিত হইলে, রাজভবনে বল নাচেরই আয়োজন হইতে লাগিল। নরনারীকুল নাচের পোষাক পরিতে আরম্ভ করিলেন। তবকে তবকে ফুলের রাশি চারিদিকে পড়িতে লাগিল। গোলাপজল, লাভেণ্ডার, অডিকলোম প্রভৃতি জলীয় পদার্থের বর্ষণ সুরু হইল। মহোৎসব-উৎসাহে মহিলাকুলের মধুমুখের মধু-মাখা কথায়, আসর মাং হইয়া উঠিল; পরেশপাথর পুরুষকুলও প্রকৃতির সেবার কার্যপন্নতা দেখাইতে গেলেন। কোন কামিনী কৌতুক করিয়া কোন পুরুষের

পাত্রে গোলাপফুল ছুড়িয়া মারিলেন। পুরুষপ্রবর সেই কোমলকামিনী-হস্তপ্রাক্ষিপ্ত নিজ-অঙ্গ-ঘর্ষিত, ভূ-পতিত, গোলাপপুষ্পটিকে কুড়াইয়া লইয়া একবার চুম্বন করিয়া, আপন বক্ষে তাহা ধারণ করিলেন। কোন মধুরহাসিনী, ঈষৎ-কর্ণাভরণ ঢুলাইয়া, আড়খেমটায় তালে তালে পা ফেলিয়া নীরবে প্রস্থন্নভাবে, কোন পুরুষের পশ্চাৎ প্রদেশে উপস্থিত হইয়া অলক্ষ্যে তাঁহার গলদেশে বেলফুলের মালা পরাইয়া দিলেন। পুরুষ-প্রাণ টমকিল। তিনি ফিরিয়া দেখিলেন, যেন ফুসময়ী বাসন্তীলতা গর্গোরবে স্ফীত হইয়া, মলয়ানিলের মন্দ মন্দ হিল্লোলে, ঝুতুঝুতু জুলিতেছে। তখন পুরুষ, নয়নদ্বয় অর্ধ-মুদ্রিত করিয়া, কৃতাজ্জলিপুটে স্তব আরম্ভ করিলেন,—

“হে দিবি ! হে স্বরস্বন্দরি ! 'হে বিলোল-লোচনি ! তুমি কে, আমায় পরিচয় দাও। ভাগীরথী দেবীকে ভাদ্রমাসে ভরা দেখিয়াছি, নন্দনকাননে অমৃতময়ী অম্বরার মনোমোহিনী মূর্তি দেখিয়াছি ; কিন্তু এরূপ অনন্ত রূপের মহাসাগর কখন নিরীক্ষণ করি নাই। রূপসাগরের তরঙ্গ যেন, বেলাভূমি অতিক্রম করিয়া, আমাকে গ্রাস করিতে আসিতেছে ! দেবি ! দয়া করিয়া বল, আমাকে কোন্ কার্য সাধন করিতে হইবে ? বিশালাক্ষি ! আর নীরব থাকিও না ; শীঘ্র বল, তোমার কোন্ প্রিয়কর্ম আরম্ভ করিব ? যদি কোন অবধ্য ব্যক্তিকে বধ করিতে হয়, অথবা যদি কোন বধ্য ব্যক্তিকে মুক্ত করিতে হয়, তাহাও তোমার সন্তোষের নিমিত্ত করিতে প্রস্তুত আছি।

সুন্দার! আমার যাহা কিছু ধন সম্পত্তি আছে, তুমি তৎ-
সমুদায়েরই অধীশ্বরী—আমি ও আমার অনুচরবর্গ সকলেই
তোমার বশবর্ত্তী। অবনীমণ্ডলের মধ্যে যত উত্তম উত্তম
রত্ন আছে, তন্মধ্যে তুমি যাহা প্রার্থনা কুর, বল; তাহাই
প্রদান করিতেছি। দেবি! একটীমাত্র কথায় মনের ভাব
প্রকাশ কর। বরং জলবর্ষণ না হইলেও সংসারযাত্রা নির্বাহ
হইতে পারে, দিবাকর উদিত না হইলেও বরং ব্যবসা বাণিজ্য
নির্বাহ হইতে পারে, জগৎপ্রাণ অনিল ব্যতীত বরং লোকপাল
জীবিত থাকিতে পারে; পরন্তু তোমার অধর-পদ্ম-প্রস্ফুটিত
সুধামাখা একটা কথা ব্যতীত কোন ব্যক্তিই জীবিত থাকিবে
না।” কিন্তু রমণী কোন কথাই কহিলেন না—কেবল একটা
ফুলের তোড়া লুফিতে লুফিতে অন্য দিকে চলিয়া গেলেন।
পুরুষ নিকটস্থ সোফায় পড়িয়া গিয়া, বোধ হয় চৈতন্য হারাই-
লেন। আবার ওদিকে দেখ, কোন তুষাতুরা কামিনীর জন্য
কোন পুরুষ গোলাপী সরবত লইয়া ধাবিত হইয়াছেন; কোন
হিমাঙ্গিনীর চা তুলিয়া খাইতে সাধ হওয়ায়, পুরুষ গরম গরম
চা, চাম্চে করিয়া, কামিনীর অধরে ঢালিয়া দিবার স্থানুভব
করিতেছেন। কোন কোন পদ্মিনী সভামধ্যে বিষম সর্দি-
রোগে আক্রান্ত হওয়ায়,—সুচিকিৎসক লালবর্ণ দ্রবময় মহা-
মধুর ব্যবস্থা করিয়া দিলেন

বিজয় ব্যাণ্ড বাজিয়া উঠিল। নরনারীর নাচ আরম্ভ
হইল। দিক্ সুপ্রসন্ন হইল। আকাশের কালো মেঘ

কাটিয়া গেল । চন্দ্র হাসিল । জয় জয় রবে ভুবন ভরিল ।
এ সময় রাজা চিনিবাস কোথায় ? গুরুতর কর্তব্য অরুরোধে
তিনি আজ নাচে যোগ দিতে পারেন নাই । অন্য তিন
স্বয়ং গৃহদ্বারে দাঁড়াইয়া নিমন্ত্রিত, আগন্তুক, অতিথিগণকে
সমস্ত্রমে আহ্বান করিতেছেন । পাছে কাহারও অমর্যাদা
হয়, এই ভয়ে তিনি নিজে দ্বারে থাকিয়া সস্ত্রাষণ-কার্যের
ভার লইয়াছেন । নিকাম-ধর্ম্মের কি অনির্বচনীয় প্রভাব !
রাজ্যে আজ লক্ষাধিক টাকা ব্যয় ;—কিন্তু স্বয়ং চিনিবাস-
রাজ আজ নিকাম,—আট আনা মূল্যের ঠেটিখান ধুতি
পরিয়াছেন,—হাঁটুর উপর, সে কাপড় উঠিয়াছে,—পায়ে তাল-
তলার চটী,—কাঁধে মুড়িশেলাই চাদর, হাতে একগাছি কঙ্কির
ছড়ি । চিনিবাস-রাজের পার্শ্বদেশে কয়েকটি অরুচর ছিল,—
তাহারা সকলে উজ্জ্বল বসন-ভূষণে বিভূষিত । সমগ্র রাজ-
পুতানা উজাড় করিয়া সে পোষাকের সৃষ্টি হইয়াছে । কাহারও
পোষাকে স্বর্বা হীরক ঝকিতেছে । কাহারও পাগড়ীতে
নোণার প্রজ্জাপতি বসান আছে । সাল, কিংখাপ, সাটীনের
জ্বাক হইয়াছে । তাহাদিগকে দেখিলে মনে হয় যেন, পোষাক
পরিবার জন্মই তাহারা ধরাধামে অবতীর্ণ হইয়াছেন । তাহা-
দের মধ্যে কেহ নবজুপতির উদ্দেশে বলিতেছেন, “মহারাজ !
অন্য আপনার এ সামান্য বস্ত্র পরিধান করা উচিত নহে ।
আপনি একবার স্বাস্থ্যবেশ পরুন, আমরা একবার নয়ন সার্থক
করি ।”

মবভু শতি ঈবং হানিয়া বলিলেন,—“আমি নিকামধন্য পুরুষ,—আমি কামনাশূন্য হইয়া সমস্ত কাজই করিয়া থাকি । সুতরাং আমার আড়ম্বরময় পোষাকে কাজ কি ? আমার পাশ্কে সব সমান ।”

সকলে সম্মুখে বলিয়া উঠিলেন, “ধন্য, ধন্য ! এ মাষামগ মহোতলে একমাত্র আপনিই ধন্য !—কিন্তু আমাদের ক্ষুদ্র মন বুঝে না, তাই বলিতেছি,—একবার, দশ মিনিটের জয় মেড বিলাতি কারিকুব-গিনিম্বিৎ রাজবেশে পরিধান করিয়া প্রচলিত খুয়ের আনন্দার্জন করুন ! মহারাজ ! সূর্যোদয়ে কমলের ন্যায় আমাদের হৃদয়-কমলকে প্রস্তুত করুন ।”

মহারাজ আবার হানিয়া বলিলেন, “হে অমুচরবর্গ ! লোক-আনন্দবর্জনের নিমিত্তই আমার রাজ-ব্রত গ্রহণ—আমাব নিজের কিছুতেই স্পৃহা নাই । কিন্তু শ্রীশ্রীমতী সংস্কৃত-ভাষিণী মহাদেবী ভগিনী রামমুণির এ বিষয়ে অনুমতি নাই ।”

অমুচরবর্গ ঘোড় হাতে আবার বলিলেন,—“মহারাজ ! এ দাসগণের এক শেষ-অনুরোধ আছে । আপনি রাজ-চিহ্ন-স্বরূপ সেই মুকুটটি মাথায় পরুন ;—আমাদের কষ্টের বহু পরিমাণে লাঘব হইতে পারে ।” চিনিবাস-রাজ বলিলেন, “তোমাদের মনে আমি আর কষ্ট দিতে চাহি না—তাহাই হউক ।”

তখন অমুচরবর্গ আনন্দগনে বহুখুল্য রাজমুকুট আনিয়া সেই চটীজুতা-ঠেঁটিখান-মুড়িশেলাই-চাদর-বিশিষ্ট চিনিবাস-

রাজের মন্তকে তাহা পরাইয়া দিল । একখানি পাতি মৌর মাথায় দিয়া আসিয়া, রেলিভাতা-ভবনের থানধুতি-পরিধানা নিরাভরণা ভগিনী রামমণি চিনিবাস-রাজের বামে আসিয়া দাঁড়াইলেন । অনুচরবর্গ ও “নিকামধর্ম্য” অঙ্কিত একখানি লাল কাপড় ধরিয়া রহিল ।

এদিকে অথোর বাবু কেবল সুবিধা সুযোগ খুঁজিতেছিলেন । অদ্য চিনিবাসের রাজ-উৎসব বুঝিতে পারিয়া, স্থির করিলেন—সাক্ষাতের অদ্যই শুভ দিন । কোশল্যাকে গিয়া বলিলেন, “আজ তোমার ছেলের সঙ্গে দেখা হবে—আমার সঙ্গে—চল ।” বৃদ্ধা যেন আকাশের চাঁদ হাতে পাইলেন । মুখ দিয়া কথা সরিল না—ভাবাগ্নিতে কথা, দ্রব হইয়া জল-চ্ছলে চোখ দিয়া বাহির হইল ।

অথোর বাবু নিজগৃহ হইতে কলিকাতায় আসিয়া পৌঁছিলে পর নিয়মিত গঙ্গাস্নান এবং স্নানিয়মে আহারাদি করিয়া একটু যেন সুস্থ হইয়া উঠিলে বৃদ্ধা তত আর প্রলাপ বকিতেন না ।

শুভসংবাদ গাইয়া আনন্দাশ্রু বিসর্জন করিতে করিতে বৃদ্ধা পুত্রদর্শনে গমনোদ্যত হইয়া সজ্জা করিতে লাগিলেন । ছেলের জন্ম সেই পূজার সময়ের কালাপেড়ে কাপড় জামা এবং ছুতা—একখানি রুমালে স্বহস্তে বাঁধিতে লাগিলেন । বাঁধা ভাল হইতেছে না দেখিয়া, বালিকা তাহা বাঁধিয়া দিতে গেলেন । বৃদ্ধা বালিকাকে দ্বি-চেলিয়া দিয়া হাসিকান্নামিশ্রিত সুরে বলিলেন, “দিদিমণি ! আজ আমি ছেলের জিনিস

কাহাকেও বাঁধিতে দিব না।” চিনিবাস বাল্যকালে খৈচুর ভালবাসিত। কোশল্যা এক হাঁড়ি খৈচুর লইলেন। বাছা ৬ বছর ভাল আম খাইতে পায় নাই বলিয়া রুক্ষা মিষ্ট আমেব চারিখানি আমসত্ত্ব সংগ্রহ করিলেন। একটী ক্ষুদ্র পাতলা কাঁসার বাটী ছিল; ছেলেবেলায় সে বাটীতে চিনিবাস দুধ খাইতে ভালবাসিত;—অন্য বাটীতে দুধ দিলে চিনিবাস ঘাগ করিত। সেই বাটীটীও রুক্ষা সঙ্গে লইলেন।

ঘোড়গাড়ী আসিয়া দ্বারে লাগিল। অঘোর বাবু কোশল্যাকে বলিলেন, “শীঘ্র এস, গাড়ী আসিয়াছে।” খৈচবেব হাঁড়ী, কাপড়ের বস্তা প্রভৃতি সমস্তই গাড়ীতে তোলা হইল। তখন রুক্ষা বালিকার বদন চুম্বন করিয়া বলিলেন, “দিদিমণি। তুমি জন্ম এয়েস্বী হও,—এক বছরের মধ্যে একটী ছেলে হোক, পাঁচ সাত দিন অপর তুমি আমার খবর নিও—তোমাকে না দেখলে আমি বাঁচবো না।—”

বালিকা কাঁদিতে কাঁদিতে রুক্ষাকে প্রণাম করিলেন।—রুক্ষা আশীর্ব্বাদ করিলেন,—“তোমার স্বামী চিরজীবী হউন, তুমি সংসন্তানের মা হও। দিদিমণি ছেলে না হওয়াব এক দোষ—লোকে বাঁজা বলে। কিন্তু কু-সন্তান হ'লে প্রতাহ সহস্র-বিছার দংশন-জ্বালা ভোগ করতে হয়।—সে ঘা'হোক, আমার চিনিবাসের বিয়ের সময়, একমাস পূর্বে যেয়ে তোমাকে কাজকর্ম করিতে হইবে।”

অঘোর বাবু পুনরায় শীঘ্র আসিবার জন্য ডুরা দিলেন।

কৌশল্যা বাটার দ্বার পর্য্যন্ত বালিকার হাত ধরিয়া লইয়া গেলেন। শেষে কাদিতে কাদিতে, বালিকার হাত ধরিয়া গাড়ীতে উঠিলেন। অন্য সময়ে, কৌশল্যাকে ধরিয়া গাড়ীতে তুলিতে হইত ; অদ্য তিনি স্বয়ং সজোর গাড়ীতে উঠিয়া পড়িলেন। অঘোর বাবু এবং ডাক্তার বাবু উভয়েই তখন গাড়ীর ভিতর প্রবেশ করিলেন। কোচম্যান গাড়ী হাঁকাইল। অর্ধঘণ্টার মধ্যে চিনিবাসের রাজভবনের সম্মুখে গাড়ী উপস্থিত হইল।

চিনিবাস-রাজ সেইরূপই ঠেঁটি-খান কাপড় পরিয়া, মাথায় নিকামভাবে মুকুট আঁটিয়া লোকসন্তোষার্থ, দ্বারদেশে দণ্ডায়মান।

কৌশল্যা, বহুদিন পরে দূর হইতে সন্তানের মুখাবলোকন করিয়া দ্রুতপদে গাড়ী হইতে নামিয়া, নক্ষত্রবেগে চিনিবাস-অভিমুখে ছুটিলেন। চক্ষুর পলক ফেলিতে না ফেলিতে বৃদ্ধা “বাবা চিনিবাস” বলিয়া মহা আর্তনাদে পুত্রের গলা জড়াইয়া ধরিলেন। চিনিবাস ভীত, চমকিত, “শশব্যস্ত, বিব্রত। মুখ দিয়া আর ভাল কথা বাহির হয় না ; তিনি “কে তুমি, কে তুমি” বলিয়া কৌশল্যাকে ঝাড়িয়া ফেলিবার উপক্রম করিলেন। অঘোর বাবু, বলিলেন, “চিনিবাস বাবু, আপনার মা এসেছেন”—

কৌশল্যা চিনিবাসের গলা ধরিয়া বলিতে লাগিলেন, “বাবা চিনিবাস ! এত দিন কি মাঝে ভুলে থাকিতে হয় বাছা ?—”

পার্ব্বতী অনুচরগণ বিশ্বাসিত হইল । তখন মহাদেবী রামমণি ক্রোধে দত্ত কিটিমিটি করিয়া, রক্তচক্ষু ঘরাইয়া চিনি-বাসকে বলিলেন, “রাজন্ ! কিং করিতছং—ইয়াং রুদ্রাং দুষ্টাং পাপিনিং ভিখারিণীং পদাঘাতং রুদ্রাং,—দূরং কুরু,—দূরং কুরু—”

চন্দ্র, সূর্য্য, বৈশ্বানর, গ্রহ, নক্ষত্র—সকলে সাক্ষী হও । কলিকালে, কলিকাতায় ঊনবিংশ শতাব্দীর শেষভাগে এক অভূতপূর্ব ঘটনা ঘটিল । মহাগুরু প্রধানা ভগিনী রামমণির কথা শুনিয়া চিনিবাস, কোশলে কোশল্যার হস্ত নিজ গলদেশে হইতে ছাড়াইয়া বলিলেন, “দারোয়ানজী, এই পাগলীকে ইয়াসে জন্দি নিকালো—”

কোশল্যা কিছুই বুঝেন নাই “বলিলেন বাছা চিনিবাস ! তোর মুখ এত শুকনো কেন ?—”

চিনিবাস তখন রামমণির হাত ধরিয়া দ্বারদেশ ছাড়িয়া অন্তরাভিমুখে পলায়ন-পরায়ণ হইলেন ! রুদ্রা আর্তনাদ করিতে লাগিলেন, “বাবা চিনিবাস ! তুই বুড়ীকে ফেলিয়া আবার কোথা যাস ?”—এমন সময় দ্বারবান আসিয়া রুদ্রার গলা সজোরে বিষম টিপিয়া ধরিয়া বলিল, “ভাগো—ইয়াসে ।”


জরাজীর্ণা, ক্ষীণা, দীনা রুদ্রা গলায় দারুণ আঘাত পাইয়া, মুচ্ছিতা হইয়া ভূতলশায়িনী হইলেন । মুখ দিয়া কেন উদগত হইতে লাগিল । চক্ষু কপালে উঠিল । অঙ্গ স্থির হইল । এক

মিনিটের মধ্যে প্রথম হইতে শেষ পর্য্যন্ত—এই সমস্ত ঘটনা ঘটিল।

অথোর বাবু এবং ডাক্তার বাবু ধরাধরি করিয়া সেই পুত্র-ময়প্রাণা কোশল্যাকে নিমন্ত্রণের ঘাটে লইয়া গেলেন। তথায় সুশীকৃত চন্দনকাষ্ঠের মধ্যে বুদ্ধার জ্বালাময় দেহ ভস্মীভূত হইল। সেই বালিকা ঈশ্বরের নিকট প্রার্থনা করিলেন। “আমার যেন কখন পুত্র সন্তান না হয়।”

চিনিবাসের রাজত্ব ক্রমশঃ বৃদ্ধি পাইতে লাগিল। সত্য-ধর্ম্মের ফুল ফুটিল। সমগ্র ভারতবাসীর প্রেমে চিনিবাসের মন মজিল।

আদিলীলা সমাপ্ত ৭



বিজয়া বটিকা।

বিজয়া বটিকা এবং কুইনাইন।

কুইনাইন সেবনে যে জ্বর যায় না, বিজয়া বটিকায় সহজেই তাহা আরাম হয়। দশ পনের দিন অন্তর পুনঃপুনঃ জ্বর-রোগে যিনি কষ্ট পাইতেছেন, বিজয়া বটিকা তাঁহার জ্বররোগে ব্রহ্মান্ত্র-স্বরূপ।

বিজয়া বটিকার অলৌকিকত্ব।

রোগীর নাড়ীতে ২৪ ঘণ্টাই জ্বর আছে, প্লীহার কামড়ানি এবং যকৃতের টাটানিতে রোগী অস্থির হইয়াছে, রোগীর হাত মুখ পা পর্য্যন্ত ফুলিয়াছে, চক্ষু হরিদ্রাবর্ণ হইয়াছে ;—এমন বিবিধ ব্যাধিগ্রস্ত রোগীও বিজয়া বটিকা সেবনে আরোগ্য হইতেছেন ;—অথচ এদিকে আপনার জ্বরজ্বালা কিছুই নাই,—প্লীহা যকৃত নাই ;—সহজ শরীরে আপনি বিজয়া বটিকা সেবন করুন, আপনার ক্ষুধা বৃদ্ধি হইবে, পুরুষত্ব বৃদ্ধি হইবে এবং লাভণ্য বৃদ্ধি হইবে। হুতরাং বিজয়া বটিকাকে অভূত-পূর্ব অলৌকিক শক্তিশ্বর ঔষধ কে না বলিবে ?

এলোপ্যাথি, হোমিওপ্যাথি ও হাকিমি বিফল।

রোহিলখণ্ডের অন্তর্গত রামপুর ষ্টেটের হাইস্কুলের প্রিন্সিপাল, বি, সিংহ কি লিখিয়াছেন দেখুন,—

“যথাক্রমে এলোপ্যাথি, হোমিওপ্যাথি, এবং হাকিমি মতে দীর্ঘকাল ধরিয়া চিকিৎসা করিয়াও যে সকল রোগীর আদৌ কোন ফল হয় নাই, ইতিপূর্বে আপনার নিকট হইতে যে এক কোঁটা বিজয়া বটিকা অনাইয়াহিলাম, তাহা তাহা-দিগের পক্ষে যেন মস্ত-শক্তির ন্যায় কার্য্য করিয়াছে।”

পঞ্জাব প্রদেশস্থ উকীলের পত্র।

পঞ্জাব প্রদেশস্থ লাহোরের প্রধান বিচারালয়ের সুপ্রসিদ্ধ উকীল শ্রীযুক্ত বাবু অমৃতলাল দ্বায়, বি, এ, বি, এল্ মহোদয় ইংরাজীতে যে পত্র লিখিয়াছেন, তাহার ভাবার্থ এইরূপ,—

“আপনার সুপ্রসিদ্ধ ‘বিজয়া বটিকা’ দ্বারা আমি যে অসামান্য উপকার লাভ করিয়াছি, তজ্জন্য আপনাকে আনন্দ-সহকারে ধন্যবাদ প্রদান করিতেছি। প্লীহা ও যকৃৎ সংযুক্ত বহু দিনের পুরাতন জ্বর এবং বার্তজ্বর, অগ্ন্যান্য অনেক রকম ঔষধে যাহা আরোগ্য করিতে সমর্থ হয় নাই, আপনার বিজয়া বটিকা দ্বারা তাহা আরোগ্য হইয়াছে। অনুগ্রহ করিয়া সত্ত্বর তনু-বিজয়া বটিকার এক কোঁটা ভিঃ পিঃতে পাঠাইয়া দিবেন।”

ডেপুটী-মাজিষ্ট্রেটের পত্র।

গভীর শোথযুক্ত ফোঁড়া হওয়ায়, আমি বিষম জ্বরে ভুগিতেছিলাম। ডাক্তারী চিকিৎসায় কোন ফল পাই নাই; অবশেষে আপনার বিজয়া বটিকা সেবন করিয়া, সম্পূর্ণরূপে আরোগ্য হইয়াছিলাম। সেই অবধি বিজয়া বটিকার উপর আমার প্রগাঢ় ভক্তি। ইহা উৎকৃষ্ট টনিক। ইহা সেবন করিলে, স্বচন্দ্রে কোষ্ঠ খোলসা হয়,—জ্বর এবং সর্দি শরীরে আসিতে দেয় না।

শ্রীশ্রীনাথ গুপ্ত, ডেপুটী মাজিষ্ট্রেট, খুলনা, বঙ্গদেশ।

বিজয়া বটিকার মূল্যাদি।

বটিকার	সংখ্যা	মূল্য	ডাঃমাঃ	প্যাকিং	ভিঃপিঃ
১নং কোঁটা	১৮	১১/০	১০	৯/০	১০
২নং কোঁটা	৩৬	১৮/০	১০	৯/০	১০
৩নং কোঁটা	৫৪	১১১/০	১০	৮/০	১০

বিশেষ বৃহৎ—গার্হস্থ কোঁটা অর্থাৎ

৪নং কোঁটা	১৪৪	৪১০	১০	৮/০	১০
-----------	-----	-----	----	-----	----

বি, বসু এণ্ড কোং

৭৯ নং হারিসন রোড, কলিকাতা।

বি, বসু এণ্ড কোম্পানীর

সালসা ।

সালসার প্রশংসা-পত্র ।

১ম পত্র ।

মধ্যভারত গোয়ালিয়া রাজ্যের লস্কর হাঁসপাতালের এসি-
ষ্ট্যান্ট সার্জেন শ্রীযুক্ত বিহারীলাল ঘোষ মহাশয় আমাদের
হাতীমার্কী সালসা সম্বন্ধে ইংরাজীতে যে পত্র লিখিয়াছেন,
তাঁহার ভাবার্থ এইরূপ,—“মহাশয় ! বাজাবে যত প্রকার
সালসা পাওয়া যায়, তন্মধ্যে বি, বসু এণ্ড কোম্পানীর সালসা
সর্বোৎকৃষ্ট । ইহা আমি স্বয়ং উত্তমরূপে ব্যবহার করিয়া
জানিয়াছি । আমার ধারণা পাকস্থলী সবল করিতে ইহা
অদ্বিতীয় মহৌষধ । আমি দীর্ঘকাল ধরিয়া অগ্নিমান্দ্য ও বহু-
মূত্র রোগে কষ্ট পাইয়া আসিতেছি ; কিন্তু আপনার সালসা
ব্যবহার করা অবধি অনেক পরিমাণে ভাল আছি । আমি
মুক্তকণ্ঠে বলিতেছি, আপনার সালসা আশ্চর্য্য ক্ষমতালালী ।”

২য় পত্র ।

আমি আপনাদের (বি, বসু এণ্ড কোম্পানীর) হাতীমার্কী
সালসা সেবন করিয়া বাতরোগে বিশেষ উপকার পাইয়াছি ।
ইতিপূর্বে অনেক রকম চিকিৎসা করিয়াও, এই বাতরোগ
হইতে মুক্তিলাভ করিতে পারি নাই । আর কিঞ্চিৎমাত্র বাতের
কস্বর আছে । এই লোক মাং তনু দুই শিশি সালসা

• হাতীমার্কী সালসা—৭৯নং হারিসন রোড, কলিকাতা । ৫

পাঠাইবেন । আমার একটা ছেলে খোস-পাঁচড়ায় অনেক দিন
হইতে কষ্ট পাইতেছিল, আপনার সুস্বাদু সালসা তাহাকেও
খাওয়াইতেছি । তাহারও অনেক উপকার হইয়াছে ।

শ্রীদেবেন্দ্রবিজয় বসু । মুসেফ, উলুবেড়িয়া, হুগলী ।

৩য় পত্র ।

আপনাদের সালসা সেবনে বিশেষ উপকার পাইয়াছি ।
ইহা যে ক্ষুধারন্ধি, ধাতুপুষ্টি ও রক্ত পরিষ্কার করিতে পারে,
তাহাতে সন্দেহ নাই । বাস্তবিক আপনার সালসা অতি উপা-
দেয় জিনিষই হইয়াছে, তজ্জন্ম আপনারদিগকে ধন্যবাদ দিই ।
যাঁহারা রক্তপরিষ্কার, ক্ষুধারন্ধি ও ধাতুপুষ্টির বাসনা করেন,
তাঁহাদিগকে একবার বি, বসু এণ্ড কোম্পানীর সালসা সেবন
কবিত্তে অনুরোধ করি ।

শ্রীযতীন্দ্রমোহন সেনগুপ্ত জমিদার, পোঃ চৌদ্দগ্রাম, ত্রিপুরা ।

হাতীমার্কী সালসার মূল্যাদি ।

	মূল্য	ডাঃমাঃ	প্যাঃ	ভিঃ
১নং আধপোয়া শিশি	১১/০	১০	৮/০	১০
২নং একপোয়া শিশি	১৩/০	১০	৮/০	১০
৩নং দেড়পোয়া শিশি	১৫/০	১০	৮/০	১০

বি, বসু এণ্ড কোং

৭৯নং হারিসন রোড, কলিকাতা ।

বি, বসু এণ্ড কোম্পানীর

ফুলেলা ।

মহাসৌরভময় উপকারক তৈল ।

ফুলেলার প্রশংসা-পত্র ।

১ম পত্র ।

কলিকাতা হাইকোর্টের সূক্ষ্মদর্শী প্রসিদ্ধ উকীল এটর্নী শ্রীযুক্ত হীরেন্দ্রনাথ দত্ত এম, এ, বি, এল, মহোদয় ফুলেলা সম্বন্ধে কি লিখিয়াছেন, দেখুন,—

“আপনাদের ‘ফুলেলা’ দুই শিশি ব্যবহার করিয়াই চুল-উঠা সম্বন্ধে অনেক উপকার পাইয়াছি। ‘ফুলেলা’র গন্ধ অতি মনোহর,—স্বানের পরও অনেকক্ষণ গন্ধ থাকে।”

২য় পত্র ।

যিনি অবকাশরঞ্জিনী, পলাশীর যুদ্ধ, রৈবতক, কুরুক্ষেত্র প্রভৃতি গ্রন্থ লিখিয়া বঙ্গের কবিকুলচূড়ামণি হইয়াছেন,—এক্ষণে যিনি চট্টগ্রামের কমিশনরের পার্শনাল আসিস্ট্যান্টের উচ্চপদে অধিষ্ঠিত, সেই মহাকবি “শ্রীযুক্ত নবীনচন্দ্র সেন—‘ফুলেলা’ ব্যবহারে প্রীত হইয়া কি লিখিয়াছেন, দেখুন,—“কি নিম্নতায়, কি সৌরভে, কি বর্ণের গোঁরবে,—‘ফুলেলা’ ব্যবহার করিলে মুখ হইতে হয়।”

৩য় পত্র ।

মহাশয় ! আপনার প্রেরিত এক শিশি 'ফুলেলা' ব্যবহারে অত্যন্ত আরাম বোধ করিতেছি ; অগ্নুগ্রহপূর্বক আর এক শিশি 'ফুলেলা' ভিঃপিঃ ডাকে পাঠাইয়া বাধিত করিবেন । আপনার 'ফুলেলা' অতি চমৎকার হইয়াছে ।

শ্রীপ্রবোধচন্দ্র দত্ত মুসেফ, লক্ষ্মীপুর, জেলা নোয়াখালী ।

৪র্থ পত্র ।

কলিকাতা হাইকোর্টের জজ শ্রীযুক্ত সারদা চরণ মিত্র, এম, এ, বি, এল, মহোদয় লিখিতেছেন,—

“আমি ফুলেলা ব্যবহার করিয়াছি । মস্তিষ্ক শীতল রাখার পক্ষে ইহা উৎকৃষ্ট তৈল । ইহার সৌরভও অতি মনোহর ।”

প্রতি শিশি ফুলেলার মূল্য ১/ এক টাকা ; ডাক মাশুলাদি ৮০ আনা । একত্র ১২ শিশি ফুলেলা লইলে ১০/ দশ টাকাতেই পাইবেন । একত্র ১২ শিশি ফুলেলা লইলে, ডাক মাশুলাদি ২০/ আড়াই টাকা মাত্র ।

একত্র ৬ ছয় শিশি ফুলেলা হইলে পাঁচ টাকাতেই পাইবেন । ইহার ডাকমাশুলাদি ১০/০ এক টাকা ছয় আনা মাত্র । ছয় শিশির কম লইলে কেহই কামিশন পাইবেন না ।

বি,বসু এণ্ড কোং.

৭৯নং হারিসন রোড, কলিকাতা ।

বি, বসু এণ্ড কোম্পানীর দাঁতের মাজন ।

প্রত্যেক কোঁটার মূল্য ১/০ পাঁচ আনা, ডাঃ মাঃ ১০ চারি আনা । প্যাকিং ১/০ এক আনা । অর্থাৎ ভিঃ পিঃ ডাকে লইলে প্রত্যেক কোঁটার জন্য ১১/০ এগার আনা দিতে হয় । কিন্তু একত্র চারি কোঁটা লইলে, ঐ ১০ চারি আনা ডাক-মাশুলেই যায় । একত্র চারি কোঁটার প্যাকিং ৮/০ দুই আনা, ভিঃপিঃ ১/০ এক আনা । অর্থাৎ ১১/০ এক টাকা এগার আনাতেই চারি কোঁটা ডাকে পাওয়া যায় । একত্র এক ডজন (১২ কোঁটা) লইলে, কমিশন ৮০ বার আনা । ডাকমাশুল ৮০ বার আনা । প্যাকিং ১০ চারি আনা । ভিঃপিঃ ১/০ এক আনা অর্থাৎ ১২ কোঁটা দাঁতের মাজন একত্র ডাকে লইলে ৮/০ চারি টাকা এক আনাতেই পাইবেন ।

প্রশংসা-পত্র ।

মজঃফরপুরের অন্তর্গত সীতারূরীর সব-ডেপুটী মাজিষ্টর শ্রীযুক্ত বাবু প্রভাতচন্দ্র মুখোপাধ্যায় মহাশয় লিখিয়াছেন,—
“বি, বসু এণ্ড কোম্পানীর দাঁতের মাজন অতি উত্তম । ভিঃপিঃ পোষ্টে পুনরায় আমাকে আর চারি কোঁটা দাঁতের মাজন পাঠাইবেন ।”

বি, বসু এণ্ড কোং

৭৯নং হারিসন রোড, কলিকাতা ।

